

جریدہ عدلیہ

۲۱ ربیع الاول ۱۳۲۸ جمعہ اترسی ۲۰ مارت ۱۳۲۶

نومرو ۸

برجی سنہ

قِسْمَتِ رِیاضِ

توجہات عدلیہ

خداوندگار ولایتی استیناف محکمہ سی جزا دائرہ سی ریاستہ ولایت مذکورہ مرکز ہدایت محکمہ سی حقوق رئیس سانح بک آنک یرینہ آنقرہ ولایتی مرکز حقوق ریاستہن مستغنی سلیمان سری افندینک مجدداً تشکیل اولنان بنی صعب قضاسی ہدایت محکمہ سی جزا دائرہ سی ریاستہ رادویشتہ قضاسی ہدایت محکمہ سی مدعی عمومی معاونی خالد افندینک آچیق اولان مارغلیچ قضاسی ہدایت محکمہ سی مدعی عمومی معاونلکئہ مکتب حقوق اعلی درجہدہ مآذونلرندن حسن تحسین افندینک مجدداً تشکیل اولنان نجف قضاسی ہدایت محکمہ سی مدعی عمومی معاونلکئہ بغداد مرکز اوچنچی مستنطق رشید افندینک اچیق اولان حلہ قضاسی ہدایت محکمہ سی مدعی عمومی معاونلکئہ بغداد مرکز ایکنچی مستنطق محمدعلی افندینک مجدداً تشکیل اولنان پالو قضاسی ہدایت محکمہ سی مدعی عمومی معاونلکئہ قوزان سنجانی مستنطق محمد ہدایت افندینک مجدداً تشکیل اولنان قرق کلیسا قضاسی ہدایت محکمہ سی مدعی عمومی معاونلکئہ مکتب حقوق مآذونلرندن الیاس وصفی افندینک محل مأموریتہ کیتمکدن استنکاف ایدن یانیہ استیناف اعضاسندن

حاجي سالم افنديك عزيله يرينه اشقودره ولايتي مركز بدایت محكمه سی اعضاسندن بولان مصطفى افنديك آنك يرينه قولاشين قضای بدایت محكمه سی مدعی عمومی معاونلکندن مستغنی اولوب اليوم در سعادتده بولان يوسف فواد افنديك اچيق اولان درامه سنجای بدایت محكمه سی اعضالغنه اسوچره حقوق دارالفنونندن مأذون يورکی طومه افنديك سوکه قضای بدایت محكمه سی جزا دائره سی ریاسته قالقاندان قضای بدایت محكمه سی جزا دائره سی ریاستندن مستغنی ثابت افنديك بایبورد قضای بدایت محكمه سی ریاسته عثمانیه قضای بدایت محكمه سی جزا دائره سی رئیس محمد علی افنديك عثمانیه قضای بدایت محكمه سی جزا دائره سی ریاسته لسقويك قضای بدایت محكمه سی مدعی عمومی معاونلکندن مستغنی احمد مدحت افنديك طرنوه قضای بدایت محكمه سی مدعی عمومی معاونلکندن مکتب حقوق مأذونلرندن علی کمال افنديك بیغا قضای بدایت محكمه سی مدعی عمومی معاونلکندن مکتب حقوق مأذونلرندن شکری افنديك بنگازی سنجای تجارت محكمه سی ریاسته مکتب حقوق مأذونلرندن سوکده دعوی وکیلی حسین حسنی افنديك دینار قضای بدایت محكمه سی مدعی عمومی معاونلکندن مکتب حقوق مأذونلرندن جمال افنديك رادويشته قضای بدایت محكمه سی مدعی عمومی معاونلکندن قرهجه علی مستطقی مکتب حقوق مأذونلرندن احمد رامن افنديك ایلخان سنجای بدایت محكمه سی اعضالغنه قولونیا قضای بدایت محكمه سی اعضاسندن خرستو قره قیل افنديك برات سنجای بدایت محكمه سی اعضالغنه تپه دلدن قضای بدایت محكمه سی اعضاسندن خرستو افنديك مجدداً تشکیل اولان نابلس سنجای بدایت محكمه سی اعضالغنه محكمه مذکوره مستطقی احمد رشید حکیم ، سوریه ولايتي مرکز بدایت جزا باش کاتبی نیقولا ، خمس باش کاتب اسبقی عبدالعزیز ، دیاربکر ولايتي اعضای سابقه سندن يوسف ضیا افنديك نقل و تعیینلری خصوصه بالاستیذان اراده سنیة حضرت پادشاهی شرفعلی بیورلمش ومومی الهمدن محلف اولمیانلرندن بوراده بولنلرک اصول مقررده وجهه تحلیفلری در دست اجرا اولوب بوراده بولمیانلرک اجرای تحلیفلری لزومی محلا یینه اشعار قلمشدر .

عدليه نظارت جليله سنجه تنظيم و باب عاليه تقديم اولان مظاهرت عدليه قانونی لایحه سی

اسباب مومیه مضبوطه سی

پك چوق ارباب دعاوی به تصادف اولنورکه تعقیبه مجبور اولدقلری مسئله محض حق اولدینی حلاله مجرد خرج ومصارف محاکمینی تسویه ایفا وتعقیب دعاویه عدم اقتدارلرندن ناشی احقاق حق طریقه توسلدن عاجزدرلر . وا کثریا محكمه لره مراجعت ایدلمش واستحصال حکمه موفقیت کسب ایدلمش اولدینی حلاله بیلر

اعلام خرجی تسویه امکانلرلرندن دولایي پك چوقلرینك حقوق محکومه لری هدر اولمق تهله کسنه معروض قالدینی کوریلور . حالبوکه برملکتمده توزیع عدالت قضیه سی صورت متساویه ده جریان ایتدیکجه سلامت وسعادت عمومیه استحصال ایدلمش اوله ماز ، ومحتاجینك رسوم دعاوی تسویه ایفاده عدم اقتدارلری تعقیب ایتدیکلری حقه وصول ایله مظهر عدالت اولمقدن محرومیتلری نتیج اولدیکجه عدالتك یالکیز ارباب ثروت واققداره انحصار واختصاصی انتاج ایتك کی تهله کسلی بر مساوانلرلر قوتلر ایلر . اشته متقدم لایحه قانونیه بو محذوره چاره ساز اولمق اوزره تنظیم ایدلمشدر .

محاکم حضورنده محتاجینه مظاهرت ومعاونت لزومی من القدیهم هریرد . حس ایدلمش بر مسئله اولوب هله نصف عصری متجاوز زماندن بری هرملکتمده بوکا دائر قوانین مخصوصه وضع ایدلمش و بین الدول برچوق، مقاولات ومعاهدات عقد اولنمش حتی ۱۸۹۶ سنه سی لاهی قونفرانسینك برقرار مخصوصنه دخی اقتران ایتمشدر . قوانین مذکورنك هیئت عمومیه سنك تعقیب ایدلکلی غایه برملکتمده یشایان اهالی نظر قانونده مساوی اولدیکجه هرکسك صورت متساویه ده مظهر عدالت اوله بیلمسنك تأمینیدر . توزیع عدالت اساس اعتباریه هر نه قدر حسب ایهده حد ذاتنده محاکمه مراجعت ومراسم ومعاملات مرافعه ومحاکمه توسل خرجسز ، مصرفسز اولور شیلردن دکلدر . شو حالده فقر وضرورت ایچنده بولنلرلر کثریا قدرتلرینك تعلق ایدمه چکی برکلفت قارشوسنده بولنلر ق عدالتدن محروم اولمق تهله کسنه معروض قایلرلر . مظاهرت عدلیه تدبیری ایسه اوکیملرک امدادینه یتیشهرک تأمین مساوات ایدر .

بناءً علیه لایحه مقدمه نك خلاصه محتویاتی بی قدرت اصحاب دعاوی به محافظه حق قضیه سنك متوقف اولدینی بالجمله معاملات قانونیه نك ایفاسی خصوصنده کرک اجرت وکالتدن وکرک هرکونه خرج و پول ومصارف محاکمه ورسوم دعواذن موقتاً معافیت بخش ایتمکدن عبارتدر . شو قدرکه معافیت مذکورده بر تبرع معناسنده اولیوب اکثر احوالده محضا براقراض ویا تأجیل دین معناسنده بر معاونددر . وهر حالده اشبو معاونت بر معافیت قطعیه بی افاده ایتیموب مصونیت موقته بی متضمندر . زیرا عکسی حال قاعده مساواتک دیگر طرف علیه اخلاقی مؤدی اولور . بونک ایچوندکرکه عندالاجرا فقیرک ملکنه بر ثروت ادخال ایدلکده اول بول موقتاً مصون طوتلدینی رسوم ومصارف بالتحصیل اصحابنه توزیع ایدلمک وکذلك هر نه وقت هر نه سببله اولور ایسه اولسون اقتدار مالیه سنده بر حسن تحول حاصل اولورسه مساعده استرداد ایدیلرک در حال اصحاب مطلوبك حق طلبلری عودت ایتك اساسلری قبول ایدلمشدر . شو قدرکه مظاهرت عدلیه به نائلیت ایچون شرط اولان فقر وضرورت آنجق تعقیب دعاویه مانع برعجزی متضمن اولمق حیثیتیه بو عجزک رفع وازاله سی ایچون خزینة دولته وصنعت وکالته تحمیل کلفت جائز اوله بیلور ایسه ده بویوزدن خصمه ده ایراث ایدیلر بیلرک ضرر وزیانک مواخذه ومطالبه سندن معافیتی قطعاً محتوی اوله ماز . بناءً علیه خصم طرفی قوانین عمومیه احکامنه توفیقاً حق مطالبه بی دایما حائزدر .

برده مظاهرات عدلیه مظهریت ایچون یالکزی بی قدرت اولوق کافی اولمایوب حد ذاتده اساسی برحق یعنی تعقیب و محافظه سی جداً جائز و هر درلو شائبه تزویر و ترمردن عاری بر دعوی ویا دفع دعوی بولنق مشروطدر . زیرا مظاهرات عدلیه بر تبرع اولمایوب توزیع عدالتده تأمین مساوات مقصدیه مؤسس بر نوع اعتبار مالی شکیلنده بر معاونتدن عبارت اولدینی جهتله معاونت مذکورهیه مظهریت ایچون آنی استدعا ایدنلرک تعقب ایلدکاری شیئک محض حق اولمی لازمدر . بوقسه صرف نفسایت ویا خصمی اضرار فکریله حقسز بر دعوی اقامه ایتک ایستیانلرک ویا خود علیه لرینه اقامه ایدیلن حقلی دعوایره قارشی مجرد ایقاع مشکلات قصدیه تزویرانه قیام ایدنلرک تشجیعندن ترقی لزومی ظاهردر . بناءً علیه بوجهت اساسیه بی تأمین ایچون لایحه مذکورهده قیود مخصوصه قانونیه وضع اولمشدر .

تعقیب ایدیلن مسئله نك مقارن حق اولوب اولدینی و مستدعینك جداً فقر حال اصحابندن بولوب بولندینی جهتلرینك تدقیق و تحقیقنه کلاجه بونی هر دولتك قانونی بر صورته حل ایتش ایستاد . اکثریسی نه جهت قانونیه نك تدقیقنه ، نه ده اقتدار مالینك تحقیقنه هیئت حاکمه نك اصلاً قاریشدر لمامسی فکرینی قبول ایتشدر . حکامك اصحاب مصالحله ارجله تماسده بولنمامسی ودعوی حقنده هر نصل اولورسه اولسون بر فکر ابتدائی پیدا ویا بر تأثیر اولی اجرا ایتهمسی الزم کورلمشدر . بزده دخی حکامی هیچ بر زمان مسئلهیه مداخله ایتدیرمه مک صورتی ترجیح ایدیلرک بو خصوصک بار و مجلسلرینه و بارو متشکل اولمیان یرلرده مدعی عمومینك تحت ریاستنده تشکل ایده جک بر مجلسه تودیدی مناسب کورلمشدر . آنجق پول بدلرندن طولانی دیون عمومیه اداره سی دخی آر جوق ایشده علاقه دار اوله جنی جهتله بو مجلسده دیون عمومیه دن بر مأمور دخی بولنمسی اصول اتخاذ ایدلمشدر .

مظاهرات عدلیه به نائل اولان شخص مؤخرأ واردات کافییه دسترس اوله رق سعه حاله کیردیکی ویا خود اساساً بی قدرت اولمادینی حالده کندیسی بی قدرت کویسترمکه موفق اولدینی تحقق ایتدیکی تقدیرده دعوانك هر حال وزماننده مظاهرات عدلیه قابل استرداد اولوب بو استرداد کیفیتله قرار ویرمک خصوصی دخی مظهرته قرار ویرن هیئته تودیع ایدلمک صورتی موافق کورلمش و لایحه قانونیهده بونك ایچون احکام مخصوصه وضع و ترتیب ایدلمشدر .

مظاهرات عدلیه نك اجنبیلره دخی تشمیلی قضیه سی مقتضیات عدالت وحقانیه موافق کوریلرک لایحهده بوکا دائر بر ماده وضع ایدلمشدر . پک چوق دول متمدنه قانونلری مظاهرات عدلیه بختنده تبعه ایله اجانبك تفریقی محتوی احکامی حائز دکلدرلر . فقط آلمانیا و اوستریا کبی بعض دولتلرک قانونلری مقابله بالمثل قاعده سی اساس اتخاذ ایتشدر . مع هذا دولتلر بیتنده موجود اولان مقاولات همانده عمومیتله « اک زیاده مظهر مساعدده اولوق » قاعده سی حاوی اولدیغندن مظاهرات عدلیه نك اجانبه تشمیلی زمانمزرده و خصوصیه ۱۴ تشرین ثانی سنه ۱۸۹۶ تاریخی لاهی قونفرانسی قرارندن بری همان بین الدول بر قاعده عمومیه حالی

آلمشدر . شو احواله نظراً مملکتهمزده اجنبیلرک مقابله بالمثل کبی آرتق اساساً زائد بر قیده تابع اولقسزین مظهر مساعدده اولمی و فقط قوانین محلییه توفیق حرکته مکلف طولمی و بونك نتیجه سی اوله رق اوچ سنه مدته ممالک عثمانیهده اقامت ایتش بولنمسی شرطنك درج ایدلمسی موافق مصلحت کورلمشدر .

محاکم جزائیهده مظاهرات عدلیه نك لزوم و صورت تطبیق مسئله سنده دخی قوانین موضوعه دولیه مختلف اصول و نظریاتی جامعدر . مدعی شخصی صفتی حائز اولانلره مظاهراتی بخش ایتکده همان هیچ بری تردد ایتهمشدر . فقط مظنون و متهملره تشمیلنده پک چوق اختلافلر وارددر .

مظاهرات عدلیه نك اساساً حکمت تأسیسنه و ماهیت اصلیه سنه نظراً نائل عدالت اولوق ایستین بر دعواچی به مسائل حقوقیه و تجارییه متعلق اختلافاتده و جرمدن منبعث حقوق شخصییه مطالباتده معانت و مظاهرتده بولنق موافق انصاف اولوب حتی یالکزی حضور محاکمه دکل مجالس و دوائر حضورنده کبی بالجمله معاملاتده و پروتستو و جز کبی اتخاذینه لزوم کوره جکی تدابیر احتیاطیه و سائریه تشمیلی جائز ایشده حقوق عمومیه نامنه تعقیب ایدیلن بر مظنونک بو مرتبه نائل مظاهرات اولمی تجویز ایدلمشدر . شو حالده چوقلری مظاهرات عدلیه نك جهت جزائیهده صورت تطبیق ایچون آروجه فصل آچمه لزوم کورمیوب ذاتاً بوکبی مظنون و متهملر حقنده بخش ایتدکاری مظاهرات برر وکیل مدافع تعیینندن عبارت اولغله هر دولت حقوق جزائیه نك طرز و شکلنه کوره بعضلری تحقیقات ابتدائیه زمانندن بدأ ایله محکمه جنایته قدر بالجمله تعقیبات و محاکمانده و بعضلری یالکزی محکمه جنایته شامل اولوق اوزره وکیل مدافع تعیینی صورتیه ایفای مظاهرتی کافی کورمشدر . لایحه متقدمده دخی جهت جزائیه ایچون آریجه فصل آچمه لزوم کورولوب ذاتاً تحقیقات اساسنده وکیل مدافع بولندیرلوق اصولی قوانین حاضره مزه قبول ایدلماش اولدیغندن اصول محاکمات جزائیه نك ۲۴۹ نجی ماده سنده متهمه وکیل مدافع تعیینی صورتیه موجود اولان مظاهرتک طلب و قوعنده جنحه محکمه لرجه دخی تطبیق جوازینه دائر بر ماده منفرده ایله اکتفا اولمشدر .

مظاهرات عدلیه قانون لایحه سی

مقدمه

مظاهرات عدلیه نك تعریفیه احکام عمومیه سی

ماده ۱ . مظاهرات عدلیه ، بی قدرت اصحاب دعاوی به محافظه حتوتلرینك متوقف اولدینی بالجمله معاملات قانونیه نك ایفای خصوصنده کرک آووقات اجرندن ؛ کرک هر کونا خرج ، پول ، رسوم و سائر

کبي مصارفدن موقتاً مصونيتلرني متضمن اولمق اوزره بخش ايديان بر مساعده معاونه کارانه ديمکدر .
 ماده ۲ کنديسيله برابر اتفاق واعاشه سي اوزرينه لازم اولانلرک حوايج ضروريه لرني تدارک آنجق کافي اولان واردانه واسباب سائر معيشه طوقه مقسرين مصارف مذکوره ني تدارک ايدمه جهك حالده بولنان اصحاب دعاوی بي قدرت عد اولنور .

ماده ۳ مظاهرت عدليه صورت قطعيه ده بر تبرع ديمک اولمايوب بر مساعده موقته دن عبارت اولديغندن اشبو مساعده نتيجه سنده احقاق ايديان حق لدی الاستحصال مظهر مساعده اولان شخصك اقتدار ماليسي تزايد ايتديكي ويا خود مساعده مذکوره اشبو قانون احکامنه توفيقاً ايتدا ايدلديكي تقديرده مساعده زائل اولوب آنك ضمننده موقتاً ترك ايدلمش اولان اجرت، خرج، پول، رسوم وسائرده دن دولاي حق طاب ومواخذنه عودت ايدر .
 ماده ۴ مظاهرت عدليه مظهریت خصوصنده يالکزي قدرت اولمق کافي اولمايوب برده ميدانده اساسلي بر حق يعني تعقيب ويا محافظه سي جدا لازم وهر درلوشائيه تزوير وتمرددن عاری بر دعوی ويا دفع دعوی بولمق شرطدر .
 ماده ۵ تاريخ استدعان مقدم لا اقل اوچ سنه دن بری ممالك عثمانیه ده مقيم بولنان اجنيلردخي اشبو قانونه توفيق حرکتله مظاهرت عدليه مساعده سنه نائل اوله ييلورلر .

فصل اول

مظاهرت عدليه نك صورت استحصالی

ماده ۶ مظاهر عدليه طلبنده بولنان کيمسه ، بارو جمیعی بولنان محللرده جمیعتك رئيسه ، بولنميان برلرده الك بيوك حقوق عمومیه مأمورینه مراجعتله دعوانك نهدن عبارت بولنديغني تحریراً ويا شفهاً حکايه ايدوب اقتدار ماليسي واسباب معيشتی حقنده معلومات ويرر .
 بارو رئيسی جمیعتك مجلس اداره سي اعضاسندن ، حقوق عمومیه مأموری دخی بولنديغني مملکتده اجرای صنعت ایدن دعوی وکیللرندن بریسنه کيفی حواله ايدوب مسئله نك جهت قانونیه سي ايله صاحب مراجعتك اسباب معيشتی حقنده تدقیقات وتحقیقات اجرا ايتدیردکن صوکره نهایت سکز کون ظرفنده ويريله جک راپور اوزرينه ، عوانك جدی بر اساس قانونیه مستند اولوب اولديغني واقتدار ماليسنك مساعد بولنوب بولنديغني حقنده حاصل اولان قناعته کوره مراجعتی قبول ويا رد ايدر .

ماده ۷ مراجعت واقعه قبول ايدلديكي تقديرده مستدعينك بالجله حقوقی هيچ بر اجرت طاب ايتمه رك محافظه مجبور اولمق اوزره بارو رئيسی بازوده مقید بر دعوی وکیلني ، بارو بولنميان برلرده دخی حقرق عمومیه مأموری او مملکتده اجرای صنعت ایدن بر دعوی وکائي تعیین ايدر . وکیل مومی ايله بلا سبب مشروع ایفای وظیفه دن امتناع ايتديكي تقديرده اوچ آی مدتله اجرای صنعتدن منع ايديلور .

بوصورتله استحصالی ايدیلان مظاهرت عدليه مساعده سنك حکمی يالکز آووقات اجرتندن مصونيتی متضمن اولوب مصارف محاکمه تاثیر یوقدر .

ماده ۸ مظاهرت عدليه طلبی رد ايدلديكي ويا خود مصارف محاکمه دخی تشميلي طلب اولنديغني تقديرده طالب راستدا ايله بارو رئيسه وبارو اولميان برلرده حقوق عمومیه مأمورینه مراجعت واستدعاسنه دخی اورر : صفت وصنعتيله حال وموقعندن وکنديسنك وعائله سنك صورت و وسائل معيشندن ودرجه تروت واقتدارندن ونزله رده نه کبي املاك وعقاره صاحب اولوب اولديغندن باحث محله سي ويا قريه سي مختار وامام ويا پاسبندن ويا خود منسوب اولديغني قونسولاتو طرفندن ،
 ثانياً : دولت مأموریتنده ، يا خود براداره ويا تجارتخانه ده ويا بر شخص نزنده مستخدم بر کيمسه ايسه آلديغني معاش اجرت ويا يوهيه نك مقداريني ميمن اداره سي ، يا خود آمري طرفندن معطی ،
 ثالثاً : بلا واسطه تکالیف ميريه ايله مکلف اولوب اولديغني مشعر واولديغني تقديرده مقداريني ميمن دائرة عانده سندن متحصل شهادتنامه لری استدعا سنه ربط ايدر .

اشبو شهادتنامه لری امضا واعطا ايدنلر ايلورده مستدعينك احوال ماليه سنده بر حسن تحول حاصل اولديغندن خبردار اولدقلرنده کيفیتی بارو رئيسه ويا حقوق عمومیه مأمورینه درحال اخباره مجبوردرلر .

ماده ۹ بارو رئيسی مذکور استدعاي مربوطاتيله برابر بارونك - ديون عمومیه وکیل دخی انضمام ايتك شرطيله - مجلس اداره سنه وبارو بولنميان برلرده حقوق عمومیه مأموری ، بر مستطق ويا صالح حاکمی ، بر پوليس قوميسری ومقاولات محرری وديون عمومیه مأمورندن مرکب اولمق اوزره تشکيل ايدمه جکی مجلسه حواله ايدوب کيفیت مجلسده کرک اساس قانونی ، کرک اقتدار مالی جهتندن عريض وعمیق تدقیق ايدلدکن صوکره اتفاق واکثريت آرا ايله قراره ربط ايديلير . واشبو قراره عليه هيچ بر اعتراض جا ز اوله منر .
 ماده ۱۰ قرارمذکور مظاهرت عدليه استدعاسنك ردني حاوی ايسه مستدعي به شفاهاً تفهيم ايدلمك کافيدر . بالعکس قبول واسعاي متضمن ايسه مستدعي يدينه دعوانك نوعيله طرفينك اسم وشهرتلرينه دائراً ايضاحاتی شامل اوله رق مستدعينك مظاهرت عدليه مظهریتي مشعروزي بری اعضاي مجلس طرفندن مضی بر قطعه مضبطه ويريلور .

فصل ثانی

مظاهرت عدليه نك صورت استعمالی وتطبیقی

ماده ۱۱ مظاهرت عدليه مضبطه سنك استحصالی تاريخندن اعتباراً بالجله حقوق وتجارت محکمه لرنده ومجالس اداره حضورنده کرک مدعی وکرک مدعی عليه ومحاکم جزائیه ده يالکز مدعی شخصی صفتيله بولنه رق درجه اولاده جريان ايدمه جک اولان کافه محاکمات اثناسنده ويا خود محاکمه کيريشمزدن اول اتخاذاي ايجاب ایدن پروتستو کشيده سي ، حجز وضعی کبي بالجله تدابير احتياطيه ده ومحاکمات مذکوره نتيجه سنده استحصالی ايديله جک اعلاماتك ، يا خود رأساً آلنه جق قرارلرک تبليغ وتبلغنده واحکامنك تنفيذ واجراسنده تأديسه سي لازم کلن هر نوع قيد ، تصديق ، تبليغ ترجمه واعلام خرچلريله پول بهالری ، جزای نقدی ، کفالت وديپوزيتو اچقلری کبي مصارفك جمله سندن مضبطه نك حاملی بولنان شخص وارسته طوتيلوب مصارف مذکوره نك جمله سي اوراقی ظهرينه « مظاهرت عدليه » قيديله اشارت ايديله رك معامله لری اجرا ايديلور وبونلردن دولاي اقلام ودوائرده آريجه حساب طوتيلور .

ماده ۱۲ نتیجه اجراءه م تحقق مظهرت اولان شخصك ملكه ادخال ايديلن تحت تملكه كيرن بالجله اموال منقوله وغير منقوله مظهرت عدليه م اعده سيله موقتاً وارسته طوتلديني هرنوع مصارف واجرتك تأديه سنه قارشيلق اولوب اجرا معرفيله تحصيل اولنان شي نقد ايسه درحال ، دكسه نقده تحويل ايديلهرك ياخود مسندى به تدارك ايتديريك وفا ايتديكي تقديره تماميله ، ايتديكي حالده اول پول بهالري ، ثانياً محكمه خرجلى وثالثاً آووقات اجرتى صره سيله يكديكرينه ترجيحاً اصحابه تأديه وتوزيع ايديلير .

ماده ۱۳ مظهرت عدليه مظهرت هيچ ر وجهله خصمك حقوقه تأثير ايتيوب اشبو مساعده مظهر اولان شخصى دعواسنى غائب ايتدكه خصمك مصارف محكمه سنك تأديه سنى متضمن اوله حق محكوميتدن وارسته قاله مار . وعلينه صادر اوله حق حكمى محكومله اصولى وجهله اج ايتديرك صلاحيتنى حائزوبوباده قوانين عموميه احكامى جايدير .

ماده ۱۴ نازل مظهرت اولان كيمسه دعواسنى قازانوب ده مصارف محكمه سنك خصمى طرفنه تحميلي لازم كادكه اشبو مساعده سائقه سيله موقتاً ترك ايدلمش اولوب اداسى خصم اوزرينه واجب اولان بالجله مصارف داخل حساب اوله رق اساس حكم ايله برابر اصولى دائره سنده اجرا ايديلور و ۱۲ نجى ماده احكامك تطبيقى ائشاننده بوصورته واقم اوان تحصيلات حساب آلتور .

ماده ۱۵ مظهر مظهرت اولان شخصى نتيجة دعواده هيچ برشى قازانمديني تقديره وياخود دعوائى قازانوب ده نتيجة اجراءه ملكه هيچ بر ثروت داخل اولمديني وياخود داخل اولان ثروت مصارفك تماماً تسويه سنه وفا ايتديكي تقديره دى دائماً مديون قالير . آنحق بوديدن دولاي تعقيبات اجراسى مظهرت عدليه استرداد ايدلديكه جائز اوله مار . شوقدركه ۱۳ نجى ماده ده كو-ترلديكي وجهله خصم طرفك قوانين عموميه تابع قالان حق تعقيبى بوقاعده دن مستثادر .

ماده ۱۶ مظهرت عدليه نائل اولان شخصى بدايه دعواسنى قازانمديني تقديره عبنى مضبطه ايله استينافاً دى بحق نائل مظهرت اولور . استينافدن صوكره تميز ايچون دى بواحكام جايدير . فقط بدايه دعواسنى غائب ايتديكي حالده استينافاً و استينافاً غائب ايتديكي حالده تميزه مراجعت ايچون اصولى دائره سنده يكيدن مراجعت ومراسم لازمه ني ايفا ايدرك مضبطه استحصال ايتمى لازم كير .

ماده ۱۷ استيناف ايچون استحصال ايديلن مضبطه اعاده محكمه ني وتميز ايچون استحصال ايديلن مضبطه دى تصحيح قرارى شاملدر . فقط اشتكاعن الحكام مرحال وكارده آريجه مضبطه استحصاله محتاجدر .

ماده ۱۸ اولجه مظهرت استحصال ايدلديكسزين شروع ايدلمش اولان بر دعوانك انساى رؤيتنده معاملات متاخره م شامل اولق اوزره ياخود مقدما خرجى ورييلهرك آلمش اولان بر اعلامك معاملات اجرائيه سنه وياخود رأساً بر قرار استحصال واجراسنه ، ياخود صرف پروتستو كشيده سى وجزو وضعى كى بر تدبير احتياطى به منحصر اولق اوزره دى مظهرت عدليه طلب واعطاسى جائز اوله بيلور .

فصل ثالث

مظاهر عدليه نك اسباب و صورت استردادى

ماده ۱۹ دعوى و محاكمه نك مرحال و درجه سنده اولديني كى حكم قطعى حوقندن وحق تنفيذ حكمدن صكره دى مظهرت عدليه مساعده سى استرداد ايديله بيلور .

ماده ۲۰ اسباب استرداد ايكيدير : برنجيسى مظهر مساعده اولمش اولان شخصك مؤخرأ واردات كافييه دسترس اولمى ، ايكنجيسى ، اساساً بى قدرت دكل ايكن كنديسنى بى قدرت كوسترمكه موفق اولمش بولمسيدير .

ماده ۲۱ اشبو استرداد كيفيتى كرك وكيل مظاهر ، خصم ديون عموميه مأمورى ، مقاولات محرزى ، اجرا مأمورى ، محكمه وزنه دارى كى شـخصاً ، ياخود اضافه اصحاب حقوقدن برينك طلبى ، كرك ۸ نجى ماده تصريح ايديلن شهادتنامه لرده واضع الامضا اولانلردن برينك اخبارى متعاقب و كرك رأساً بارو رئيسك ويا حقوق عموميه مأمورينك حواله سى اوزرينه ۹ نجى ماده ده ذ كر ايديلن مجلسده مذا كره ايدلديكن و استرداد طلبنده بولانلرك سرد ايدلديكلى احوال و ارائه ايله جكلى دلائل و سائر تدقيق و تحقيقات لازمه اجرا قلندقدن و نائل مظهرت اولمش اولان شخصى دى حياتده ايسه كنديسى ، دكسه ورثه سى جاب و استماع ايدلديكن صكره تحت قراره آلتور .

ماده ۲۲ استردادينه قرار و يرلمنى متعاقب نائل مظهرت اولان شخصى معاملات متاخره ده آرتق مظهر مساعده اوله ميه جنى كى اولجه موقتاً مصون طوتلديني بالجله اجرت ، خرج ، مصارف و سائر ايله درحال مطالب اولور . و بونلر اجرا دائره سنجه حياتده ايسه كنديسندن ، دكسه تركه سندن همان تحصيل و اصحاب حقوقه ۱۲ نجى ماده ده كوستريان صره ايله توزيع اولنور .

ماده ۲۳ استرداد خصوصنك تدقيق و مذا كره سى ائشاننده حيله و ديسيه استعمالى وياخود ساخته شهادتنامه ترتيبى كى مستلزم جزا احواله تصادف ايدلديكه استرداد قرارى اعطا و لغله برابر جهت جزائيه سى ايچون كيفيت عائد اولديني جزا محكمه سنه توديع اولنور .

ماده منفردة

ماده ۲۴ متهم و مظنونلر حقنده تطبيق ايديله بيله جك مظهرت عدليه يالكنر اصول محاسكات جزائيه نك ۲۴۹ نجى ماده سى احكامه توفيقاً وكيل مدافع تعيينندن عبارت اولوب محاكم جنايتده جارى اولان اشبو اصول محاكم جزائيه نك سائر اقسامنده دى مظنون طرفندن طلب وقوعنده رؤس اى محاكم طرفندن تطبيق ايديله بيلور .

ماده ۲۵ عدليه نظارتى اشبو قانون احكامك اجراسنه مأمورددر .



تبلغات عربة

عدليه نظارتندن تعميماً تسطير اولنان صفر سنه ۳۲۸ و ۴ شباط سنه ۳۲۵ تاريخي تحريرات عليه صورتيدر:

« جواباً ورودايدن محرراته نظارتك تحريرات تاريخ ونومروسنك بهمه حال درجي و تلغراف

نامه لرده تاريخدن ماعدا نظارت اوراق اوطه سي نومروسنك علاوه سي لزومنه داتر »

تبلغات واقعه يه جواباً ورودايدن محرراته بعض طرفلرجه اصول جاريه يه مغاير اوله رق تحريرات مبلغه تاريخ ونومروسنك درجي خصوصنده مسامحه ايدلمكده اولسي معاملات قيوديه يه مطلوب اولان انتظامي اخلاص ودوائر عائده سنجه لدی لا ايجاب قيود متعلقه سنه مراجعتي اشكال ايتكمده اولديني كي بو حال مخابرات تلغرافيده ده زياته مشكلاتي مستلزم بولنديغندن بعدما محررات جوابيه يه متعلق اولديني تحريرات تاريخ ونومروسنك سهودن عاري بر صورتده بهمه حال درجنه هر طرفه دقت واعتنا اولنسي وموادمهمه ومستعجله يه منحصر اولان تلغراف جوابلرنده يه يالكنز « ج » اشارتي و تاريخ ايله اکتفا اولنیه رق اصل تلغرافنامه ده محرر نظارت اوراق اوطه سي نومروسنك دخي درجيه مثلاً « ج ۱۵ ايلول سنه ۳۲۵ و ۵۳ » طرزنده تصریح ايدلمسي مقتضي اولسنه نظراً امر مخابراتده مأموريتكنزجه دخي بونقطه لره دقت ورعايت اولنسي توصيه اولنور .

عدليه نظارتندن تعميماً تسطير اولنان ۱۸ صفر سنه ۳۲۸ و ۱۶ شباط سنه ۳۲۵ تاريخي تحريرات عليه صورتيدر:

« جرائم مشهوده تحقيقاتي ايچون محل وقعه يه اعزام اوله جق مأمورين خرج راجه انك

محكمه قراريني متعاقب تسويه ايدلمسنه وبعده مجالس اداره جه تصديق ايتديرلمسنه داتر »

جرائم مشهوده تحقيقاتي ايچون محل جرمة اعزام اوله جق مأمورينه اعطاسي مقتضي خرج راجه انك مجالس اداره نك تصديقه انتظار ايدلمكيزين محكمه قراريني متعاقب تسويه سييله سندانتك بعد الاعطاء مجالس مذكوره جه تصديق ايتديرلمسي خصوصي ماليه نظارت جلبه سندن مأمورين ماليه تعميماً تبليغ ايدلمش اولغله بعدما او صورتله ايفاي معامله يه اعتنا لازم كنلره تبليغ كيفيت قلمسي لزومي بيان اولنور .

عدليه نظارتندن تعميماً تسطير بيوريلان ۲۶ صفر سنه ۳۲۸ و شباط سنه ۳۲۵ تاريخي تحريرات عليه صورتيدر:

« سرسريلكي ثابت اولوبده مستلزم مجازات بركونه ارتكاب جرم ايتامش اولان اشخاصك

قونسولاولرينك انضمام معلوماتيله ممالك عثمانيه دن اخراجلري جهته كيدلمسنه

وقونسولاولرجه مشكلات كوسترليكي صورتده كيفيتك اشعارينه داتر »

سرسري نظامنامه سنك صور تطبيقيه سي حقنده بعض افاداتي حاوي خارجيه نظارت جلبه سندن مرسل تذكره ايله استشاره اوطه سنك اولبابده كي مطالعه نامه سي مجلس مخصوص وكلاجه لدی المطالعه؛ مذكور نظامنامه دن مقصد آسايشك محافظه سييله برابر اولاد وطندن سرسريلكي اعتياد ايدنلرك اصلاح احوالي و بر ايش ايله اشغالي ماده لري اولوب بو ايسه بر خيلي مصرف و كلفتي مستلزم و تبعه اجنبيه دن اولان سرسريلر ايچون حكومت

عثمانيه جه بركونه مصرف وكلفت اختيارينه محل اولمادي ني دركار بولنسنه نظراً تبعه اجنبيه دن سرسريلكي ثابت اولوبده مستلزم مجازات بركونه جرم ارتكاب ايتامش اولان اشخاصك حبسي ورايش ايله اشغالي وسائر ايچون بهوده مصرف وكلفت اختيار ايدلميه رك احكام قانونيه وصلاحيه عهديه يه توفيقاً منسوب اولدقلى قونسولاولرك انضمام معلوماتيله ممالك عثمانيه دن اخراجلري جهته كيدلمسي وشايد قونسولاولرجه بركونه مشكلات كوستريله جك اولور ايسه در حال نظارت مشار اليها يه اشعار ايله اورادن ويريله جك تعالياته كوره معامله ايدلمسي ضمننده ولايات والويه غير ملحقيه وصايای لازمه اجراسي خصوصلرينك داخلية نظارت جلبه سنه ازباري وخارجيه نظارت جلبه سييله نظارت محيي به معلومات اعطاسي بابتد كر ايجابي اجرا قلنديني باند كره ساميه تبليغ بيورلغله مأموريتكنزجه ده حصول معلومات ضمننده بيان كيفيت اولنور .

عدليه نظارتندن تعميماً تسطير اولنان ۲۶ صفر سنه ۳۲۸ و ۱۴ شباط سنه ۳۲۵ تاريخي

تحريرات عليه صورتيدر:

« ضبط امه لره اعلاماتك وقت وزمانيله اعطاسي ، محاكم رؤسا واعضاسيله اعضا

ملازم لرينك تقسيم وظائف صورتيله امور تحريريه يه معاونتله مكلف اولدقلى داتر »

رؤسا واعضاي محاكمدن تحويل مأموريتلري اجرا ايدنلرك تبليغات واقعه دائره سنده بر هفته ظرفنده مأموريت جديده لرينه عزيمته مجبور طوتلرندن وعزل اولنانلرك همان انفكك ايللرندن طولاني بولندقلى محاكماته حائذ اولوب كتبه موجوده نك قلمي حسييله مدت قانونيه سي ظرفنده اكال واحضار اولنه ميان ضبط نامه لره بوكا متفرع سجلاتك امضاسر قالمقده وبالتيجه اعلامات وقت وزمانيله اعطا اولنه ميوب احبابنك شكاياتي مؤدى اولمقده بولنديغندن بمثله معاملات عدليه نك سرعت جرياني تأمين ايدنه جك درجه ده كتبه نك تزديد مقداري ورؤسا واعضادن تحويل وصور سائر ايله ترك موقع مأموريت ايدنلرك بولندقلى محاكماته متعلق ضبط نامه لره سجلاتي امضا وتختيم ايدنه بيلملري ايچون مساعد بر اصول وضع واحداثي بعض طرفلردن اشعار اولمقده وتديير اوله رق دائماً تزديد تخصيصات ومأمورين نقطه سندن سرد فكر وملاحظه ايدلمكده دره .

حالبوكه؛ بوملاحظه موازنه ماليه ايله قابل توفيق اوله مديغندن ورؤسا واعضاي محاكم ايله اعضا ملازم لرينك امور تحريريه نك تنظيم وتسريعنه نظارت ومعاونتله مكلفيتلري اعتباريله هيأت محاكم بومكلفت قانونيه يي نظر دفته الهرق تقسيم وظائف صورتيله هر برلري بر جهتك تعقيب واداره سني درعهده ايدلكلري حالده ضبط نامه لرك مدت معينه قانونيه ظرفنده احضار واكمالي تحت تأمينه آلنه رق شو صورتله هم حكم قانونه توفيق معامله، همده محاذير مسروده رفع وازاله ايدلمش اوله جني دركار بولنديغندن بوداثرده تنظيم وتسريع

معامله ايله احكام قانونيه نك تأمين حسن جريانه اعتنا اولمسنك رؤسا وعضاي محاكمه تبليغ واطاري لزومي تعمياً ازبار قنمش اولغله مأموريتكزجده اكا كوره ايفاي مقتضياتي توصيه اولنور .

عدليه نظارتندن تعمياً تسطير بيوريلان ۱ ربيع الاول سنه ۳۲۸ و ۲۸ شباط سنه ۳۲۵ تاريخي تذاكر ومحركات صورتيدر:

« ولادت باهرالسمادت حضرت رسالتناهي به مصادف يوم مسمودك ايام رسميه تعطيله دن عدينه دائر »

فيخر كائنات افندمن حضرت تارينك ولادت نبوت پناهيلى به مصادف يوم مبارك ايام رسميه تعطيله دن عد اولنسي خصوصه مجلس وكلا قراريله بالاستيدان اراده سنه جناب پادشاهي شرفتمعلق بيورليني بانذ كره ساميه ازبار اولغله بيان كيفيت اولنور .

عدليه نظارتندن تسطير بيوريلان ۸ ربيع الاول سنه ۳۲۸ و ۶ مارت سنه ۳۲۶ تاريخي تذاكر ومحركات عموميه صورتيدر:

« عثمانلي سفارت وشهبندرخانه ليه تبليغ ايديله جك تركه اوراقده مندرج اشخاص وبلاد ومؤسسات اجنبيه اسمارينك لاتين روس ويونان وسائره حروفيله تحرير واوراك تعلق ايتديكي شخص آدرسك وضوحه تحريبه دائر »

آمريقاده ساكن ظن اولان بعض اشخاص حقنده مأمورين تبعه عثمانيه طرفلرندن درميان قلنان مطالبه حائد اولمق اوزره واشينغتون سفارت سنه سنه ارسال ايديلان اوراق ووثائق حقنده بعض افاداتي حاوي سفارت مشاراليها مصاحبتكذارلغندن بالورود خارجيه نظارت جليله سندن طرف سامي صدرتپناهي به تقديم قلنان تحريرات صورت مترجمه سنه نظر آيفاي مقتضاي بانذ كره ساميه اشعار بيورلمش ومذكور تحريرات لفا ارسال قلنمش اولغله مآلنه كوره اجرائي ايجابي توصيه اولنور .

« تحريرات صورتى »

آمريقاده ساكن ظن اولان بعض اشخاص حقنده مأمورين ويا تبعه عثمانيه طرفلرندن درميان قلنان مطالبك بر نتيجه ايتديراسي خصوصي نظارت جليله آصفانه لرندن على التوالى سفارت سنه سنه حواله ايدلمكده وحالبوكه مطالب مذكوره حائد ونظارت آصفانه لرندن شرفورود ايدن محرراته ملفوف اوراق ووثائق سفارت سنه سنه هر نه صورته اولورسه اولسون بر حركت اجراسنه اساس اوله جق ماهيتي حائز بولنماقده در على الخصوص اوراق عدليه ايله حربه نظارتك قرعه افرادينه متعلق مخطره لري بوقيلنددر .

زيرا اوراق مذكوره محرر اشخاص ايله آمريقا شهرلرينك اساميسي تركه حروف ايله يازيلور . اكاكثر احوالده وقوع بولديني اوزره بواسملي املا ايدنلرجه بونلرك تلفظلري تحريف ايدلمديكي فرض اولنسه بيله تركه اوله رق يازملري قراستلري تصعيب واشكال ايتكمده در .

اوراق مذكوره كوستريلان آدرسله كلنجه ؛ بونلر آمريقا حكومت متفقه سندن بر حكومت ويا برشرك وحتى بعضاً يالكنز آمريقا قطعه سنك اسمندن بشقه برشي حاوي اولديني جهته دهها زياده ميمدر . ديكر سفارات عثمانيه نكده عيني حالده بولنديقه شهبه ايتم . بناء عليه كرك بودرجه مهم براساسه مبتني بولنان مخبرات رسميه ايله بيوده يره اضاعه وقت ونقده نهايت ويرلك وكرك مخبرات مذكوره نك معطوف بولنديني معاملاتك سورنجمده قلمسنه محل بر اقامق ايچون مقام سامي صدارت عظمادن مأمورين عثمانيه به بر تحريرات عموميه ارساليله اولان عثمانلي سفارت وشهبندرخانه ليه تبليغ ايديله جك تركه اوراقده مندرج اشخاص وبلاد ومؤسسات اجنبيه اسمارينك اصلارنده كي صورت تافظلرينه كوره لاتين روس يونان وسائره حروفيله طوغري اوله رق تحرير واستساخي ونايماً اوراق مذكوره كنديسيه مناسبانه كيريشلمسي لازم كله جك برشخصه تعلق ايتديكي تقديرده بوشخصك آدرسك وضوحه تحريري لزومك توصيه واطار بيورلمسي اسبابنك استكمالي باند .

محكمة تميز مقرراتي

محكمة تميز هيئت عموميه سندن صادر اولان ۹ ربيع الاول سنه ۳۲۸ و ۸ مارت سنه ۳۲۶ تاريخي وايكي يوز يكرمي بر نومرولى اعلامك صورتيدر :

« اعلام سابقك منقوض اوليان اقسامك اعلام اخيره درج اولنماسي هيئت عموميه جده نقص حكمي مستلزم اسبابنددر »

معموره العزيز ولايتي استيناف محكمه سي جزا دائره سندن صادر اولان ۷ كانون ثاني سنه ۳۲۵ تاريخي واوچيوز اون نومرولى اعلام ايله اوراق متفرعه سي باش مدعي عمومليك مأموريت عليه سندن ۱۱ شباط سنه ۳۲۵ تاريخي وآلتي بيك بشيوز طقسان اوچ نومرولى تبليغنامه ايله محكمه تميز جزا دائره سنه كوندلش وعائدي جهته هيئت عموميه جده بالتدقيق اصراي محتوي اولديني متفقاً تحت قراره آلمش اولغله كافه اوراق دعوي مطالعه اولندي .

اعلام مذکورک خلاصه مالی : عربکیر قضاسنک چیکیز قریه سندن قنبر افندیکنک کیفیت قتلندن طولانی جنایتله متهم اولان شیخو بن محمدعلینک قانون جزانک یوزتمش دردنجی ماده سنه تطبیقاً مستحق اولدینی اون بش سنه کورک جزاسنک جرم واقعک ۱۰ تموز سنه ۳۲۴ تاریخندن مقدم وقوعبولسی حسبیله قانون اخیر موجبجه نصفنه بالتزیل یدی بحق سنه مدتله کورکه قونلسنه دأر مقما ویریلان اعلام عندالتمیز نقض ایله اعاده قلمسی اوزرینه اخیراً جریان ایدن محاکمه نتیجه سنه حکم سابقک ابقاسنه قرار ویرلدیکندن عبارتدر . تبلیغنامه ده دخی : متهمک مجرمیتی ایچون محکمه جه استناد وقراردده ذکر وتعداد اولنه جق دلائل و اخبارات ماهیتنک عین اعلامده مندرج اولق لازمکله جککنه و محکومیتی متضمن اعلامده درج و حکایه اولنمیان احوالک اواعلامده ده موضوع بحث ایدلسنک غیر جائز بولندیغه بناء نقض واقعه اتباع ایدلسی مقتضی ایکن حکم سابقده اصراره قرار ویرلسی یولسز و مغایر قانون اولدیغندن اعلام اخیر مذکورک هیئت عمومیه جه بالتدقیق نقضی طلب اولمشدر .

تدقیقات تمیزیه اجرا اولندوقده : تبلیغنامه ده دخی بیان اولدینی وجهله متهمک مجرمیتی ایچون محکمه جه استناد وقراردده ذکر وتعداد اولنان دلائل و اخبارات ماهیتنک عین اعلامده مندرج اولسی لازم کلوب بناء علیه محکومیتی متضمن اعلامده درج و حکایه اولنمیان احوال اوزرینه بنای حکم ایدلسی غیر جائز بولنش واولبابده کی حکم سابق دخی دائره عائد سنه بونقطه دن نقض ایدلسی ایکن لازم الاتباع اولان نقض واقعه قارشو اعلام سابقک ایکنجی دفعه تنظیم واعطا قلنان اعلامه درجی ایجاب ایده جککنه وعکس حال موجب نقض اوله جغه دأر برقید قانونی اولدیغندن بختله حکم سابقده اصرار ایدلسی مغایر قانون بولندیغندن اصول محاکمات جزائییه قانوننک اوچیوز اون دردنجی ماده سنه توفیقاً اعلام اخیر مذکورک دخی نقضیه اوراقلنک محله اعاده سنه وایکی یوزغروش اعلام خرجنک ایلروده حقسنز چیه جق طرفدن تحصیلنه ۱۸ شباط سنه ۳۲۵ تاریخنده متفقاً قرار ویرلدی .

محکمه تمیز هیئت عمومیه سندن صادر اولان ۹ ربیع الاول سنه ۳۲۸ و ۸ مارت سنه ۳۲۶ تاریخلی وایکیوز یکریمی اوچ نومرولی اعلامک صورتیدر :

« شهودک اصول محاکمات جزائییه قانوننک وایکیوزالتش سکزنجی ماده سی تعریفاتی دائره سنه تحلیفلرینک اجرا اولنماسی هیئت عمومیه جه ده مستلزم نقض اسبابدن عد ایدلدیکنه دأر »

چوروم سنجای بیادیت محکمه سی جزا دائره سندن صادر اولان ۱۹ کانون ثانی سنه ۳۲۵ تاریخلی وایکیوز اون بش نومرولی اعلام ایله بوبابده کی اوراق محکمه تمیز باش مدعی عمومیلکی مأموریت علیه سندن ۱۱ شباط سنه ۳۲۵ تاریخلی والقی بیک بش یوز یتش یدی نومرولی تبلیغات نامه ایله محکمه تمیز جزا دائره سنه کوندلریش

وعادتی جهتیله هیئت عمومیه جه لدی التدقیق اصراری محتوی اولدینی متفقاً تحت قراره التمش اولدیغندن مذکور اعلام واوراق سائره سی مطالعه اولندی . اعلامک خلاصه مالی : سنغورلینک دیکی قریه سندن کوچش اوغلی حسینی تسمیماً قتل ایدلیکی ادعایله جنایتله متهم اولان مرقومک زوجه سی الیفه نک قانون جزانک یوز یتش بشنجی ماده سنه توفیقاً اعدامنه و مزبوریه معاونت ایتسندن طولانی ولی اوغلی اسماعیلک قانون مذکورک یوز یتش بشنجی ماده سنه توفیقاً سکیز سنه مدتله کورکه قونلسنه دأر مقما ویریلان اعلام عندالتمیز شهودک تعریفات قانونیه دائره سنه استماع ایدلما سندن ناشی نقض ایله اعاده قلمسی و بونلردن اسماعیلک نصف مدت جزائییه نی بالاکمال تخلیه ایدلسی اوزرینه یالکیز الیفه نک اخیراً جریان ایدن محاکمه سی نتیجه سنه حکم سابق منقوضده اصرار ایدلسی و آنجق جرمک ۱۰ تموز سنه ۳۲۴ تاریخندن مقدم ایقاع ایدلسی حسبیله قانون اخیر موجبجه اعدام جزاسنک اون بش سنه مدتله کورکه تبدیلنه قرار ویرلدیکندن عبارتدر . مزبوریه الیفه طرفندن معطی لایحه تمیزیه ده : شهودک تعریفات قانونیه دائره سنه تحلیفلرینک اجرا قلمدیغنه وعلیه نه وقع اولان شهادات غرض وخصوصته مبتنی اولدینی جهتله حقنده مدار حکم اتخاذ اولنه میه جی کی مدافعه جلبنی طلب ایدلیکی شهادتک استماعندن صرف نظر اولنسی دخی مدافعه نی محل نواقص قانونیه دن بولندیغنه دأر اعتراضات سر دیله اعلامک نقضی استدعا اولمشدر .

تبلیغنامه ده دخی ، شهودک تعریفات قانونیه دائره سنه تحلیف ایدلدیکرینه متعلق بعض مطالعات درمیانیه اعلامک نقضی طلب اولمشدر . تدقیقات تمیزیه اجرا اولندوقده : اعلام سابقده شاهدلرک یالکیز طرفینه قرابت ومناسبتی اولوب اولدینی صوریله : ق بعدالتحایف استماع ایدلدیکری کوستریلوب حالبوکه اصول محاکمات جزائییه قانوننک وایکیوز التمش سکزنجی ماده سنه شاهدلرک بر کونه خوف وخشیت وغرض وخصوصته مبنی واراق واکسیک اولیه رق حقیقت حالی بیان ایده جککرینه دأر تحلیف اولنه جق قری و بوسورتله قبل الشهاده تحلیف اولنمیان شاهدلرک شهادات واقعه لرینک کأن لم یکن حکمنده عد اولنه جی صورت قطعیده مصرح اولسنه بناء نقض واقع دائره سنه ایفای معامله ایدلک مقتضی ایکن محکمه مذکورجه اعلام منقوضک کورک تحقیقات وکروک محاکمات قسمنده مستلزم نقض برکونا نقصان کوریله مدیکی وموجب اصلاح بر جهت دخی بولنادینی بیانیله حکم سابقده اصرار ایدلسی مخالف قانون اولوب لایحه تمیزیه ایله تبلیغنامه ده بوجهت حقنده درمیان اولنان اعتراضات بحا کورلش اولدیغندن اعلام اخیرک دخی سبب مذکور دن طولانی اصول محاکمات جزائییه قانوننک اوچیوز اون دردنجی ماده سنه توفیقاً نقضیه اوراقلک محله اعاده سنه وایکیوز غروش اعلام خرجنک ایلروده حقسنز چیقاجق طرفدن تحصیلنه ۱۸ شباط سنه ۳۲۵ تاریخنده متفقاً قرار ویرلدی .

محكمة تميز استدعا دائره سندن صادر اولان ۹ ربيع الاول سنه ۱۳۲۸ و ۸ مارت سنه ۱۳۲۶ تاريخي والي طقوز نومرولي اعلام صورتيدر:

« بر پوليس مأموري ضابطه عدليه و مانعه صفتلرندن هانكيسنه استناداً سلاح طاشيان اشخاص اوز، ندهكي رولوري اخذومصادره ايتديكنك تحقيق و طرد مدتلك تعيين اولتماسي نقض حكومي سولمدر »

ايدين ولايتي استيناف محكمه سي جنجه دائره سندن تنظيم واعطا قلنان ۳۰ تشرين اول سنه ۱۳۲۵ تاريخ و اوتوز نومرولي اعلامك تميزاً تدقيق طابئي حاوي پوليس مأمورلرندن اولوب قادرو خارجنده بولان ردوسلي شعبان افندي جانبدن معطى استدعانا و اوراق متفرعه سي باش مدعي عمومليك مأموريت هيه سندن باتبليغات نامه ۲۷ شباط سنه ۱۳۲۵ تاريخنده محكمه تميز استدعا دائره سنه توديع و لدی التدقيق مذکور استدعا نامه نك مدت قانونيه سي ظرفنده اعطا و شرائط لازمه سائر سندن دخي ايفالنديني اكلا شلمش اولمغله بالقبول تدقيقات تميزيه اجراسنه ابتدار قلندي .

اعلام مذکورك خلاصه مالى : كريدلى نعمان و ابراهيم قیلارا كیدن اخذ و مصادره ايتديكي ايكي عدد روولورك برينى نزدنده حفظ و ديكرينى بقال يورغو اوغلى يانيه التي مجديه مقابله ترهين ايتك صورتيله وظيفه مأموريتي سوء استعمال ايتديكي ثابت اولان مستدعي شعبان افنديك حبس و مأموريتندن طرد جزايله محكوميته دائر بديا و يريلان اعلام محكوم مومى اليه جانبدن استيناف ايدلمكله اعلام مذکورك نقصاني تحقيقاتدن طولاني فسـخيله اولبايده اجرا قلنان محاكمه و تدقيقات استينافيه نتيجه سنده مومى اليه ك فعل مذكوره جراتي اقرار مؤلى و بديا استماع اولنان شهودك اخباراتي وضبط ورقه سي و زاندارمه قوماندانلغلك در كناري محتوياتيله ثابت اوله رق مومى اليه ك وظيفه مأموريتي سوء استعمال ايتديكي تحقق ايتمه سنه مبنى قانون جزانك يوز طقسـانجي ماده سندن فقره اولاسي حكمه توفيقاً اوچ ماه حبس و مأموريتندن طردينه قرار و يرلديكنى متضمندر . تميز استدعانا سنده بدايت محكمه سنجه وقوعه كتيريلان خطيات و نواقص قانونيه قارشو اعلام ابتدائي سطحى بر صورتده فسـخ ايديله رك مدعي عمومليك جانبدن عدم مسئوليتي طلب ايدلديكي حلاله محكوميتي جهتي التزام ايدلمسي و مدعيلرك ايكي كشي و بولردن درست ايدلديكي ره ولورك دخي ايكي عدد اولوب اوچنچي بر شخص و سلاحك موجود اولماسيله ينده بشقه بر سلاح ميرى بولناديني ثابت اولمش و مذکور سلاحلى تسليمده وقوعه كلان تأخر ك اسبابي استيناف لايحه سنده محرر بولنش ايكن نظر اعتباره النامسي وظيفه مأموريتيه تعلق ايدن دعوای مد كوره نك مجلس اداره جه رويت اولنه رق منع محاكمه سنه قرار و يرلديكي حلاله محكمه مذكوره جه خارج از صلاحيت محاكمه اجرايله محكوميته قرار و يرلمسي مغاير قانون ايدوكندن بحث ايله اعلام استينافينك نقض استدعا ايدلديكي كشي تبليغ نامه ده دخي مومى اليه ك نزدنده اليقويديني و ترهين ايتديكي بيان اولنان روولورلر صاحبلرى نعمان و ابراهيمدن نه صفتله ضبط يعنى هانكي قسم مأموريتي سوء استعمال ايتديكنك تحقيق مرجع محاكمه سنى تعيين نقطه سندن اهم و الزم اولديني حلاله بو جهتك

تعميقندن ذهول وقوعى و على الخصوص شخصه عائد روولورى اليقويوب ترهين ايتك وظيفه مأموريتي سوء استعمال جرمي تشكيل ايتديكي و بناءً عليه ذمتنه اموال اميريه سكورنلره مخصوص اولان قانون جزانك يوز طقسـانجي ماده سنه توافق ايتديكي حلاله او ماده يه توفيقاً تعيين جزاسي جهته كيدلمسي و جنجه موادنده طرد جزاسي موقت اولديني حلاله على الاطلاق مأموريتندن طردينه قرار و يرلمسي يولسز و قانونه مخالف اولوب لايحه تميزيه محتوياتي بو طريقه بجاو وارد اولديني بيانيله اعلام مذکورك نقض لزومي طلب و انبا قلنمشدر .

ايجاسي لى المذا كره : تفصيلاتي اعلامده محكي تحقيقات جاريه نتايجنه نظراً ذات ماده مظنون پوليس شعبان افنديك نعمان و ابراهيمدن اخذ و مصادره ايدلديكي ايكي روولوردن برينى نزدنده براقى و ديكرينى ترهين ايتك ماده لردن عبارت اولمسنه نظراً عند الاستيناف حكم ابتدائينك فسـخى متعاقب سبق ايدن تدقيقات استينافيه اثناسنده مظنون مومى اليه ك مذکور روولورى حائر اولديني ضابطه عدليه و مانعه صفتلرندن هانكيسنه استناداً اخذ و مصادره ايتش اولديني تحقيق و تدقيق ايديله رك نتايج حاصله يه كوره كيفيتك قراره ربطى لازم كلورك كن بو يولده اجرائى تدقيقات اولتماش و على الخصوص جنجه موادينه متدائر اولان طرد جزاسنك موقت صورتده تحديدي مقتضى ايكن محكمه استينافيه جه مظنونك على الاطلاق مأموريتندن طردى يولنده اتخاذ قرار اولتمسي يولسز و مغاير اصول و قانون اولوب تبليغ نامه محتوياتيله تميز استدعانا سي مؤداسي وارد و بجا كورنش ايدوكندن اصول محاكمات جزائيه قانوننك اوچيوز اون دردنچي و اوچيوز اون طقوزنجي ماده لرى مطوقنجه اعلام استينافينك اسباب محرره دنشايى تفصيله احكام قانونيه دائره سنده ايفاي معامله اولتمق اوزره اوراق متعلقه سندن محكمه مذكوره يه اعاده سنه و ايك يوز غروش اعلام خرچنك تعرفه و تعليقات مخصوصه سنه توفيقاً ايلروده حقسنر حيقه جق طرفدن استيفاسنه ۱ مارت سنه ۱۳۲۶ تاريخنده متفقاً قرار و يرلدى .

محكمة تميز حقوق دائره سندن صادر اولان ۲۰ محرم سنه ۱۳۲۸ و ۱۹ كانون ثانى سنه ۱۳۲۵ تاريخي

و ۱۳۶۳ نومرولي اعلامك صورتيدر

« انقاد بيعده تعيين اولنان و صفندن عارى اولديني ادعاسيله مبيعك بايمه اعاده سنى ردى مانع اسبابك بولتماسيله و شروط اولديني جهته اسباب موجب به مستند اولان حكم ابتدائينك تصديقه دائر »

كوشخانه سنجانغلك سعدالدين محله سنده ساكن سعده افندي زاده حسن افندي ايله موججى اوغلى نيقوله افندي بيننده متحدث دعوایه دائر لواء مذکور بدايت محكمه سندن ۵ آغستوس سنه ۱۳۲۴ تاريخي ۵۶۹ عددى ايله و يريلان اعلام مدت قانونيه سي ظرفنده مزبور حسن افندي طرفدن تميز ايدلمكله طرفينك اعتراض و جواب لايحه لريله بالمطالعه تدقيقات تميزيه اجراسنه ابتدار قلندي .

اعلام مذکورك خلاصه مالى : مزبور نيقولى افنديك مومى اليه حسن افندي ذمتنده با دفتر ۳۷۴ غروش

مطلوبی اولديغندن تحصیاتی طلب و دعوی ایتسمنه قارشو مدعی علیه حسن افندی دخی مدعی به اولمقدار دخی اولیوب آنجق یارم لیرا دخی اوله جغنی و بر سنه اول بهر زراعی الی غروشه اولمق اوزره مدعیك کندوسنه بیع ایلدیکی قماش یکر می غروش دکر ند بولندیغنی حضور محکمه به کتوردیکی پالطو ایله اثبات ایده جگنی و بر لیرالق علم و خبرك اجرای محسوبی حالنده الی غروش دخی قاله جغنی مدافعه بیان و مدعی وکیل ده موکلی مدعی علیه پالطو صاتیوب قماش ویردیکنی وایشده حیل اولدیغنی و بر قاچ سنه اول آلنان بر قماشك تکرار کیرویه آله میه جنی و مبلغ مدعا بهر قارشو بر کونا تسلیاتی اولمدیغنی و مدعی علیه دخی خلا زاده اولان دیندن طولانی یکر می لیرایه صلح اوله رق نتیجه بولدیغنی و مبرز علم و خبر محتویاتی آله رق اولاباده کی دینه محسوب ایتدیکنندن شمعی آلاجه محسوب ایدلمنی انبا و محکمه به ده خلا زاده ایتامك دیکرا اعلامله اجرا دائره سندن تحصیل اولنان مبالغ میاننه داخل اولوب اولمديغك باند کره اجرا دائره سندن استفسارینه و محاکمه نك يوم آخره تعلیقنه قرار ویرمش و يوم معلق مذ کورده مدعی علیه محکمه به کلامنه مبنی تعیین اولنان وکیل مسخر حضوریه جریان ایدن محاکمه و تدقیقات نتیجه سنده مدعی علیه حسن افندیك اجرا قلنان بر قسم محاکمه ده دین مذ کوری قسماً اقرار ایتسمنه و اولکی دیندن طولانی بر ایرا فضله تسلیاتی حقنده اجرا دائره سندن لدی الاستعلام یو کی تسلیاتك عدم وقوعی بیان ایدلمسینه مبنی وکیل مسخر جانبندن سبق ایدن انكارك ردیله مجله نك ۷۹ نجی ماده سی موجبنه مدعا به ۳۷۴ غروشك مومی الیه حسن افندی دن استدعا تاریخندن اعتباراً مع فائض بالتحصیل مدعی به اعطاسنه دائر صادر اولان اعلام غیابی حکمنه مومی الیه حسن افندی بالاعتراض اشیا مذ کوره یی بدل مزبور مقابلنده اشترا و تسلیم و بعضیلرینه ده استعمال و تلف ایتدیکنی اقرار ایتش اولدیغنی اعترافله برابر قماشك کم عیار اولدیغندن بحکله موجود اولان بر عدد دیکلمش پالطونك ایکی لیرا مقابلنده رد و اقدجه متوفی خلا زاده یه اولان بورجنه محسوباً ایتامك وصیسی بولنان معترض علیه نیقولی افندی به تسلیم ایتش اولدیغنی بر لیرای اخیراً ورثه قبول ایتدیکنندن بوباده کی بورجندن تقاص و محسوب ایدیلر ك قاله جق بقیه سی تأدییه آماده بولندیغنی مقام دفعده در میان ایتش ایسه ده اشترا ایدیلان بر قماشك کیلوب بچلد کدن و حتی بعض اجزای ده استعمال ایدلد کدنصکره بدلی مقابلنده رد و اعاده سی قانوناً جائز اوله میه جنی کی خلا زاده ایتامك وصیسی اولدیغنی بیان و تصدیق ایلدیکی نیقوله افندی به تسلیم ایتدیکی بر لیرانك متوفایه اولان بورجنه محسوب ایدلمی مقتضی و بناء علیه ورثه یی قبوله مجبور ایتك لازم کور ایکن ورثه نك عدم قبولندن بحکله نیقوله افندی به مراجعته بحیر اوله میه جغندن اعتراضات واقع نك ردیله اعلام معترض بهك تصدیقنه حکمدن و مستدعی تمیزك اشبو حکم علینده لایحه سنده محرر خلاصه اعتراضاتی ؛ مرقوم نیقوله افندیك کندوسنه بهر آرشونی الی غروشه اولمق اوزره بیع ایلدیکی اعلا قماش البسه بیچامك ایچون ترزی به ویرله جگنی تأمین ایتد کدنصکره مذ کور قماشك تقایدی اوله رق یکر می غروشغندن ویردر ك امنیتي سوء استعمال ایتش و حقوق عمومی جهتک فیصله دیر اولنجه به قدر حقوق شخصیته دن اولان مطلوبات دعوا سنك

تأخیری مقتضی بولمش ایکن محکمه به بوباده تدقیقات لازمه بالا اجرا کیفتك عائد اولدیغنی محکمه به حواله ایدلماسی و مرقوم نیقوله افندیك تحت وصایتنده بولان خلا زاده ایتامنه اولان بورجنه ویرملك اوزره با علم و خبر مرقومه تسلیم ایتش اولدیغنی بر لیرای تسلیم ایتیموب ذمتنده قالدیغنی ا کلا شلمش اولدیغندن بونك دخی مرقومه اولان دینه محسوب ایدلماسی یولسز و مغایر قانون اولدیغندن بحکله اعلامك نقضی و لایحه جوابیه مؤداسی دخی ؛ سرد اولنان اعتراضاتك غیر وارد اولدیغنی بیانیله ردی و موافق اصول و قانون اولان اعلام مذ کورك تصدیق استدعاسندن عبارتدر .

ایجابی مذا کره اولندقدن تمیزی طلب اولنان اعلام مذ کورك نتیجه مفادی مدعیك اشیا اثماتی اوله رق ادعا ایلدیکی ۳۷۴ غروشك تاریخ استدعادن اعتباراً مع فائض مومی الیه حسن افندی دن تحصیاتی دائر اولاباده صادر اولان اعلام غیابی حکمنه بالاعتراض مومی الیه حسن افندی اشیا مذ کوره یی اشترا و تسلیم و بعضیلرینه ده استعمال و تلف ایتش اولدیغنی اقرارله اشیا مذ کوره نك کم عیار اولدیغندن بحکله موجود بر عدد دیکلمش پالطوی ایکی لیرا مقابلنده رده و خلا زاده ایتامنه اولان بورجندن طولانی وصی بولنان معترض علیه تسلیم ایتدیکی بر لیرانك مذ کور اشیا بدلنه تقاص و محسوبی ایله بقیه سی تأدییه حاضر ایدوکنی در میان ایتش ایسه ده اشترا ایدیلان بر قماشك کیلوب بچلد کدن و بعض اجزای ده استعمال ایدلد کدن صکره بدل مقابلنده رد و اعاده سی قانوناً جائز اوله میه جنی کی ایتام ایچون بالوصایه مرقوم نیقوله به تسلیم ایتدیکی بر لیرای ورثه یی قبوله مجبور ایتك لازم کور ایکن ورثه نك عدم قبولندن بحکله نیقوله به مراجعته حتی اوله میه جغه مبنی اعتراضات مسروودنك ردیله اعلام معترض بهك تصدیقنه حکمدن عبارت اولسینه و کرچه بروصف مرغوب ایله صاتیلان مالک اول وصفدن عاری چیقدیغنی حالده مجله نك (۳۱۰) نجی ماده سی موجبنه مشتریك حق خیاری درکار ایسه ده قسماً کیلوب بیچلد کدن و قسماً استهلاک اولندقدن صکره بقیه سنك اعاده سی جائز اولماسینه و مذ کور بر لیرانك ده ورثه عائد اولمق اوزره بحسب الوصایه مدعی به ویرمش اولدیغنی تحت اعتراض اوله رق شوصورتله بونك شخصی اولان اشبو الاجهته محسوبی ادعای شایان قبول کوریه مامش بولسینه کوره حکم مذ کور اسباب موجبیه مستند و اصول و قانونه موافق اولوب مستدعی تمیزك بالاده محرر اعتراضاتیه لایحه سنده مندرج سائر اعتراضاتی دخی نقض حکمی موجب اولمديغندن اعتراضات مذ کوره نك ردیله اصول محاکمه حقوقیه قانوننك ۲۴۲ نجی ماده سنك فقره ثانیه سی حکمنه توفیقاً اعلام مذ کورك تصدیقنه و مبلغ مدعا به بش یوز غروش دن دون بولمش جهتیله زیرده مفرداتی مرقم اولوب تأجیل اولنان (۱۲۰) غروش دن ماعداد پول بهاسی و خدمه اجرتی اوله رق بوکره مدعی علیه نامنه ایضا اولنان (۱۷۰) غروش مصارف تمیزی به نك تأجیل اولنان (۱۲۰) غروشله برابر مستدعی تمیزه عائد اولسینه ۲۵ تموز سنه ۳۲۵ تاریخنده متفقاً قرار ویرلدی .

محكمة تميز حقوق دائره سندن صادر اولان ۱۴ صفر سنه ۳۲۸ و ۲۱ شباط سنه ۳۲۵ تاريخي و ۱۵۶۵
نومرولي اعلامك صورتيدر

« ضرورات اتلافنده حيوان صاحبليكن مسبب اولوب اولمادقلىكن تدقيق ومسبب
اولدقلىرى تقديرده ضرورات تلفه كاله كلش ايسه مثلاً كلامش اولديني حالده
ترلانك ضروراً قيمتيله غير ضرور اوله رق قيمتي تقدير اوله رق هرايكى قيمت
اره سنده حاصل اوله جق تفاوتله حكم ايدلسى لازم كله جكنه دائره »

اشقودره نك يظار قريه سنده متمكن زراعتدن كرك قوله ومارق چيني ايله اشقودره نك تيه محله سنده مقیم
علوش اغا يينلرنده متكون دعوايه دائره اشقودره بدايت محكمه سندن ۱۷ مارت سنه ۳۲۵ تاريخي وائي عددی
ايله ويريلان اعلام طرفينك اعتراض وجواب لايحليليله بالمطالعه تدقيقات تمیزيه اجراسنه ابتدار اولندی .
اعلام مذکورك خلاصه مندرجاتي : مزبور علوش اغانك قورول قريه سنده متصرف اولديني معلوم الحدود
چفتلكي اراضيسنه مرقومان قوله ومارق حيوانلريني صالويهره ك اوتوز يوك مقدارى قوقوروزينك اتلافنه
سببت ويرمش اولدقلىرى استماع قلنان شهودك شهادتيله ثابت اولديني كې قوقوروزك بهر يوكى يوز قرق بش
غروش اولوب محصولات مذكوره يارى يارييه واتق اوزره مدعينك چفتجليله مشترك ايدوكى عندالحا كه
مدعينك سبق ايدن اقراريله تحقق ايتسنه وضرر واقعك مؤخرأ مدعي عليهكم حيواناتى طرفندن ايضاع
ايدلمش اولديني مدعينك اجرا قلنان تحاييله ثابت اولسنه بناءً مدعينك حصه سندن فضله اولان اون بش يوك
حقننده كي ادعاسنك ردينه وحصه سى اولان اون بش يوك قوقوروزدن ايضاع ايتدكلى ضرر نسبتنده مدعي
عليهمادن سكر حيوانى اولان قوله نك حصه سنده مصيب قوقوروزك عينا وياخود بدلى اولان بيك درتيوز
الى غروشك نقداً ودرت حيوانى بولنان مارقدن دخى بش يوك قوقوروزك كذلك عينا وياخود بدلى اولان
يديوز يكرمى بش غروشك نقداً كه جمعاً ايكي بيك يوز يتش بش غروشك حصه لرينه كوره بالتحصيل مدعي
علوش اغايه اعطاسنه دائره استحصال ايدليكى اعلام غيايى عليهنده مرقومان قوله ومارق طرفلرندن اعطا قلنان
اعتراض على الحكم استدعا سنده بو كې ضرر وزيان دعوالرينك پروتستو كشيده ايدلكدن صكره اقامه سى
لازم كلور ايكن پروتستو كشيده ايدللكسزين اقامه ايدلسى وضررك كشفأ تحقق ايتديرلماسى بولسز اولديغندن
بجمله اعلام معترض به حكمنك جرح و ابطالى بيان و ادعا اولنسى اوزرينه جريان ايدن محا كه و تدقيقات
وجاهيه نتيجه سنده اصول محا كه حقوقيه قانوننك ماده مخصوصه سنده مصرح اولديني وجهله پروتستو بر
متعهدك عدم اجراسندن متولد ضرر وزيان مخصوص اولوب اقامه اولنان دعوى ايسه تعهد قيلندن اولمايوب
دعواى مبجوده دخى ضررك وقوعندن بش ماه صكره اقامه ايدلمش اولديني جهتله يكيدين كشيلى امكان
خارجنده بولغله مدعي عليهما طرفلرندن اقرار اولنان اون يوك مصر صرف كندولرينك اون ايكي رأس
حيواناتى طرفندن تلف ايدليوب ضرر واقعك قريه اهاليسنك حيواناتى طرفندن ايضاع اولديغنه دائره اولان

مدافعه لريني اثباتدن اظهار عجزله مدعي به يمين تكليف ايتلرينه ومدعا به ضررك منحصرأ مدعي عليهمانك
حيواناتى طرفندن ايضاع ايدليكى مدعينك قبول واجرا ايدليكى يمينله تحقق ايتسنه ومدعينك فضله ادعاسى
دخى بالينه ثابت اولديني كې جزا محكمه سنده اقامه ايديلان دعوى دخى مدعي عليهما عليهنه اقامه ايدليكى
مبرز جزا اعلامى مندرجاتيله مثبت اولسنه واعتراضات مسروده سائر اعلام غياييك جرح و ابطالانى موجب
اسباب قانونيه دن اولمادىغنه بناءً اصول محا كه حقوقيه قانوننك ۱۵۸ نجى ماده سى موجبجه معترض مرقومك
بوابده كي اعتراضاتنك رديله حكم اولك تصديقه حكمن و مستدعي تميزلك اشبو حكم عليهنده لايحه لرنده
محرر اعتراضلرينك خلاصه سى ، ضرر وزيان ايچون پروتستو كشيده سى اقتضا ايدرايكن ايدلماسى و منازع
فيه محلك كشفنك اجرا قلناماسى و مدعي جزا محكمه سنده متعدد اشخاص عليهنه اقامه دعوى ايتش ايكن
حقوق محكمه سنده يالكز كندولرينه حصر دعوى ايتسى وشهود مستمع مدعينك چفتلك و خانه سنده اقامت
ايدر ادملرندن اولديني حالده محكمه جه بورالى نظراعتباره آلتقسزين برمنوال محرر قرار ويرلسى بولسز
ومغاير قانون اولديغندن بجمله اعلامك تقضى و مدعي عليكم لايحه سنده محرر نتيجه جوابيه سى دخى اعتراضات
مسروده نك واهى وبى اساس اولديني بيانيله ردى وموافق اصول وقانون اولان اعلامك تصديقي استدعا سندن
عبارت بولمشدر .

ايجابى مذاكره اولندقدن : اعلام مذكور مآلندن منضم اولديني اوزره خصوص مدعا بوجه محرر حكم
اعلامه ربط اولمش ايسده مجله نك ۹۲۹ نجى ماده سى موجبجه بر حيوانك كندولكندن اوله رق اينديكى
ضررى صاحبي ضامن اوله ميه جفته كوره مجله نك ۹۲۲ و ۹۲۴ نجى ماده لرنده كوسترليكي اوزره اورالرده
حيوان صاحبليكن ضروراتك اتلافنده مسبب اولوب اولمادقلىرى تدقيق اولنقى ، تسديلىرى تحقق ايتديكى
تقديرده مصررك كاله ايروب ايرمديكى نظر دقه آلهرق كاله كلش ايسه مثلياتدن اولغله مثلاً تحصيله وكاله
كلامش وهنوز يشيل ايكن اتلاف ايدلمش ايسه ترلانك ضروراً قيمتيله غير ضرور اوله رق قيمتي تقدير
اوله رق هر ايكي قيمت اره سنده حاصل اوله جق تفاوتله حكم ايدلك لازم كلور ايكن بورالرينك تأمل
ايدللكسزين بوجه محرر حكم اولنسى بولسز ومغاير قانون اولديغندن اصول محا كه حقوقيه قانوننك ۳۳۲ نجى
ماده سنك فقره اولاسى حكمنه توفيقاً كيفيتك صورت محرره دائره سنده يكيدين بالرؤيه اعلامه رابطى ضمننده
محكمه مذكوره اعاده سنه وزيرده مقرر داتى مرقم اولوب مستدعيلر طرفندن ويريلان (۱۸۷) غروشله
بوكره مدعي عليه علوش طرفندن ايفا قلنان (۲۵۶) غروشكه جمعاً (۴۴۳) غروش مصارف تميزيه نك
ايلرده حقسز حقيقه جق طرفه عائد اولسنه ۳۰ تموز سنه ۳۲۵ تاريخنده متفقاً قرار ويرلدى .

محكمة تميز جزا دائرة سندن صادر اولان ۱۹ ذى الحجة سنة ۳۲۷ و ۱۹ كانون اول سنة ۳۲۵ تاريخي
و ۶۰۵۷ نومرولى اعلامك صورتيدر

«متممك استجوابندن صكره اصول محاكات جزائية قانونك ۲۶۴، ۲۶۵،
۲۶۶ نجى ماده لرنده محرر معاملات ومراسم قانونيك ايضا ايدلمسى مدعى شخصى
ايله جنجه مظلونلرينه تبليغات قانونيه اجرا سندن اول محاكمه كيرشلمش اولمى،
شهودك تعريفات قانونيه دائره سنده تحليفليك اجرا اولمى واستنباه طريقيه
افادهسى ضبط ايدلمارك شاهدك افاده مضبوط سندن قرائتيله وبعض شاهدك
درجه شهادتلى ضبط واعلامه كيريلريك ديكرلرينك افادانه عطفله اكنفا اولمى
وبر متممك درد سندن مقدم غيابه سندن استماع قلمش اولان شهودك تكرار جلب
ايدلمسى وتبدل هيئته ضوابط سابقه ك قرائت اولمى ولدى الحابه شهودك
مواجهه لرى اجرايله مباينت واقعه ك حل وبر شاهدك دائره استظافله محاكمه ده كى
بياناتى آره سنده موجود اختلافك كندوسنه تأليف ايتديرلمسى ومدافعات حقنده
بيان رأى اولمى ومقتول طرفندن وقوعولدينى بيان اولان تعرض ماهيتك
تعميق ايدلمسى ومجرميت قرارنده تعداد اولان افلاك قسماً تحيد مجازات قرارنده
مسكوت براغملى ودلائل قانونيك موضعاً اراده اولمى نقيض سندن مدر»

عينتاب قضاينك قزلبه قريه سندن سيفو اوغلى حسنى وقالى حسين اوغلى حسنى جرح وطاهاز اوغلى
احمد وكولاه محمد اوغلى مسامى قتل وداود كهيايه قارشو تشهير سلاح ايتكم ماده لرندن طولاي ايكى قطعه
مضبطة اتهاميه موجب جنائله اتهام اولنوب موقوف بولنان مرقوم داود كهيا اوغلى عبداهيله قرارى كتمان
على اوغلى محمد وعلى كهيا اوغلى درويش ومامو كهيا اوغلى محليينك توحيداً وجنجه درجه سنده لزوم محاكمه لرينه
قرار ويريلان كسانله معاً اجرا قلنان محاكمه وجاهيه وغيايه لرى نتيجه سنده بولنردن داود كهياينك سيفو اوغلى
احمد كهياينك كيفيت قتلندن طولاي ديكر رفقاييله برلكده اولجه محاكمه سى بالا اجرا قاتل غير متعمد اولمى
اوزره مجرميته قرار وبريله رك تحيد جزاينك اشبر محاكمه ختامه تعليق قلندينى اكلاشلمسى حسيله
مرقوم داود كهيا ايله درويشك قانون جزاينك ۱۷۴ نجى ماده سندن فقره اولاسنه وعبداللهك ۱۸۰ نجى
ماده سنده ومحمود محليينك ده مذكور ۱۸۰ نجى ماده سندن علاوه سنده تطبيقاً داود كهيا ودرويشك اون بشر
وعبداللهك درت وديكر متمملرك اوچر سنه مدته كوركه قولنلرينه وجنجه مظلونلرن دن مائل معلوم الاسامى
رفيقلرينك دخى قانون مذكورك ۱۳۰ نجى ماده سى موجب جنجه بشرماء مدته حبس لرينه ومظلون مرقوموندى
صالح كهيا اوغلى محمد وحسن كهيا اوغلى ديكر محمد ايله سيفو اوغلى احمد كهياينك قتل مسئله سندن ناشى
متم بولنان ديكر اشخاص معلومه ك برائت لرينه دائر حلب ولايتى استيناف محكمه سى جزا دائره سندن صادر اولان
۱۱ اغستوس سنة ۳۲۵ تاريخي ۶۷۸ نومرولى اعلام ايله اوراق متفرعه سى باش مدعى عمومليك مأموريت

عليه سندن ۲۶ تشرين اول سنة ۳۲۵ تاريخي و ۱۸۵ نومرولى تبليغات نامه ايله محكمه تميز جزا دائره سنده
كوندرلمكه اوراق مذكورنه كافى مطالع قلندى .
ذكر اولنان تبليغنامه ده ؛ اصول محاكات جزائية قانونك ايكوز القمش درت والقمش بش والقمش التنجى
ماده لرنده محرر معاملات ومراسم قانونيك ايضا واكلندن صكره متمملرك مابه الاتهاملى اولان افعالندولايى
استجوابلى لازمكلوركن ايجلرندن عبداللهك ابتداء استجوابنه كيريشلركن صكره اوراق اتهاميك قرائت
واخطارات قانونيك ايله تشريح دعوايه مبادرت قلمش اولمى ومدعى شخصى ايله جنجه مظلونلرينه تبليغات
قانونيك ايضا وتشكيل طرفين ايدلمسكيزين محاكمه كيريشلمسى وشهوددن على محمد واحمد بن مصطفى وديكر
بر قسمنك امر تحليفليك اصولك ۲۶۸ نجى ماده سى صراحتنه توفيقاً اجرا ايدلمسى وبره ك قضا سنده
بولسان ادعا شهودندن بالاچى محمدك على طريق الاستنباه افاده سندن اخذندن ذهول اولنورق مضبطة
استنطاقيه سندن قرائتيله وينه شهوددن احمد مصطفى وكلاه محمد اوغلى مسلمك شهادات شفاهيه وتحريره لرى
نه دن عبارت ايسه اعلامه درجى مقضى ايكن ديكر شهودك بياناتى دائره سنده حكاية حال ايتدكرندن بحثله
اكتفا اولمى وطهماس اوغلى احمدك قتلندن ناشى غيابه اجرا ايدلمكه اولان محاكمه ك ختام بوله جنى
اثاده متم داودك دردست ايدلمسى اوزرينه غيابه جريان ايتمش اولان كافى معاملات منفسخ اولغله شهودك
تكرار جلب ومواجهه سنده استشهادلى قانوناً لايد ايكن محاكمه سابقه اعتراضى اولمدينى زمينده متممك
افاده وموافقته بناء احكام قانونيك اجرا وشهودك يكيدن جلب واستماع ايدلمسى و ۱۶ شباط سنة ۳۲۴
۱۷ شباط سنة ۳۲۴ تاريخي جلسه لرده هيئتنجه تبدل وقوعولدينى حالده ضوابط سابقه ك قرائتيله تكرير محاكمه
قاعده قانونيه سنده رعايت اولمى ومحمد خواجه بن شيخونك اثنائى محاكمه دائره استنطاقده كى افاداتى
يكديكرينه مابين اولدقن صرف نظر احمد كهياينك قتل اوزرينه فرار ايتكمه اولان اوچ كيشيدن متم داودى
تشخيص ايتديكى ومع مافى اوصره ده كندوسندن بشقه اوراده كيمسه اولمدينى سوليشيكن ديكر شاهد مائل
طهماس كندوسى دخى اوراده بولنوب داودى طانيدينى سوليسى اوزرينه بولرك وكذاك ديكر مقتول مسلم
ايله رفقاسنك حادثه سنده متعاق اخبارات متباينه ده بولنان شهود سائرهنك مواجهه لرينك اجرا سندن ذهول ايدلمسى
واحمد كهياينك قتلندن طولايى جريان ايدن محاكمه صره سنده ويلاك درميان ايدلىكي مهم مدافعاتك ردأ ويا قبولاً
اسباب موجب درميانيه يكان يكان موقع بحث ومذاكره قونلمسى وشهادت قابل انقسام وتجزي دكل ايكن
ادعا شهودندن احمد مسلم ومائل طهماس برائت ايدن متمملره برلكده داودى محل وقعه ده كوردكلرينى اخبار
ايدرك برائت ايدنلره متعاق اولان اقسام شهادتى ثم التدارك معلل بالا عرض اولديغه هيئت حاكمه جه قناعت حاصل
اولمشيكن بولرك شومعلل شهادتلى داودك مجرميتى ايچون اسباب موجب دن اولورق قبول اولمى ومسلم ايله
رفيقك مقتولتلى وبعضي سندن مجروحيتلى ايله نتيجه قلمش اولان حادثه ك بدايت لرنده متم داود ديكر متمم
عبدالله ايله بموي خانه سنده كتوره رك قبوي قياش ايكن مقتول مسلم ورفقاسى مرقوم داودك قبوسنى جبراً آچوب

ایچری کیرلد کد نصکره الی بی متجاوز سلاح انداخت ایچری اوزرینه مسلم واحد مقتول و برقچیده مجروح دوشدکاری شهوددن جوته اوغلی شهرتلی قادی محمد و عبد الله مصطفی و عکاش محمد و پالاجی محمد و سلیمان و علی کهیانک دائرة استنطاقده و بر قسمی انای محاکمه مع القسم خبره بردکاری حالده تعمیق تدقیقاتله تعرض واقعتک ماهیتک و ابتدا سلاح آنان طرفک ظاهره اخراجندن صکره نتایج حاصله کوره قرار اعطاسی مقتضی ایکن بوجهته عطف نظر اولنماسی و مسلم واحمدک قتلندن و رفیققلربنک مجروحیتندن ناشی اتخاذا اولنسان مجرمیت قرارنده ینه وکیلک بر قسم مدافعانتک مسکوت عنه براغلمسی و متهم دودک احمد کهیانک قتلندن طولای ده مجرمیتی اولجه قرارگیر اولمشیکن تعیین مجازات صره سنده بوندن اصلا بحث قلنماسی و داود ايله عبداللهک مجرمیتلرینی مثبت اولان دلائل قانونیهک کوسترللمسی نقضی مستلزم و متهملردن داودک نقصانی تدقیقاتدن باحث اولان لایحه تمیزیسی مندرجاتی ده وارد اولدینی بیانیله اعلام حکم جنائی و جاهی جهتک نقضی طلب ایدلمشدر .

حکم جنائی مذکوردن طولای تدقیقات تمیزی لایحه اجرا ، تبلیغنامه محتویاتی اعلام مندرجاته نظراً وارد و بجا بولندیغندن اصول محاکمات جزائییه قانونک اوچیز اون دردنچی مادهسی موجبجه حکم مذکورک نقصیه اوراقک محله اعاده سته و ایکیوز غروش خرج اعلامک تحصیلنه ۳۱ تشرین اول سنه ۳۲۵ تاریخنده قرار ویرلدی .

محکمه تمیز جزا دائره سندن اعطا قلنان ۲۷ شباط سنه ۳۲۵ تاریخلی و سکز بیک بشیوز اون

بر نومرولی اعلامک صورتیدر

« تابعیت اجنبیه ادعا سنده بولنان متهمک ابراز ایده چکی ورقهک مرجعیه تدقیقی ایتدیرللمسی و حق حمایه سی اولوب اولمادینی تحقیق اولتمکسزین حین استجوابنده دیگر بر دوات قونسولاتوسی ترجمانتک بولندیرای و ثبوت تابعیتی حالده ده محاکمه سنده ترجمانک بولندیرللمسی مستلزم نقضدر »

پولیس مأمورلرندن اسماعیل افندی بن مصطفای ایفای وظیفه اتناسنده قتل قصدیه جرح ، و در دستنه کیدن قوه ضابطه قارشو کذلک قتل قصدیه مکرراً سلاح انداخت ایتدیکی ادعا قلنم سندن طولای جنایتله اتهام اولنان المانیا دولتی تبعه سندن تیره اوغلی بویاجی لئون روسپرک اجرا قلنان محاکمه سنده قانون جزانک یوز سکسانچی ماده سته توفیقاً قوه ضابطه قارشو قتل قصدیه سلاح انداخت ایتدی سبب شدت عدیه درت سته مدته کورکه قونسله دائر سیروز سنجانی محکمه سی جزا دائره سندن ویریلان ۱۱ شباط سنه ۳۲۵ تاریخ و بیک الی طقوز نومرولی اعلام ايله اوراق متفرعه سی باش مدعی عمومیلک مأموریت علیه سندن

اعتراضات قانونیه سردیه اعلامک نقضی طلبی حاوی ۲۳ شباط سنه ۳۲۵ تاریخ والی بیک سکز یوز قرق الی نومرولی تبلیغنامه ايله محکمه تمیز جزا دائره سته کوندیرلمکله مطالعه اولندی .

مذکور تبلیغنامه ده؛ مرقوم روسپرک در دستنی متعاقب کندیسک المانیا تبعه سندن اولدینی افاده ایتدی واشبو تابعیت ادعاسی ترجمانک حضور و عدم حضوری نقطه سندن بر مسئله مستأخره تشکیل ایلسی اوزرینه تابعیت قانونی موجبجه طرفندن ابراز اولنه جق اوراق مثبتله ايله شو ادعاسی اثبات ایتدی و ابراز اولنه جق اوراقک اثبات تابعیت امرنده کفایت و عدم کفایتک تعیینی ایچون مرجعنه ارسال ايله بوجهتک ثبوتندن صکره علی الاصول منسوب اولدینی دولت قونسولاتوسی ترجمانک انای تحقیقات و محاکمه ده بولندیرلمسی مقتضی ایکن احکام قانونیه دائره سنده تابعیتی تحقیق ایتکسزین استنطاقنامهک برنجی صحیفه سنده محرر اولدینی و جمله یالکیز خدمت عسکریه سی ایفای ایلدیکنه متدائر اولوب ثبوت تابعیه کفایت و عدم کفایتک تعیینی مستنطقک صلاحیتی خارجنده بولنان بر ورقه اوزرینه تابعیت ادعا سندن قبولیه برابر آلمان تبعه سته قارشو حق حمایه سی اولوب اولمادینی حکومت محلیه دن استیضاح اولتمکسزین اوستریا قونسولاتوسی ترجمانی بولندیرله رق افاده سی اخذ ایلدیکی کی هیئت اتهامیه جه دخی بوجهتک تحقیقندن اول المانیا قونسولاتوسی ترجمانی بولندیرلمق و تابعیت اجنبیه جهتی اصولی دائره سنده تعیین ایتدکدن صکره محاکمه سنده ترجمانک حضوری مقتضی ایکن بولندیرلمکسزین و حق مدافعه سی تأمین ایلدیکسزین محاکمه سندن نتیجه لندیرلمس اولمسی مخالف قانون اولدیغندن اصول محاکمات جزائییه قانونک اوچیز اون دردنچی ماده سته توفیقاً اعلام مذکورک نقضی و اهلایک غلیانی سببیه هیئت حا که بیطرفلقلربنی محافظه ایده میه جکری سته متدائر اولان سلائیک ولایتی استیناف مدعی عمومیلکک تحریرانه نظراً دعوانک احکام قانونیه دائره سنده رؤیتی ضمننده اصول محاکمات جزائییه قانونک اوچیز اوتوز بشنچی ماده سی موجبجه سلائیک استیناف محکمه سی جزا دائره سته حواله سته قرار اعطاسی طلب اولنمشدر .

تدقیقات تمیزییه اجرا اولندقدده ؛ متهم مرقومک تابعیتی اثبات ایچون ابراز اولنان ورقهک اثبات تابعیت امرنده کفایت و عدم کفایتک و تابعیت مسئله سندن مرجعیه تعیین و حلی لازم کلورکن بومعاملات ایفا اولتمکسزین خدمت عسکریه سی ایفای ایلدیکنه دائر اولان تصدیقنامه اوزرینه تابعیت ادعاسی قبول اولمسی و اوستریا قونسولاتوسنک حق حمایه سی مرجعندن تحقیق ایلدیکسزین حین استجوابنده اوستریا ترجمانی بولندیرلمسی و تابعیت اجنبیه سندن تحقیق حالده محاکمه ده بولمسی لازم کلان ترجمانک عدم حضوریله محاکمه اجرا ایللمسی نقضی مستلزم اسباب قانونیه دن بولندیغندن اصول محاکمات جزائییه قانونک اوچیز اون دردنچی ماده سته توفیقاً اعلام مذکورک اکثریتله نقضه و مذکور اوچیز اوتوز بشنچی ماده قانونیه موجبجه دعوانک سلائیک استیناف محکمه سی جزا دائره سته حواله سته ۲۴ شباط سنه ۳۲۵ تاریخنده قرار ویرلدی .

در سعادت جنایت محکمه سندن صادر اولان ۹ کانون ثانی سنہ ۳۲۵ تاریخلی

و ۲۳۶ نومرولی اعلام صورتیدر [*]

اوچیوز یکریمی بش سنہ سی تشرین ثانی سنہ ۳۲۵ تاریخلی پنجشنبه کونی ساعت اون راده لرندہ غلطہ: ہ فرمانہ جیلر جادہ سندن کمیچی ساقزلی قسطی ولد یانی بیئلرندہ ظهور ایدن منازعہ نتیجہ سندن بالتہور بجاقہ جرح و قتل ایتدیکی ادعا سیلہ متہم بولنان و محل مذکورده کائن ایلیانک میخانہ سندن بیتوتلہ اسکیجیلک ایدن و مجرد اولوب او قومق یازمق بیلمدیکی سویلیان اوتوز اتی یاشندہ پاشا لیانی طودری ولد یورکینک جنایتلہ اتہامہ دائر ہیئت اتہامیہ دن تنظیم واعطا قلنان ۱۶ کانون اول سنہ ۳۲۵ تاریخ و طقوز یوز قرق اتی نومرولی مضبطہ ایلہ اوراق متفرعہ سی استیناف مدعی عمومیلکینک ۱۹ کانون اول سنہ ۳۲۵ تاریخلی و بیگ بشیوز قرق یدی عددلی اتہامنامہ سیلہ ۲۱ کانون اول سنہ ۳۲۵ تاریخندہ لاجل الحاکم محکمہ جنایتہ تودیع قلنمقلہ بالمطالعہ ؛ تفصیلاتی ضبطنامہ دہ محرر اولدینی اوزرہ اصول محاکات جزائیہ قانوننک باب نایسنک فصل رابعندہ مندرج معاملات ابتدائہ بعدالایضا اجرای محاکمہ ایچون تعیین ایدیلان اوچیوز یکریمی بش سنہ سی کانون نایسنک طقوزنخی کونی متہم طودری اصول محاکات جزائیہ قانوننک ایکی یوز التمش اوچنجی مادہ سی احکامہ توفیقاً توقیفخانہ دن کتوردیلہ رک و مدافعہ و کیلی حمدی بکک وقوع معذرتی حسبیلہ عدم ورودینہ مبنی متہم قبول و موافقتیلہ و کیل تعیین قلنسان و اوراق دعوائی محکمہ قلنمقلہ مطالعہ ایلہ مدافعہ یہ مہا ایدوکنی سویلیان محکمہ نزدندہ مستخدم وکیلاردن سموئل افندی واستیناف مدعی عمومیلکی معاونلردن سعدی بک و متہمک لسان ترکی بہ لایقیلہ آشنا اولمدیغنی سویلسندن ناشی لسان ترجمانی تعیین قلنان و علی الاصول تحلیف ایدیلان مکتب حقوق طلبہ سندن یکریمی طقوز یاشندہ دیمتری افندی بن لازاری موقع مخصوصلرندہ حاضر اولدقلری حالہ محاکمہ علنیہ اجرا نہ مباشرت و جانب ریاستدن لسان ترجمانی معرفتیلہ متہمک هویتی ادی التذقیق استیجواب ضبطنامہ سندن محرر اولدینی و جہلہ تعیین ایتدکدن و متہم ایلہ وکیلنہ اخطارات لازمہ قانونیہ ایفا قلندقدن صکرہ ہیئت اتہامیہ مضبطہ سیلہ اتہامنامہ ضبط کاتبی شفیق افندی طرفندن قرائت اولندی :

مذکور مضبطہ ، مظنون علیہ طودرینک قسطی بی بالمنازعہ جرح و قتل ایتدیکنہ دائر اوراق تحقیقیہ دہ محرر دلائل و اخبارات اتہامہ کافی کرلش و حرکتی قانون

[*] نمونہ اتخاذ اولنقی اوزرہ اشبو اعلام جنائی جریدہ یہ درج ایداشدر .

جزانک یوزیتش دردنجی مادہ سنک فقرہ اولاسنہ موافق افعال جنایتہ دن بولنش اولدیغندن بالبحث جنایت محکمہ سندن محاکمہ سی اجرا قلنمق اوزرہ جنایتلہ اتہامہ قرار ویرلدیکنی حاوی و اتہامنامہ دخی مرقوم طودورینک من غیر تعمد قتل جنایتک فاعلی اولمقلہ اتہام ایدلدیکنی محتوبدر .

اتہامنامہ نک خلاصہ سی جانب ریاستدن لسان ترجمانی واسطہ سیلہ متہم مرقومہ تفہیم و توضیح و معاون مومی الیہ طرفندن دخی دعوانک تشریح اولمسنی معقب متہم مرقوم بہ لسان ترجمانی معرفتیلہ سویلتدیرلکدہ برکون تہوہ خانہ دہ اوتورمقلہ لرایکن کندوسی کیف حالندہ و مرقوم قسطی دخی سرخوش اولدینی حالہ ال ایلہ منازعہ ایتدکدن صکرہ کندوسی کیتدیکنی و بالآخرہ مرقوم قسطی بی کندوسنک قتل ایتدککری سی سویلدککری و فقط کندوسی اورمادینی کی مرقومک اورولدیغنی دخی بیلمدیکی بیان ایتمکلہ قرائت اولنان افادہ استنطاقیہ سندن کندوسی یولده کیتمکلہ ایکن طانیادینی سرخوش بر آدمک اوزرینہ بالهجوم یوزندن یقالدقدن صکرہ بلندن بر بچاق چککک کندوسی اولدیرمک ایتدیککندن کندوسی مدافعہ ضمنندہ النیدن بجاغی المقصدہ ایکن مرقومک کندی کندینی یارلدیغنی و اوائسادہ نہ یابدیغنی ونہ سویلدیکی بیلمدیککندن مرقومی کندی بجاغیلہ اورمش و لنندہ بجاق اولدینی حالہ قہوہ خانہ یہ کیرمش و بجاغک النیدن التمش اولمسی دہ محتمل بولندیغنی و ضابطہ حضورندہ ایسہ شاشیردینی جہتلہ نہ سویلدیکی بیلمدیکی سویلس اولدینی اخطار ونہ دیہجکی استفسار اولندقدہ بو خصوصائدہ هیچ برشی درخاطر ایتدیکنی تذکار ایلدی .

ضبط ورقوسی علی هذا تحقیقات اولیہ بی حاوی ورق دخی اوقوتدیرلدی . بولاردن مستنطق و مأمورین سائرہ جانبندن تنظیم قلنمش اولان ۱۹ تشرین ثانی سنہ ۳۲۵ تاریخلی ضبط ورقہ سندن غلطہ دہ ساقزلی قسطینک قارندن تہلکلی صورتدہ جرح اولنہرق افادہ یہ غیر مقتدر بر حالہ حسہ خانہ یہ نقل ایدلیدیکی و جارحک دردست ایدلش اولدینی بازورنال بیلدیرلمکلہ حسہ خانہ یہ کیدیلہ رک مجروح مرقومک افادہ سنہ مراجعت اولندقدہ بواقشام ساعت اون ایکی راده لرندہ غلطہ نک بالقہ بازارندہ ساقزلینک قہوہ خانہ سندن ارقداش کمیچی اورتہ کوبلی پنا یوط ایلہ کاغد اوینادقدن صکرہ زقاعہ چیقیدیغندہ مصادف اولدیغنی ارقداشلردن کمیچی قاتیقا ایلہ قنوشدینی صرہ یاشندہ بولنان و کیم اولدیغنی بیلمدیکی کمیچی اصنافندن بر شخصک کندوسنہ بلا سبب « یکدیر بورادن » دیہ سنہ قارشو کندوسی بویلہ برحقارتہ نہ سببہ مبنی دوچار اولدیغنی صوریدیغندہ شخص مرقومک جیبندن چیقاردینی بر بچاقلہ کندوسی

قارنندن اورديغنى بيان ايلديكى وبوندن زياده تفصيلات ويرمكه غير مقتدر اولديغنىك
 اكلاشلايدىنى واشبو ضبط ورقه سنك ذيلنده جارحك دردست ايديلوب وويووده مر كنزنده
 بولنديغنى اكلاشامغله هيئتجه مذكور مر كزه كيدلدهكده جارح اوله رق دردست ايديلان
 شخصك اوتوزيدى ياشلر نده پاشا ليمانلى طودورى ولد يوركي نامنده اولوب ضابطه يه ويرديكى
 افاده ده مجروح ساقزلى قسطينك كندوسنه زقافده تصادفه بلا سبب بوغازندن طوته رق
 بچاقله جرح ايتك ايتديكندن تخلص نفس ايجون مرقومك بچاقنى الندن الهرق جرح
 ايلديككى بيان ايتش اولديغنى افاده مضبوطه سنك مطالعه سنك اكلاشامغله بالجب تكرر
 استجواب اولندوقده مذكور افاده يي تكرر ايتش ايدوكى وبچاغى الدقدنصكره تملكه كنك
 اوكي ايتش اولديغندن قسطيني جرح ايتش نهدن ايلروكلديكى كندوسندن صورلدوقده
 اني تهديد مقامنده بچاقله ايتديكى صروده بچاغك قارنه تصادف ايتديككى تذكار ايلديكى
 واستجواب ايديلان تصاب صوانك افاده سندن مرقوم طودورينك قسطيني جرح
 ايلديككنك منقهم اولديغنى آشكار و ۲۰ تشرين ثاني سنه ۳۳۵ تاريخلى طيب راپر نده
 دخى مرقوم قسطينك يكرمى بش ياشنده متوسط القامه والبنيه بر شخص اولوب يالكيز بطنك
 صول ناحيه مراقبه سنك جزئى قدامنده وبر آلت قاطعه ايله حصوله گلش والى محندن
 درز اولمش درت سائيمترو طولنده منحرف بر عدد جرح مشاهده اولمغله مذكور درز لر
 قطع ورفع و جرحك عمق محرف ايله معاينه اولندوقده تماميله جوف بطنه نافذ اولديغنى
 و مذكور آتلك جوف بطنه حين دخولنده شرايين واورده معاييه و مساربقيه يي جرح
 ايتميله سيلان دم داخلندن متأثراً وفات ايلديككنك اكلاشلايدىنى ازبار قلمشدر .

قرائت اولان اوراق مندرجاتنه وافادات مضبوطه سنه نديه چكى لسان ترجماني معرفتيله
 متهم طودورينك سؤال اولندوقده ضابطه ده دوكدكلى جهته نه سويلديككى بيلمه ديككى
 و بونى اثبات دخى ايده ميه چككى سويلدى .

مدعى عمومىلك مقامندن بالا عطا قرائت اينديريلان شهود پوصله سنده اساميسى محرر
 بولنان و غلطه ده فرمه جيلرده يتمش طقوز نومرولى دكانده قصابلق ايدن قرق ياشنده
 ار كوبلى صوا ولد خرسى و محل مذكورده يتمش سكيز نومرولى دكانده بربرلك ايدن
 اوتوز درت ياشنده قبوطاغلى پنايوط ولد اناغوسنى يونان دوانى تبعه سندن اولوب غلطه ده
 بالق بازارندن حاجى فوت زقافنده بر دكانده اشجيكلى ايدن قرق ياشنده اتنه لى اقيم ولد
 اندريا ر غلطه ده يكي بولده ايلمانك سكسان طقوز نومرولى خانه سنده ساكن اولوب محل
 مذكورده فرمه جيلرده كائن نيقولانك قهوه خانه سنده بولنان اوتوز ياشنده صورته

اطه لى دالغيج يوركي ولد بابا ديمتري وتبعه مذكورده دن اولوب غلطه ده بالق بازارنده واقع
 ايلمايور واناغونك ميخانه سنده اقامت ايدن واپور لوسترو موسى قرقيدى ياشنده ديمتري
 فاتيحه ولد ميخالك دعوت واقعه يه اتباعا ورود ايتدكلى خبر و برلكه يكان يكان حضور
 محكمه يه چيقاريلهرق لى السؤال طرفينه بر كونه قرابت و مناسبت و خصوصتلى اولماديغنى
 اكلاشلايدىنى و اصول محاكات جزائيه قانونك ايكى يوزالتمش سكيزنجى ماده مى احكامنه
 توفيقاً امر تحليفلى اجرا قلندقدن صكره منفرداً و مواجعه استماع اولندوقلر نده بولردن
 شاهد صوا خرسى صوا ولد خرسى و قعه كوني متهم طودورى ايله مقتول قسطين دكانك اوكنده بالمازعه
 يكديكرينه يورموق ايله اورمقدلر ايكى بربرينه صاريلهرق يره دوشدكندن صكره
 ايرلدقلىرى و براز ده اوتوده كيدوب تكرر منازعه يه باشلايدقلىر نده مرقوم
 طودورينك بلندن چيقارديغنى بر بچايله قسطيني قارنندن اورمغله مرقوم قسطينك
 قارنندن پيساكلرك جريانه باشلايدىغنى معقب طودورينك صاوشديغنى و قسطيني
 دخى آلوب كتوردكلىرى كوردككى افاده استنطاقيه سنه موافق صورته اخبار
 وعند الاستفسار متهم نرده طوتلديغنى كورمديككى و مقتول قسطينيه بچاق مشاهده
 ايتديككى وشهادتك حضور محكمه ده كى متهم طودورى يه عائد اولديغنى تذكار ايلدى .
 بوشاهدك ذات وشهادته قارشو نديه چكى لسان ترجماني واسطه سيله متهم طودورينك
 صورلدوقده قسطيني اورديغنى درخاطر ايتمايوب يالكيز ال ايله منازعه ايتديككى
 خاطر لادىغنى سويلدى .

شاهد پنايوط اناغوسنى ، وقعه كوني دكانده اوتورمقدلر ايكى طيشاروده بر كورولى
 ايشتمكه باقديغنده مقتول قسطين ايله متهم طودورينك صارلمش اولدقلىرى حالده يكديكرينه
 يورموقله اورهرق ايكيسينه يره دوشدكلى صروده مرقوماندن متهم طودورينك الى
 بلنه كتورهرق سلاح ارامقده ايدوكى و طانيدىغنى بر آدمك مرقومانى تفريق ايتدكندنصكره
 مرقومانك تكرر يكديكرينه صاريلهرق يره دوشدكلىرى و بو ائاده كلان بر مشترى ايله
 كندوسى دكانه كيروب قوشمقده ايكى قسطينك اورلديغنى ايشتمسيله دكانك قپوسنه
 چيقوب باقديغنده متهم طودورينك النده قانلى بچاق اولديغنى حالده مرمه لى نيقولك قهوه
 خانه سنه كيرديككى و قسطينك ياننه كمتديكندن مرقومى مجروح كوردككى افاده مضبوطه سنه
 مطابق صورته بيان وعند الاستيضاح مقتولك النده بچاق بولماديغنى و متهمك يوزنده قان
 كورمش ايسه ده بچاق ياره مى اولماديغنى وايكيسنك دخى سرخوش ايدوكى وشهادتك
 محكمه ده كى متهم طودورى يه راجع اولديغنى اثبات ايلدى .

بوشاهدك ذات وشهادته قارشو نه ديه چكي ينه لسان ترجماني معرفتيه سؤال اولندقده كندوسنده بچاق بولمايوب اوفق بر چاق بولنديني جوابنده بولندي .

شاهد افتم اندريا افتم ولداندر يا بركون دكاننده ايكن طيشاروده بركورواتي ايشتمكه چيقوب باقديغنده يانينك قهوه خانه سي اوكنده بر قاج آدمك طوتمش اولدقاري متهم طودورينك الندن بچاغني المقي استدكاريني كورمسي اوزرينه كندوسيده كيدوب مذكور بچاغني طودورينك الندن وقيني دخي بلندن الوب دالغيچ يوركي به ويرديكني وبچاغك قاني ايدوكني افاده استنطاقيه سي وجهله اتيان وشهادتك حضور محكمه ده كي متهم طودوري حقنده اولديغني درميان ايلدي .

بوشاهدك ذات وشهادته دخي نه ديه چكي ترجمان واسطه سيله صوريلان متهم كندوسي كمنه طوتماديغني وبريره قاچاديغني سرد ايتدي .

شاهد دالغيچ يوركي دالغيچ يوركي ولدباياديمتري بركون نيكونك قهوه خانه سي اوكنده اوطورمقده ايكن بركورواتي حادث اولغله باقديغنده اوكنده متهم طودورينك النده بر قاني بچاق اولديني حالده كلكده و آرقه سنده اهايلدن بر جوق كشيكنك آدم اولديردى طوتك ديو باغرمقده اولدقارندن كندوسي مرقومي همان طوتوب اشجي افتمك دخي مرقومك بچاغني الندن وقيني بلندن الديغني و مرقوم طودوري اللرندن قورتيلوب ايليانك دكاننه كيرمكه كندوسي استصحاب ايتديكي بر پوليس مأموري ايله كيدوب تحري ايتشيلر ايسه ده بوله مدقارندن اسكه باشنه كيدوب دردست ايتدكاريني افاده استنطاقيه سيه موافق صورته بيان وحقنده شهادت ايتديكي شخصك حضور محكمه ده كي متهم طودوري اولديغني درميان ايلدي .

بوشاهدك دخي ذات وشهادته قارشو نه ديه چكي ترجمان واسطه سيله متهم مرقومدن سؤال اولندقده بچاق وارمي ايدى اولديردمي بيلم بوني طانورم طوغريسي سويليورسه بيلم جوابنده بولندي .

شاهد ديمتري فاتيما ديمتري فاتيما ولد ميخال دخي لسان تركي به آشنا اولديغني بيان ايتديكندن اصولاً بعد التحليف لسان ترجماني تعيين قلان قرق ياشنده سمسار آندريا اوغلي ميخال معرفتيه استماع اولندقده بركون ايليانك قهوه خانه سنده اوتورمقده ايكن مذكور قهوه خانه ده بولنان متهم طودورينك طيشاري چيقمسي معقب قارشودن كلان مقتول قسطنيك مرقوم طودوري به يومروقله اورمغه باشلامسيله مرقومانك مضارب به باشلا دقاريني و كندوسي شمسيسي المقي ايچون قهوه خانه ك ايجروسنه كيرديكي ائنده قسطنيك اولديغني ايشديكني مضبوط افاده سي وجهله ياد وعندالسؤال متهم طودوري ني اورادن قاچديغني جهته

طوتدقاريني مشاهده ايتديكي كي كندوسي قهوه دن چيقيجه به قدر قالديرمش اولدقارندن مجروح قسطنيك ي دخي صكره كوره مديكني وديديكي طودورينك حضور محكمه ده كي متهم اولديغني ايراد ايلدي .

كذلك لسان ترجماني معرفتيه صوريلان متهم طودوري اشوشاهدك ذات وشهادته قارشو ديه چكي اولديغني سويلدي .

مدعي عموميلكك شهود بوضله سنده اسمي محرر بولنان و غاطله ده فرمته جيلرده واقع يانينك قهوه خانه سنده بربرك ايدن يكرمي اوچ ياشنده كليولي ميچو ولد واسيلك كليولي به كيتديكي جلبنامه سي زيرنده كي شرحدن اكلاشديغني بيان اولندقده معاون مومي اليه مرقومك هر نه قدر كليولي به كيتديكي بيان اولندقده ايسه ده كليولينك نره سنده اولديغنه دائر بركونه ايضاحات ويريله مامش وشو صورته اقامتكاهي مجهول قالمش اولديغندن جلبي شاهده ميچو واسيلك متعسر اولغله مرقومك افاده استنطاقيه سيك قرائت ايتديرلمسي طلب ايتمكه لى التذكر افاده مضبوطه سي مرقوم ميچونك كليولينك نره سنه كيتديكي واوراجه اولان اقامتكاهي مجهول و بناء عليه جلب واستماعي متعذر اولديغندن بر موجب طلب استنطاقاً مع القسم مضبوط بولنان افاده سيك قرائته دائر متفقاً قرار ويريله رك بعد التفهيم مذكور افاده نامه اوقوتديرلدقده بركون دكاننده ايكن بركورواتي اولغله باقديغنده قسطنيك ي قارندن مجروح اولديني حالده كتوردكاريني واون دقيقه صكره طودورينك النده قاني بر بچاق اولديني حالده كلسيله مذكور بچاغك دالغيچ يوركي واشجي افتم ظرفندن مرقوم طودورينك الندن الندقندن صكره مرقوم طودورينك اللرندن قورتيلوب صاوشديغني بيانندن عبارت بولمشدر .

شهادت آفهيده قارشو دخي نه ديه چكي ترجمان معرفتيه صورلدقده متهم طودوري بنده بچاق يوقدي چاق واردي جوابي ويردي .

آلت جرح اولق اوزره اوراق دعوى ايله برلكده توديع ايدلمش اولان بچاق ايله قيني اولا متهمه وبعده يكان يكان شاهده لره ارئه وسؤال اولندقده بولردن متهم طودوري مذكور بچاق وقينك كندوسنك اولماديغني وشاهدلردن صوا مذكور متهمك انده كوردكي بچاغه مشابه اولديغني و افتم ايله دالغيچ يوركي دخي مذكور بچاق ايله قينك متهمك الندن وبلندن آلان بچاق وقيني اولديغني وپنايوط بچاغك صابي متهمك النده ايدوكندن كوره مامش ايسه ده تيمورينك متهمك النده مشاهده ايتديكي بچاغك تيمورينه مشابه ايدوكني اتيان ايلديلر .

استيضاح واقع اوزرينه طرفينك توسيع تحقيقاته متعلق بشقه مطالبي اولماديغني

جرمده استعمال اولان بچاق

مدعی عمومیك نتیجه اكلا لمقله تحقیقاتك بودند عبارت اولیخی بیان اولندقدم معاون مومی الیه متمهم ادعایی
طودورینك قسطلی بی من غیر تعمدر جرح وقتل ایلدیكی مقتولك قبل الوفات ضبط اولنان
افاداتی ومتمهمك اقرار واعترافاتی وشاهدلرك مع القسم وعلى الدرجات واقع اولان اخبارتی
ومعاینه راپوری مندرجاتی الیه مرتبه ثبوته واصل اولدیغندن مجریمتیه قرار ویرلمسنى
طلب وادعا ایلدی .

مدافعه وکیلک
مدافعه کی

مدافعه وکیلکی دخی صورت جریان محاکمه دن فعل قتل مباحوث عنک مؤکلی
طودوری طرفدن ایقاع ایدلیدی اکلایشیلورسده فعل مذکورک بالهور وقوعبولدینی
حقننده دلیل واماره بولمیدیغنی ومقتولک قبل الوفات ضبط ایدلمش اولان افاده سنده
طودوری نی الیه اتیورمیسی اوزرینه مرقومکده کندوسنی بیاقوله اوردیغنی صریحاً بیان
ایتمنه کوره سکر حالده اولان مقتول قسطینک طودوری نی هجوم ومنازعه یه دعوت ایتیدی
اکلایشیلدیغندن فعل مدعاهیک تعرض واقعی دفع ایتک اوزره مدافعه نفس یولنده صادر
اولمش اولدیغنی ومؤکلی ایله مقتول بینده نحدث ایتیدی شهود مستمع طرفدن خبر
ویریلان مضاربه اثناسنده مقتولک النده بیقاق اولدیغنی حالده موکنه هجوم ایتیش اولمسى
احتمالی موجود وبواحتمالی رفع ایده جک دیگر کونه احول مقعود اولدیغنی ومیدانده ضبط
ورقه سی بولمیدیغندن مقتولک اوزرنده بیقاق ظهور ایدب ایتیدی معلوم اولمیدیغنی کی
مهمنده بیقاق بولمیسى احتمال مذکورى دفع ایده میه جکنی وبرتوقات ایچون بر آدم قتل
ایدیله میه جکنی بالیان اجرای عدالت اولمنسنی استدعا ومتهم طودوری دخی محل منازعه ده
بولنان کسان شهود مستمع دن عبارت اولیبوب ساثر برحق اشخاص بولندیغنی حالده
آنلرک نه ایچون کاوب شهادت ایتدکاربنی سوویامیرک بشقه دیه جکی اولمیدیغنی انبا ایللریله
محاکمه نک ختام بولدیغنی طرفنه اکلا دیلهرق مذاکره اوطنه سنه کدلدى .

مجرمیت قرارى
محاكمه جاريه وجهله طرفينك ادعا وافادات ومدافعاتى استماع واوراق دعوى يكان
يكان مطالعه وتديق اولنه رق مندرجاتى استطلاع اولندقدن صكره ايجاب كيفيت لى المذاكره
متمهم طودورى عندالحاكمه وقعه كوفى ايكيسى دنخى سكران اولدقلندن مرقوم قسطنطى
ايله ال ايله منازعه ايتمش ايسه لرده مرقومى جرح وقتل ايتديكندن بختله انكار تهمت
ايتكمده ووكيل مدافعى دنخى فعل قتل مبحوث عنك موكللى طودورى طرفندن ايقاع
ايدلديكى اكلاشيلور سنده فعل مذكورك بالتهور وقوعى حقننده دليل واماره بولندينى
ومقتولك قبل الوفات ضبط ايدلش اولان افاده سنده موكللى ايله ايتورمى اوزرينه
مرقومكمده كندوسنى بحاقله اورديغى صريحاً سان اتسنه نظراً سكر حالده اولان مقتولك

موکلی طودوری به هجوم و منازعه به دعوت ایستد یکی اگلاش یلیدیغند فعل قتلک تعرض
واقعی دفع اتمک اوزره مدافعه نفس یولنده صادر اولمش اولدیغنی و موکلی ایله مقتول
بیننده تحدث ایستد یکی شهود مستمعه طرفندن خبر ویریلان مضاربه ائساننده مقتولک النده
بچاق اولدیغنی حالد موکلنه هجوم اتمش اولمشی احتمالی موجود و بواحتالی رفع ایده جک
حوالک مفقود اولدیغنی ضبط ورقه سی بولندیغند مقتولک اوزرنده بچاق ظهور ایدوب
ایتمدکی معلوم اولدیغنی کبی موکلنده بچاق بولمشی دخی احتمال مذکوری رفع ایده میه جکنی
و بر توقات ایچون بر آدم قتل ایدیله میه جکنی بالیان طلب معدلت ایلمکده ایسه لرده متهم
طودورینک دائره استنطاقده ضبط ایدیلان افاده سنده یولده کیمکده ایکن طانیمدینی
سرخوش بر آدم اوزرینه بالهجوم یوزندن یقالادقندن صکره بلندن بر بچاق چکدرک
کندوسنی اولدیرمک ایستدیکندن مدافعه نفس ضمنده لندن بچاغنی المقده ایکن مرقومک
کندی کندینی جرح ایلدیکنی و او ائسانده نه یالیدیغنی و نه سوبلیدیغنی بیلمدیکندن
مرقومی کندی بچاغیله اورمش والنده بچاق اولدیغنی حالد قهوه خانه کیرمش و بچاغک
لندن آتمش اولمشی ده محتمل بولندیغنی بالیان کیفیتی تأویلاً و بولایس حضورنده و مستطقلکجه
اجرا اولنان تحقیقات ابتدایه ائسانده مرقوم قسطنینک کندوسنه زقاده تصادفله بلا سبب
بوظازندن طوته رق بچاقله جرح اتمک ایستدیکندن تخایص نفس ایچون مرقومک بچاغنی
لندن آله رق جرح ایلدیکندن بچاقله فعل جرحی صریحاً اقرار و حضور محکمه ده ایسه
بروجه محرر مقتول ایله بینلرنده تحدث ایدن اساس منازعه بی اعتراف ایله برابر کاه کیفیت
جرحی کلیاً انکار و احیاناً (بچاق واری ایدی اولدیردیمی بیلمم) و شهود مستمعنه دن
برسی ایچون (بونی طانورم طوغریسنی سوبلیورسه بیلمم) دهرک نوعماً اقراره قرین
و سراپا یکدیگرینه مابین افاداته ابتدار ایلسنه و وقعه کونی مقتول ایله متهمک دکانی اوکنده
بلمنازعه یومروقله مضاربه اتمکده لر ایکن بربرینه صایله رق یه دوشدکدرندن صکره
براز دها اوتده تکرار منازعه به مباشرت لرنده متهم طودورینک بلندن چیقاردیغنی بچاقله
قسطنینی قازندن اوردیغنی کوردیکنی حقوق عمومی شهوندن قصاب صوا ولد خرسونک
ویوم وقعه ده حادث اولان بر کورتلی به باقدیغنده مقتول قسطنی ایله متهم طودورینک
یکدیگرینه صارمش اولدقلمی حالد یومروقله مضاربه ایدرک ایکسیده یه دوشدکبری
صرده متهم مرقومک الی بلنه کتوردرک سلاح ارامقده ایدوکنی و مرقومان تفریق
اولمیرلیه دکاننده بر مشتریله کوروشمکده ایکن قسطنینک اورلیدیغنی ایستمش اوزرینه
باقدیغنده متهم مرقومک النده قانی بچاق اولدینی حالد مرمردلی نیقونک قهوه خانه سینه

کیردیکنی وقسطینک بانه کیتدیکنده مرقومک مجروح ایدوکنی مشاهده ایتدیکنی بربر
بنایوط ولد آناغوسیتینک ویوم مذکورده بر قاج آدمک متهم طودورینک الندن بچاغنی
المق ایتدیکلرینی کورمسی اوزرینه کیندوسیده کیدوب مذکور بچاغنی طودورینک الندن
وقیننی بلندن الوب دالغیچ یورکی به ویردیکنی وپچاغک قانی ایدوکنی اشچی ایتیم ولد
اندریانک وبرکون تحدث ایدن کورلای به باقدیغنده متهم طودورینک النده قانی بریچانی
اولدیننی حالده کلکده و آرقه سندن برچوق کشینک « آدم اولدیردی طوتک » دیوباغرمقده
اولدقنندن مرقومی همان طوتوب اشچی ایتیمک دخی متهم مرقومک بچاغنی الندن وقیننی
بلندن الدیغنی و مرقوم طودوری اللرندن قورتیلوب ایلیساک دکانسه کیرمکه کیندوسی
استصحاب ایتدیکنی بر پولیس ایله کیدوب تحری ایتیمک ایسه ده بوله مدقنندن اسکله باشنه
کیدوب دردست ایتدیکلرینی دالغیچ یورکی ولد بابا دیترینک حضور محکمه ده وقسطی بی
مجروح کوردکن صکره متهم طودورینک النده قانی بریچاق اولدیننی حالده کلکله مذکور
بچاغک متهم مرقومک الندن دالغیچ یورکی واشچی ایتیم طرفلرندن الندن صکره متهمک
اللرندن قورتیلوب صاوشدیغنی بربر میچو ولو واسلیک مستطقی نردنده متهم طودوری بی
تعیین وتشخیص والت جرح اولان بچاغنی تخصیص ایدرک مع القسم وعلی الدرجات اخبار
ایتملرینه و مرقوم قسطینک بر آلت قاطعه ایله حصوله کش جرحدن متسأراً وفات ایلدیکنی
طیب راپورنده محرر بولماسنه ومدافعانه کلنجه : منازعه واقعه ده مقتوله بچاق بولمیدیننی
جمله اخباراتدن بولماسنه وتوقاده قارشو بچاق استعمالی قباله ومدافعانه تشکیل ایدمه جکینه
ومقتوله بچاق بولمیدیننه دائر ضبط ورقه سی تنظیم ایدماسی تعین ایدن حقیقتی تغیر
ایدمیه جکی کبی متهمی مدافعیه سوق ایده جک هیچ برحال وضرورت بولماسنه وفعل
قتل مبحوث علیک منازعه نتیجه سنده تهورله وقوعه کلدیکنی حقنده درمیان اولان
اسباب قاعت وجدانیه حصوله کتوردماسنه مبنی طودورینک انکار وتاویلاتی واسباب
مبسوطیه قارشو مدافعیه وکیلک کافه مدافعاتی غیر وارد والحاصل متهم مرقومک
اوجیوز یکریمی بش سنه سی تشرین ثانیسنک اون طقوزنجی پنچشنبه کونی ساعت اون
راده لرنده غلطه ده فرمانه جیلر جاده سنده بکچی ساقزلی قسطی ولد یانی سائقه سکر ایله
بینلرنده تحدث ایدن منازعه نتیجه سنده بالهور من غیر تعمد قتل ایتک فعلتک فاعلی
اولق اوزره مجرمیتنه وجاهاً ومتفقاً قرار ویرلرک محاکمه اوطه سنه عودتله قرار مذکور
علناً قرائت ویان اولندقدن معاون مومی الیه مجرم طودورینک قانون جزانک یوز یتیم
دردنجی ماده سنک فقره اولاسنه توفیقاً تحدید جزاسنی طلب وادعا ومدافعه وکیلی

مدعی عمومینک تعین
جزا ادعای

وکیلک مدافعه سی ممکن مرتبه مؤکلنک تخفیف جزاسنی استعدا وطودوری دخی دیسه جکی اولمیدیننی انبا
ایلمرله بوجهت حقنده کی محاکمه نک دخی ختامی بالافهام تکرار مذاکره اوطه سنه کیدلیدی .
تعیین جزاقراری جهت جزائییه حقنده دخی مذاکره کیفیت اولندقدن ؛ مجرم طودورینک فعل وحرکتی
قانون جزانک یوز یتیم دردنجی ماده سنک فقره اولاسنه موافق وفقره مذکور [برکسه
من غیر تعمد بر شخصی اتلاف ایتیمک ایسه اوزبش سنه مدته کورکه وضع اولنور] عبارده سی
ناطق اولدیغندن اشبو فقره قانونیه حکمنه توفیقاً وابتدای توقیفی اولان اوجیوز یکریمی
یدی سنه سی ذی القعدة سنک یکریمی ایکنجی کونندن اعتباراً اون بش سنه مدته کورکه
قولنسنه وزیرده مفراتی مرقم جمعاً یوز قرق غروش مصارف محاکمه نک ده کیندوسندن
بالتحصیل عدلیه وزنه سنه تسلیم ایتدیرلمسنه اوجیوز یکریمی سکز سنه سی محرم الحرامنک
اونجی کوننه مصادف اوجیوز یکریمی بش سنه سی کانون ثانیسنک طقوزنجی کونی کذلک
وجاهاً ومتفقاً قرار ویرلرک محاکمه اوطه سنه عودتله قرار لاحق دخی جانب ریاستدن
علناً متن قانونک قرائتله برابر امر تفهیمی اجرا واصل محاکمه جه معین اولان معاملات
سأره قانونیه تمامیه ایفا قلندیدی .

انجمن عدلیه مقراری

انجمن عدلیه دن صادر اولان ۹ تشرین ثانی سنه ۳۲۵ تاریخلی قرارک صورتیدر

« رژی دعالرنده بوجه پشین ربع خرج استیفایی لازمکله وب حقوق حکمی
متعاقب اعلام وصوروت وتبلغ خرجلرینک اخذیله اعلاماتک معاملت تبلیغیه سنک
ایفا واصللرینک رژی به اعطا ایدلسی حقنده »

آیدین استیناف مدعی عمومیکندن نظارت جلیله لرینه بالتقدیم انجمن عدلیه به حواله بیوریان ۵ کانون
اول سنه ۳۲۵ تاریخلی تحریرات مطالعه وتدقیق اولندیدی ،
خلاصه مالی : رژی اداره سی طرفندن قاجیلر علیهنه اقامه اولنان دعاویدن طولایی بوجه پشین ربع

خرج استيفاسى لازم كلوب كليه جكنك وبوبلده انجمنجه اتخاذ اولنان ايكي قرارك هانكي سینه اتباع ايديله جكنك استيدانه دائر اولدینی کورلدی .

لدى التذکر ، رژی اداره سی طرفدن قیاجیلر علیه اقامه اولنان بویکی دعاوینک محاکم جزائییه ده رؤیت ایدلسنه نظراً برمنطوق قرار سابق بوجه یشین ربع خرج استیفاسی لازم کلوب لحوق حکمی متعاقب اعلام وصورت وتبلیغ خرجلرینک اخذیله اعلاماتک معامله تبلیغیه می ایفا واصللرینک رژی به اعطا ایدلسی لازم کله جکنه متفقاً قرار ویرلدی .

انجمن عدلیه دن صادر اولان ۱۶ تشرین ثانی سنه ۳۲۵ تاریخلی قرارک صورتیدر

« تقدیر نفقه بی متضمن حجج شرعیه اوزرینه معامله جزیه نک اجراسی جائز اولدیغه دائر »

اعلامات شرعیه اجرا مأمورلغندن نظارت جلیله به بالتقدیم انجمن عدلیه به تودیع بیوریلان ۲۵ تموز سنه ۳۲۵ و ۵ تشرین ثانی سنه منه تاریخلی ایکی قطعه مذکره مطالعه وتدقیق اولندی .

خلاصه ماللری ؛ تقدیر نفقه بی متضمن محاکم شرعیه دن اعطا اولنان اعلامات وحجج شرعیه احکامی آخردن استدانه ایله صرفه وعندالظفر نفقه طلب اولنان ذاته مراجعت اذن ویرلدیکنک بیاندن عبارت اولوب بر کونا حکمی حاوی اولماسنه ومحکوم به دین ایچون مدیونک اموال واملاکنک حجزی احکام قانونیه اقتضاسندن ایسه ده حجج مذکورنک اذنی حاوی سندات شرعیه دن معدودیته جهتیله تراکم ایدن مقدار ایچون مدیونک املاک واشیاسنک حجزینه مانع قانونی اولوب اولمادیکنک استیدانه متدائر اولدینی کورلدی .

لدى التذکر ؛ حجج معروضه اوزرینه شمدییه قدر معامله جزیه اجرا ایدلمکده اولدینی عندالاستیضاح اکلاشله سنه بناء حجج مذکوره احکامنک کافی السابق اجراسنه دوام اولنسنه اکثریتله قرار ویرلدی .

انجمن عدلیه دن صادر اولان ۱ مارت سنه ۳۲۴ تاریخلی قرارک صورتیدر

« بیع وفراغ ایدلیکی بالتین ثابت اولان بریاندن طولانی مرافعه شرعیه نک اجراسنه شخص ثالثه

بیع وفراغ ایدلش اولسی کسب قطیعت ایدن حکم شرعینک اجراسنه مانع اولمیه جفته دائر »

دفترخاقانی نظارت علیه سندن نظارت جلیله لرینه بالتقدیم انجمن عدلیه به تودیع اولنان ۱۴ شباط سنه ۳۲۵ تاریخلی تذکره مطالعه وتدقیق اولندی .

خلاصه مالی ؛ بروسه نک مراد ثانی محله سی املیسندن حاجی حامد اغلنک حمزه بک محله سندن پنبه خانم علیه استحصال ایدلیکی بر قطعه اعلام شرعی موجبجه مزبوره پنبه خانم نامنه مقید اولان باغک مرقوم

حاجی حامد عهدسینه قیدی معامله سنک ایفایله طابو سندینک تنظیم واعطاسی دائره اجرانک تذکره سنده اشعار قلنمش ایسه ده سالف الذکر محکوم به باغی مذبوره تاریخ تبلیغندن یکرمی درت کون مقدمه بیک غروش ثمن مقبوض مقابلنده نجیبه نامنده برقادیته بیع وفراغ ایدلیکی جهتیله تذکره نک تنفیذ حکمنه امکان بولنه مادینی حالده دائره اجرادن یازیلان درکنارده حکم اعلامک انفاذنده اصرار اولندیغندن بختله استیدان معامله اولنسی اوزرینه لدى الحواله موضوع بحث اولان باغ حقنده جریان ایدن محاکمه نک بدایتنده محکومله مرقوم حاجی حامداغا پنبه خاندن تلقی ملک ایدرک اقامه دعوی ایلش ولاحق اولان حکم اکتساب قطعییت ایدرک موقع ارایه وضع اولنمش اولغله برابر محاکمه نک جریانی اثناسنده بیع معامله سی وقوع بولدیغندن مذکور حکمک محل اجراسی اولجهد حادثیه کچدیکی جهتیله ایوم مفقود حکمنده بولنسنه نظر ایفای معامله ده تردد اولدینی انجمن نظارتدن افاده واشعار اخیره دکن معامله نک تأخیری تبلیغ اولنغله تعیین معامله لزومنی مبین اولدینی کورلدی .

ایجابی لدى التذکر ؛ مذکور باغک سابق متصرفه سی پنبه خانم طرفندن حامد اغیه بیع وفراغ ایدلیکی بالینه ثابت اولسی اوزرینه خانم مومی الیهانک مذکور باغه مداخله ایتمه سی وتقرر رسمینک اعطاسی لزومنه دائر حکم شرعی لاحق اولمش واعلامات صادره احکامنک فسخ ونقضی متضمن دیگر بر اعلام بولمادیکی حالده اجراسی لازمهدن وشو حالده دائره اجرادن وقوع بولان اشعاری دفتر خاقانی نظارتنک تنفیذی واجبه دن بولنمش اولسنه بناء اشعار واقع دائره سنده نظارت مشار الیه اجه معامله قیدی نک تصحیحی ضروری اولوب معاملات اجرائیه دن متضرر اولدقلمخی ادعا ایدن اولور ایسه اشتکاکن حکام طریقله اجراماموری علیه اقامه دعواده مختار بولدیکنک جواباً تبلیغی لزومنه اکثریتله قرار ویرلدی .

شئون عدلیه

تحصیلدار قدری افندی ایله تیزه سی حانثوبی قتل ومقتول قدری افندیکنک اوکی همشیره سی لطفیه بنت نوزادی جرح ایدلیکی بالحا که ثابت اولان بقال احمد بن مصطفانک اعدامنه دائر قوصوه ولایتی استیفاف محکمه سی جزا دائره سندن ویریلان اعلامک تصدیقنی حاوی محکمه تمیز جزا دائره سندن تنظیم واعطا وعرض عتبه علیا قلنان اعلام اوزرینه موجبجه اراده سنیة حضرت پاشاهی متعلق بیوریلهرق اولوبلده تصدیق وبا بیورلدی سامی تسییر اولنان فرمان عالی منطوق منبئی ایفا اولنقی اوزره محله ارسال اولمشدر .

ککبوزه قصبه سندن قائم پدری قهوه جی محمد اغانی قتل ومرقومک زوجیه سی عایشه بی جرح ایدلیکی بالحا که ثابت اولوب درسعادت جنایت محکمه سنیجه اعدام جزاسنه محکوم بولان قدر بن سمرجی عثمانک اجرای قصاصی حقنده روم ایلی قاضیه سکرلکندن تنظیم وجانب جلیل فتوا خاندن تصدیق اولنان اعلام شرعی عتبه علیای حضرت پادشاهی به لدى العرض موجبجه اراده سنیة متعلق بیوریلهرق حکم جلیله توفیقاً تصدیق وبا بیورلدی سامی تسییر قلنان فرمان عالی انفاذ حکم جلیلی ضمتنده استنبول ولایتی وکالت علیه سنه ارسال واستیفاف مدعی عمومیلکینه معلومات اعطا اولمشدر .

نظارت تحریرات قلمنک تنسیقاتنک تاریخ تطبیق اولان ۱۳ ایلول سنہ ۳۲۵ تاریخیندن ۲۸ شباط

سنہ منہ تاریخنہ قدر بش بحق ماہ ظرفندہ کی معاملاتی ناطق ایستاتستیقدر .

اعددی	نوعی	اعددی	نوعی	اوراق وارده	اوراق صادره
۷۵۰	تذکرہ	۱۰۲۴	رأساً وجواباً تذکرہ		
۳۵۸۲	تحریرات وتلغرافنامہ	۴۷۳۴	رأساً وجواباً تحریرات وتلغرافنامہ		
۸۰۳	استدعا نامہ	۷۳	طاقم محررات عمومیہ عددی		
		۲۶۵۰			
۱۴۳	شیفرہ	۱۴۳	شیفرہ		
۱۰۴	انجمن عدلیہ متعلق اوراق	۱۰۴	انجمن عدلیہ مقرراتی		
۵۳۸۳		۶۰۷۸			

سنہ آتیہہ هیچ برایش دور ایدلماشدر .

انجمن ادارہ عدلیہ

بیك اوچیوز یکرمی بش سنہ سی ظرفندہ انجمن ادارہیہ ورود ایدن اوراق

قراردلی ویریلوب عائد اولدینی دائریہ تودیع ایدیان

قراردلی اعطا ایدلمش اولوب مضبطہ لری در دست تنظیم بولنان

بیك اوچیوز یکرمی اتی سنہ سنہ دور اولنان .

امور جزائیہ مدیتی

اعددی	نوعی	اعددی	نوعی	اوراق وارده	اوراق صادره
۹۸۹۲	سنہ سی ظرفندہ ورود ایدن اوراق متنوعہ				
	سنہ مذکورہ ظرفندہ معاملاتی اتمام اولنان اوراق				
۱۴۵۲	باب عالیہ ودوائر سائرہ مرکزیہ تسطیر اولنان تذکرہ				
۱۹۶۵	ولایات استیناف مدعی عمومیلکربنہ یازیلان محررات وتلغرافنامہ				
۹۹۱	نظارت جلیلیہ تقدیم اولنان مذکرہ				
۴۱۵	درکنارلر				
۱۹۰۲	درکنار وحوالہ صورتیلہ دوائر متعلقہ سنہ ولایت مدعی عمومیلکربنہ ارسال اولنان اوراق				
۷۷۸	تعلقہ بناء یکدیگریلہ توحید اولنہرق معاملہ سی ا کمال اولنان				
۲۳۴۶	هفته لوزورناللرہ وایستاتستق وحروف هجاو آی باشی یوقلمہ لریہ دائر اولوب معاملہ لری				
۹۸۴۹	بالا کمال حفظ ایدیلنلرہ معاملہ اخیردلیہ کورہ حفظ ایدیلان				
۴۳	سنہ آتیہہ دور اولنان				

امور حقوقیہ مدیری

اعددی	نوعی	اعددی	نوعی	اوراق وارده	اوراق صادره
۵۹۲۲	سنہ سی ظرفندہ کلان اوراق				
	سنہ مذکورہ ظرفندہ چیقاریلان اوراق				
۱۲	تنظیم اولنان لواحق قانونیہ				
۱۱۶۰	باب عالیہ ودوائر سائرہ مرکزیہ یازیلان تذکرہ				
۲۲۳۷	ولایات مدعی عمومیلکربنہ تسطیر اولنان محررات وتلغرافنامہ لری				
۲۷۴۷	مذکرہ ودرکنار ایله چیقاریلان				
۱۲۲۸	اوراق متعلقہ سیلہ برلشدیریلان				
۴۰۵	حفظ اولنان				
۵۹۲۴	مجموع وارده	۷۷۸۹	مجموع صادره		

اوچیوز یکرمی بش سنہ سی مارتی ابتداسندن شباطی غایہ سنہ قدر بر سنہ ظرفندہ عدلیہ محاسبہ سنہ وارد

اولوب معاملہ سی اجرا قلنان اوراقنک ایستاتستیق جدولیدر .

سنہ سندن	ظرفندہ وارد	سنہ سی	دیوان محاسبانہ ابراز	سنہ سندن	ظرفندہ وارد
۳۲۴	۲۲۵	۲۲۶	۲۲۷	۲۲۸	۲۲۹
۶۹	۶۳۵۰	۶۴۱۹	۴۸۲۵	۱۵۱۹	۶۳۴۴
۱۵	۱۱۱۶	۱۱۳۱	۶۲۰	۵۰۷	۱۱۲۷
۲۰	۱۲۵۲	۱۲۷۲	۶۲۴	۶۲۸	۱۲۶۲
۱۶	۱۴۳۰	۱۴۴۶	۱۲۹۰	۱۴۱	۱۴۳۱
۱۲۰	۱۰۱۴۸	۱۰۲۶۸	۷۳۵۹	۲۷۹۵	۱۰۱۵۴

بیانی	عدد	بیانی	عدد
تصدیق مأمورین حاوی اولوب مضبوطی تنظیم اولان	۷۵۷	تصدیق مأمورین حاوی اولوب مضبوطی تنظیم اولان	۸۴۳
قراردی محتوی تنظیم ایدیلان مضابط	۳۳۸	قراردی محتوی تنظیم ایدیلان مضابط	۵۱۵
یکون	۱۰۸۵	یکون	۱۸۵۷
باقی قالدان	۰ ۱۵۲	باقی قالدان	۴۳
سنه ۱۸۶۲	۱ ۷۱۱	سنه ۱۸۶۲	۱ ۷۲۵
سنه ۱۸۶۳	۱ ۸۶۲	سنه ۱۸۶۳	۲ ۰۹۱
سنه ۱۸۶۴	۶ ۹۸۵	سنه ۱۸۶۴	۲ ۰۴۸
سنه ۱۸۶۵	۸ ۸۴۸	سنه ۱۸۶۵	۲ ۰۸۵
سنه ۱۸۶۶	۲ ۹۶۴	سنه ۱۸۶۶	۱ ۳۵۷
سنه ۱۸۶۷	۱۳ ۸۱۲	سنه ۱۸۶۷	۱ ۸۵۰
سنه ۱۸۶۸	۳ ۳۳۹	سنه ۱۸۶۸	۱ ۳۵۷
سنه ۱۸۶۹	۱۷ ۱۵۱	سنه ۱۸۶۹	۱ ۳۵۷

قلم معامری

قلم مذکوره مربوط انجمن رفو میسوره ماسه لری معامری

عدلیه نظارتی سجل احوال مأمورین شعبه سنک ۳۳۵ سنه سی معاملات عمومی سی ناطق جدولدر

عدد

۴ ۵۸۶
۴ ۰۱۳
۸ ۵۹۹
۱ ۵۰۰
۷ ۰۹۹
۱ ۳۲۳
۵ ۷۷۶
۳ ۰۰۰
۵ ۴۷۶
۳ ۴۵۶
۲ ۰۲۰

عدد

۷ ۱۶۵
۴ ۰۴۰
۸۷۵ ۹۳۴
۸۰۴ ۰۴۲

عدد

۲۰۲۶۶
۷۴۳۹
۲۷۷۰۵
۲۸۸۰۷
۵۷۲۰
۳۴۵۲۷
۷۰۰۱
۷۸۲۵
۱۴۸۲۶

عدد

۲۷۷۰۵
۲۴۵۲۷
۱۴۸۲۶
۷۸۰۵۸
۶۵۴۵۱
۱۱۶۰۷

۱۴۸۲۶
۷۸۰۵۸
۶۵۴۵۱
۱۱۶۰۷

عدد

۱۴۸۲۶
۷۸۰۵۸
۶۵۴۵۱
۱۱۶۰۷

در سعادت اعلامات نظامیه اجرا دائر سنک اوچیوز یکریمی بش سنه سی معاملات مبین ایستاتستیک جدولدر

اوچیوز یکریمی دوت سنه سندن مدور اعلامات	۴ ۵۸۶
اوچیوز یکریمی بش سنه سی طرفنده ورود ایدن اعلامات	۴ ۰۱۳
اوچیوز یکریمی دوت ویکریمی بش سنه لینه عائد اعلاماتدن حکملری اجرا قلنان	۸ ۵۹۹
سنین سائر ددن حکملری اجرا قلنان اعلامات	۱ ۵۰۰
ابرار اولنان تأخیر اجرا علم و خبری اوزرینه معاملات اجرا ییدن صرف نظر ایدیلان اعلامات	۷ ۰۹۹
معامله اخیر تاریخندن اعتباراً الی ماه طرفنده ازانلیوب مراجعتہ تعلیق قلنان	۱ ۳۲۳
تقاضیست معینه به ربط ایدیلرک در دست اجرا بولان	۵ ۷۷۶
اوچیوز یکریمی بش سنه سی طرفنده یازیلان تذکره و تحریرات	۳ ۰۰۰
ورود ایدن	۵ ۴۷۶
اوچیوز یکریمی بش سنه سندن ۱۴۹۲۷ قلمه بالغ اولان تحصیلات یکونی	۳ ۴۵۶
اوچیوز یکریمی بش سنه سی طرفنده ۹۶۲۷ قلمه بالغ اولان ردیات یکونی	۲ ۰۲۰

اوراق مدیریتی

ولایه و طشره مأمورین عدلیه سنه یازیلان محررات	۲۰۲۶۶
دواثر مرکزیه ایله در سعادت مأمورین عدلیه سنه کوندریلان تذکر	۷۴۳۹
ولایات ایله طشره مأمورین عدلیه سندن ورود ایدن محررات	۲۷۷۰۵
دواثر مرکزیه ددن و در سعادت مأمورین عدلیه سندن کلان تذکر	۲۸۸۰۷
در سعادتدن تقدیم اولنان استدعانامه ل	۵۷۲۰
طشره ددن ورود ایدن استدعانامه ل	۳۴۵۲۷
اوچیوز یکریمی بش سنه سی طرفنده نظارت جلیله ددن ورود ایدن و نظارت	۷۰۰۱
جلیله ددن تسطیر اولنان محررات ایله استدعانامه ل یکون عمومی	۷۸۲۵
اوچیوز یکریمی دوت سنه سی اوراق وارده و صادره سی یکونی	۱۴۸۲۶

دوار تمیزیه

یکون	اوچوز یکریمی درت سنه سنندن مدرور اوراق	یکون	ملاحظات
۳۰۰۵	۲۰۶	۳۰۹۹	۳۳۰۵
۳۷۹۹	۱۰۲۶	۲۷۷۳	۳۷۹۹
۱۰۱۲۸	۱۸۵۲	۸۲۷۶	۱۰۱۲۸
۱۷۲۳۲	۳۰۸۴	۱۴۱۴۸	۷۲۳۲

محکمه تمیز باش مدعی عمومیلکی دائره سی

وارده	عدد
۱۸۲۴	اوچوز یکریمی درت سنه سنندن مدرور اوراق
۲۴۲۹۷	اوچوز یکریمی بش سنه سننده ورود ایدن اوراق
۲۶۱۲۱	

صادره

عدد	ملاحظات
۲۹۰۴	بایاننامه محکمه تمیز استدعا دائره سنه تودیع اولنان اوراق
۱۹۵	نقل دعوایه متعلق اولوب درکنار صورتیه دائره مذکوریه تودیع اولنان
۷۱۵۳	محکمه تمیز جزا دائره سنه تودیع اولنان اوراق
۵۳	کاتبه معاملاتی بالاکال دائره مذکوریه در دست بولنان
۸۲۰	محکمه تمیز حقوق دائره سنه باطله نامه در دست اولان
۱۱۴۸۲	ولایات مدعی عمومیلرینه یازیلان محررات علیه
۱۴۷۳	دوائر یازیلان تذاکر علیه
۱۲۲۲	۱۰ تموز سنه ۳۲۴ تاریخندن اوله عائد و تدقیق اتدن مستغنی اولوب محکملرینه اعاده اولنان
۶	۱۰ تموز تاریخندن اوله عائد اولوب من جهة در دست مخبره بولنان
۷۴۸	دوائر درکنار صورتیه تودیع اولنان
۲۵	معامله دن مستغنی اولغله حفظ ایدیلان
۴۰	تبیضی بالاجرا در دست ارسال بولنان محررات

در سعادت محاکم استینافیه سی

یکون	سنه سنندن مدرور اوراق	یکون	ملاحظات
۴۴۲	۴۰	۳۹۷	۴۴۲
۳۰۳۸	۱۱۰۳	۱۹۳۵	۳۰۳۸
۱۳۶۰	۲۹	۱۲۳۱	۱۳۶۰
۴۸۴۰	۱۱۷۱	۲۶۶۳	۴۸۴۰

در سعادت استیناف مدعی عمومیلکی دائره سی

وارده

عدد
۱۲۰
۱۸۷۹۸
۱۸۹۱۸

اوچوز یکریمی درت سنه سنندن دور اولنان	بش سنه سی طرفیده ورود ایدن
۱۳۳۱	۱۳۳۱
۳۹۷	۳۹۷
۱۹۳۵	۱۹۳۵
۱۱۶	۱۱۶
۷۶۶	۷۶۶
۸۶۴	۸۶۴
۱۱۸۳۲	۱۱۸۳۲
۱۶۶۲	۱۶۶۲
۳	۳

اوچوز یکریمی التي سنه سنه دور ایدلشد

۱۸۹۰۶	۱۲
-------	----

درس عادت بدایت مدعی عمومی کی

یكون	۳۲۴ سنه اولان اوراق دور	۳۲۵ سنه اولان اوراق دوره	يكون	اچوزون بکری یشین سنه منه رویت اولان	۳۲۶ سنه اولان اوراق دور	۱۰ اتوز سنه عائد تارخیق اوله عائد اولوب حفظ اولان
۴۷۹۴	۷۳۲	۴۰۶۲	۴۷۹۴	۴۰۰۰	۷۳۱	۶۳
۴۵۴۵	۵۴۷	۴۰۰۸	۴۵۴۵	۴۱۸۲	۳۶۲	۰۰
۹۳۳۹	۱۲۶۹	۸۰۷۰	۹۳۳۹	۸۱۸۲	۱۰۹۳	۹۲

[illegible]

صادره					
عدد					
۴۰۶۲	برنجی جزا محکمہ سنہ	تودیع	ادلیان	اوراق	
۴۰۰۸	ایک بجی جزا	»	»	»	
۸۰۷۰					
۵۳۷	م. تطفی بہجت	بک	»	»	»
۴۶۱	»	ادھم	»	»	»
۵۴۶	»	عثمان	»	»	»
۵۳۰	»	رفعت	»	»	»
۵۵۰	»	حانی	»	»	»
۶۰۲	»	شوکت	»	»	»
۱۱۲۹۶					
۱۲۱۰۵					

اعلامات	۴۸۲۴
عدد	۷۳۸۱
حکمی انفاذ اولیان اعلامات	۴۵۷۵
محکوملری الدہ ایدیلہ بیان اعلامات	۹۲
محکوملری نیک جبلری تہ تشبث اولیان اعلامات	۱۵۳
محکوملری اجنبی اولسنہ بناء در دست مخبرہ بولیان	۴
	<u>۲۸۲۴</u>
اوراق متنوعہ صادرہ می	۷۲۸۱
تذاکر ومحجرات ودواثرہ تبلیغات	<u>۷۲۸۱</u>

درس عادت دوائر استنطاقیه سی

[illegible]

در سعادت محاکم حقوقیه سی

[illegible]

فصل فی بیان

امتزازات اخنده

مسألة تاجت

تبعه اجنبیه دن معاهدات قدیمه ایله حائز اولدقلری حقوق استثنائیته نك ملل واقوام ارسنده حصوله کلن وفرط روابط ومناسبات اعتباریله حاکمیت ملیه نك کلذبخی جریاننه ایراث مشکلات ایتمکسزین بقایاب اوله بیلمسی امکانسزلنی غیرقابل انکاردر . برملکتده مرعی اولان قوانین او ملکتده مقیم اولان اشخاصك هیئت عمومیه سی اوزرنده متساویاً و بلااستثنا حائز نفوذوتأثیر اولمازسه او ملکتده انتظام وانضباطك ثابت ومطلق اولدینی ادعا اولنه ماز . حتی بر هیئت اجتماعیه نك منافع اساسیه حیاتیه سندندرکه کندیسینی اداره ایدن قوانین یالکیزدائرة ملکیه یه محصور اولیوب او هیئت اجتماعیه افرادندن بریبی هرزده اولورسه اولسون قوانین ملیه سی بعضی شروط وقیود اتنده آنی تعقیب ایتسون: بونقطه نظرندندرکه بوکون بالمله ملل متمدنه قانونلری هم ملکی وهم شخصی اواق اساسنه مستددر .

زده ايسه نفوذ قانون حقهده عصر سابق اواسطنه قدر هيچ برفكر ونظر حاصل اولماش ودها طوغر ايسی
بتون شمول معاسيله قانونسزلقى حكم سورمش اولدینی ایچون دولتک سطوت و شوکتی زماننده يالکز قدرت
وقوته استناددن نشأت ایدن بر ضرور لاقيدانه ايله حریت عدليه وتجاريه مزك ايادی اجانبيله باغلامسنيه ميدان
ویرلمشدر . واقعا عهود مذکور دنك حين اعطاسنده مملكتتمزده اجانبك پك ناسر اوله رق بولمشی و شرق ايله
غرب ارسنده مناسبات تجاريه دنك دوامی هرايکی طرفك منافعی اقتضاسندن اولمسی اعتباريله عهود مذکور دنك
اجانب لهنده تأمین ايتدیکی استثنائیات و معافیات محسوس اولمیه جق درجهده اهمیتیدن عاری بولمش ايسه ده
زمان زمان قوای دولتک دوچار ضعف اولمسیله عهود مذکور دنك ناقابل استرداد برحاله کلی و ممالك و بلدان
ارسنده وسائط مناقله دنك شایان حیرت بر درجهده تزايديله ملل واقوام ارسنده کی مناسبات کسب سهولت
ایدرك مملكتتمزه ییغین ییغین اجانبك طولمسی بواسطه استثنائیات و معافیات کرک افراد ایچون و کرک حکومت
ایچون باعث انواع مشکلات اوله جق بر شکل و طرزده انقلابی موجب اولمشدر .

بوندن طولانی احوال قانونیه من اوسر تبه دوچار تشوش اولمشدرکه بوکون نفوذ قانونیز بمختند هانکی اساسه تابع اولدیغمز سؤال ایدلسه بر جواب مقنع اعطاسی کسب صعوبت ایدر . فی الحقیقه حقوق حکمرانیزک ملکی ویا شخصی اولسی کیفیتنده یاریم عصر اولنه قدر بر فکر مخصوص حاصل اولماش و بونی تنظیم و تعیین ایدم جک الدہ بر قانون دخی موجود بولماش اولدیغندن هر طرفده محبت اجنبیه ادعاری باش کوسر تدرک وهر ایستیان شخص معاملات حکومتدن چاره خلاصی بولمقدہ ود لئک نفوذ وقوقی کیملر اوزرندہ جاری اولدینی بحق تعیین ایتیمکده ایدی . بوحالک نتائج وخیمه سنی نظر دقتہ آلمق احتیاج شدیدنی حس ایدن عالی پاشا مرحوم پارس قونفره سنک تمایلاتندن بالاستفاده بر طرفدن امور داخلیہ دولتیہ مدخله اجابی مانع قیود عهدیه وضع ایتدیردیکی کبی دیگر طرفدن آذربان تزیاید ایتیمکده اولان محبت اجنبیه مانع قواعد و قوانین تنظیمنه مباشرت ایتش وبوصورتله هیچ اولمازسه امتیازاتک دائره شمولی قصر وتحدیده صرف مساعی ایلشدر .

از جمله تابعیت قانوننک نشر یله ایلک دفعه اولق اوزره قوانین عثمانیه نک ملکی اولسی اساسی قبول وتأسيس اولمشدر .

فی الحقیقه ۱۲۸۴ تار بمختندہ نشر اولان تابعیت عثمانیه قانوننامه سنک بشنجی ماده سنک فقره ثانیہ سنده «بر کیمسه دولت علیه دن مأذون اولمق سزین تابعیت اجنبیه کیرایسه شبو تابعیت جدیدہ سی کائن لم یکن وکندوسی کا کان تبعه دولت علیه دن عد اولنوب کافه خصوصاتده تبعه دولت علیه حقندہ اولان معامله نک عینی اجرا قلنه جقدر هر حالده تبعه دولت علیه دن بر شخصک ترک تبعیت ایتسی مطلقا راده سنیه اوزوینه ویر یله جک برسندہ معلق اوله جقدر » دینلرک اوزمانه قدر پک زیاده سوء استعمال ایدلش اولان محبت اجنبیه ادعاسنه سد چکیلش اولدینی کبی قانون مذکورک طقوزنجی ماده سنده مالک محروسه پادشاهیده اقامت ایدن هر بر شخص تبعه دولت علیه دن معدود اولوب حقندہ دولت علیه تابعی معامله سی اجرا اولنور . اگر کندوسی تبعه اجنبیه دن ایسه تابعیتی اصولاً اثبات ایتسی لازم کایر » دینلرک قوانین عثمانیه نک وهله اولاده ملکی اولسی اساسی قبول اولدینی ایما ایدلک ایستلمشدر . انجق اوقانون امتیازات اجنبیه نک اساسنه قطعاً تعرض ایتش اولوب یالکیز محبت اجنبیه ادعارینک وتوعنی منع ایله امور ضابطه نک بالنسبه سلامت جریانی تأمین قصدیلہ تنظیم ایدلش اولدیغندن تأثیراتی دخی یالکیز قصد ارلندیقی نقاطه محصور اولوب قالمشدر . حتی بوقانونک نشری بعض سفارتلرجه امتیازات موجودیه برنوع تعرض شکلندہ تلقی اولنورق اعتراضانه مبادرت ایدلش اولدینی حالده نهایت قانون مذکورک امتیازات اجنبیه بر کونا شمول وتأثری اوله میه جغندن بحث ایله فرانسه حکومتک علناً قبول وتصویب ایتسی دول سائرجه قبوله وسیله اولش ایدی .

اجانبک ممالک عثمانیه ده املاک وارضی تملک وتصرفلرینه مساعدہ اعطاسی حقندہ کی مطالب دولیه عالی پاشا مرحومک مسائل امتیازیہ تی تکرار موضوع بحث ایتسنه وسیله اولش ایسه ده پارس قونفره سی ضبطلرینک مواعدینه رغماً مسئله مذکورہ نک اسانندن حلی قابل اوله مدی . فی الواقع عالی پاشا مرحوم قونفره ده دولت

عثمانیه نک حقوق حکمرانیسنک نافذیت قطعیه سنی استرداد ایچون امتیازات مذکورہ نک رفنی ویا هیچ اولمازسه تحدیدی طلب ایدرک » بوکون جمعیت سیاسیہ اوروپاییه داخل اولش واورپا دول معظمه سنک قبول ایتدیکی حقوق بین الملک اساسلرینی تنظیمات خط هایونیه قبول ایتش اولان دولت عثمانیه نک احوال وازمان غیر مشابه ده اعطا ایتش اولدینی امتیازاتک اسباب بقا ودوامی مرفوع اولدیغنی » درمیان ایتدی ومثله ۱۸۵۶ سنه سی مارتنک ۲۵ نجی کونی اجتماع ایدن قونفره ده زمین مذاکراتی اشغال ایلدی .

باب عالینک شو مطالبنه مرخصلردن بعضیه ده تمایل ایتش واز جمله رویه مرخصی قونت والوسکی نک مظهرتنه استناد ایدرک دیگر مرخص قونت قلاتراندون « مادام که ترکیا اوروپا منظومه سیاسیہ سنه داخل اولغه دعوت ایدلشدر دول متعاقدہ امور تجاریه لریله سیر سفائن مسئله لرینی عثمانی امپراطورلغنک شرائط واحوال جدیدہ سیله تألیف ایتک ایچون یذللرنده تذکر کیفیتله بر زمین ائتلاف بولملری لازمدر » مطالعه سنده بولنش ایدی ، [۱] ایتالیا مرخصی مشهور قونت قلاورر بوفکر ونظره هر کسندن اول اشتراک ایدرک « ترکیاده کی اجانب مناسباننده حکم سورن تشوش بوموقع استثنائیدن تولد ایتیمکده اولدینی جهتله بوکا بر نهایت ویرملک لازم کلدیکنی » علاوه ایتدی . عالی پاشا ترکیانک مناسبات تجاریه سنک انبساط وانکشافنه وحکومتک افعال واجرا آتته حیولت ایدن موانع عهود قدیمه دن نشأت ایتدیکنی قاپیتولاسیونلرک بالذات اجانبه دخی مضر اولدیلرینی اثباته چالیشدی و عهود مذکورہ نک هر درلو اصلاحاته قارشى ناقابل اقتحام موانع تشکیل ایتدیکنی درمیان ایتدی . انجق بارون بورکنه ی امتیازاتک یکیدن تدقیق لزومنی تسلیم ایله برابر امتیازاتی ترکیانک اداره ملکیه سنه ادخال ایدمچکی اصلاحات جدیدہ ایله متناسب برطرزه قلب ایچون کمال احتیاط ایله حرکت ایدلمسنی طلب ایلدی وقونفره ضبطنامه سنه ایضاحات آتیہ تی قید ایتدیردی .

« موسیو بارون بورکنه ی وسائر مرخصلر قاپیتولاسیونلرک معاهده صلیحیه ایله بالطبع نهایت بوله جق برزمان استثنائیہ راجع اولدیغنی واشخاصه تأمین ایتدیکی امتیازاتک شایان تأسف بر درجده باب عالینک نفوذنی تحدید ایتیمکده بولدیغنی وبناء علیه هر جیتی تألیف ایدمچک صورتنده تعدیلاته محل واحتیاج وار ایسه ده باب عالینک تطبیقی تعقیب ایتدیکی تدابیر نتیجه سیله اجانبک حقوقه لازم اولان تأمینات کافیه تی ادامه ایدمچک صورتنده ترکیانک امور اداره ملکیه سنجه واقع اوله جق اصلاحات ایله متناسب اولسی دخی اهمیتدن عاری بولمدیغنی اعتراف و بیان ایدرلر . » [۲]

بو ایضاحات نتیجه سنده مرخصلر قاپیتولاسیونلرک یکیدن تدقیق ایدلمسنی لزومنده اتحاد ایدرک معاهده صلیحیه نک عقدندن صکره بومسئله ایچون اسانبولده بر قونفرانس عقد ایدلمسنی ارزومنی اظهار ایتدیلر . مرخصلرک بویانات خیر خواهانه لرینک بخش ایتدیکی امید ایله باب عالی قاپیتولاسیونلرک رفع وتحدیدی [۱] روسیه حکومتی قونفره ده قاینارجه معاهده سنک رفع حکمنه مقابل قاپیتولاسیونلرک دخی رفنی التزام ایتش ایدی .

[۲] فہرر ویرو ۱ جلد ۵۶ صحیفه . اصول امتیازات ۲۶۶ صحیفه .

حقننده يك چوق دفعه مذاكراته كيريشمك تشييده بولنديني حالده بوراده ايضاحي لازم اوليان اسباب عديددن طولاني سفرای دول معظمه في اماله مذاكراته موفق اوله مدي وبيانات مذكوره قونغره خارجنده ايضاح تأثيرادن خالی قاهره دوچار عقامت اولدی .

بو حاله قارشو باب عالی اجانبه حق استملاك اعطاسندن صوك درجه توحش ايتش ايسوده مصرانه وقوع بولان مطالب دوليه مقابل بر استملاك قانوني نشرينه مجبور اوله رق بوقانونده كوستربلان صور تخليه في قبول وامضالدين حكومتلر تبعه سنه استملاك حق بخش واعطا اولنه جغني اعلان ايتدی ۷ صفر ۱۲۸۴ [۱] تاريخنده نشر اولان بوقانون ايله قوانين عثمانیه ك ملكي اولمی قاعده سی صورت صريحده تأسيس ايتدی . زیرا بوقانون حكمنجه ممالك عثمانیه ده املاك وراضی درعهده ایدن اجانبك « املاكه عائد كافه خصوصات تبعه دولتيه ك مكلف اوله قاری شرائطي ايفايه مجبور » اوله جقاری و بويوزدن تولدايده جك هر درلو اختلافده و منازعانه « كرك طرفيندن بری و كرك هر ايكمی تبعه اجنبیه دن اولسون طوغريدن طوغري په دولتيه محكمه لرینه » مراجعت ايديله جكي تصريح اولندی . واقعا بوقانون اجانبك شخصنه عائد اولان امتيازاته خلل كيرمه مش و « معاهدات اقتضاسنجه ذاتلرینه و اموال منقوله لرینه عائد اولان معافيات محافظه اولنق قيديله » مقيد بولمش ايسوده حقوق حكمرانی عثمانيك جاری اولديني قطعاتك اجزای مركبه سی اوزرنده انجق و منحصرأ قوانين عثمانیه ك جريانی اعلان ايديله رك قانونلر برك ملكي اولديني اساسی صورت صريحده تعيين اولندی و هر حالده امتيازات مذكوره ك تحديد و تعديلنه بر مقدمه يابيلدی .

بوقانونك قبولندن دخي حكومات اجنبیه ك امتناع ايتك نيتنده بولمش اولديني ايضاح ايتك زائددر . فقط باب عالينك بو بابده كي عزم قطعيسنه و بردولتك عناصر مركبه سندن اولان اموال غير منقوله اودولتك غير قابل انفكاك اجزاسندن معدود اوله رق ولو يد اجانبه بولسون او دولت قانونلرينه تابع اولمی قاعده اساسیه مطلقه سنه قارشو بوياده واقع اوله جق اعتراضاتك متمر اوله ميه جني اكلاسله سی اوزرينه قانون مذكورك بشنجي ماده سنده تكليف اولنديني وجه ايله اولافرانسه حكومتي بو « صورت تنظيميه موافقت » ايدرك ايرتسی سنه يعني افرنجي ۱۸۶۸ سنه سی حزينانك ۸ نجی كونی خارجيه ناظری فوآد پاشا ايله حكومت مذكوره نامه فرانسه سفیری موسيو بوره آرهنده بر پروتقول تنظيم اولندی . بو پروتقول ايله قانون مذكورك احكامی فرانسه حكومتنجه صراحة قبول ايدلكدن بشقه قانون مذكورك تطبيقندن تحصيل ايده جك مشكلاتك بر قسمی تحديد ايچون دها بر طاقم صور استلافیه دخي قبول ايدلدى . حكومات سائر ايله جريان ایدن مذاكرات ايسه دها بر مدت داعی مشكلات اولمقدن خالی قالمش و روسيه حكومتي طرفندن انجق ۱۸۷۳ و آمريكا حكومتي طرفندن ۱۸۷۴ تاريخنده پروتقول امضا ايدلشدر .

بو پروتقول ايجانبه امتيازاتك صور تطبيقیه سی بر درجه په قدر حكومت عثمانیه لهنه امامه ايدلش

[۱] دستورده بو قانونك تاريخی كوسترله مشدر .

ايسوده بونده اك زياده جالب نظر دقت اولان جهت « مسكن خارجنده امور ضابطه ك بلا قيد و شرط جريان » ايده جكي و فقط در دست ايديلان بر بحر مك تبعه اجنبیه دن اولديني اكلاسلديني تقديرده « ذاتنه عائد امتيازاتك حكمنه » رعايت اولنه جني قضيه لريدر . برده باب عاليجه « ايلروده مسئله في متفقاً قرارلشدير مق اوزره مذاكره مصاحبه دول متحابه في دعوت ايتك صلاحيتي » محافظه ايديله رك صورت تسويه ك احكامی عهود قديمه ك يكيدين رؤيته قدر مرعی الاجرا اوله جني قيد احتياطي سي پروتقول خاتمه سنی تشكيل ايتلشدر . شو حالده امور ضابطه نقطه نظرندن تابعيت عثمانیه قانونی ايله اشبور ورتقول احكامی يكدیكرينك متممی اولشدر . مسكن خارجنده امور ضابطه ك بلا قيد و شرط جريان ايده جكي قيديله تابعيت قانونك ممالك عثمانیه ده اقامت ایدن هر شخصك تبعه دولت عليه دن معدود اوله جني و كندوسی تبعه اجنبیه دن ايسه اصولاً اثبات تابعيت ايتسی لازم كله جكي حقننده كي طقوزنجی ماده سی احكامی يكدیكريله مقايسه و تقريب ايدلديكي تقديرده اجانبك امتيازات عتيقه دن بالاستفاده ايضاح ايده بيله جكاری سؤ استعمالاتی منع ايچون ضابطه عثمانیه په اولدقچه واسع بر صلاحيت و اقتدار و يرلمش اولديني اكلاشيلور .

بو پروتقول حكمنجه و تابعيت قانوننه نظرأ مسكن خارجنده وقوع بولان بر جرمدنه قوه ضابطه تدقيق تابعيته لزوم كورمكسزین فاعل جرمی در حال در دست و توقيف ايده جك وانجق اجنبيلك ادعا سنده بولنديني تقديرده اصولاً تابعيتی اثبات ايتسيله حسب العهد حائز اولديني امتيازات محفوظ و مصون طوتيله جقدر . تبعه اجنبیه دن بر مظلونك اقامتگاهنه دخول مسئله سنه كلنجه قونسولوسك اقامتگاهنه طقوز ساعتدن اكسيك مسافه ده كائن محالدره مأمورين ضابطه قونسولوسی حاضر اولمقسزین اجنبينك خانه سنه دخول ايده ميه جكار ايسوده قونسولوس دخي حكومته بلا تأخير اجرائي معارننه مجبور اوله جق و كندوسنه خبر و يرلديكي اندن بالذات كندوسنك ويا و كيلنك حركت ايده جكي آنه قدر آلتی ساعتدن زياده وقت مرور ايتيه جك و هر حالده حكومتك معاملاتاتی يكرمی درت ساعتدن زياده تأخير ايتيه جكدر . شوراسنی علاوه ايتك اقتضا ايدركه معاملات حكومتك يكرمی درت ساعتدن زياده تأخير ايتيه مهي قيدي قونسولوسك حركتی ايچون يوقا ريده معين اولان التي ساعتك توسیعی معناسنده اوليوب قيد مذكور انجق اقامتگاهك بولنديني محلدن قونسولوسه ايصال اولنه جق خبرك حد اعظمی طقوز ساعته قدر واصل اوله بيلمسی و قونسولوسك مسكن مقصوده قدر كله بيلمسی دخي او درجه بر مدته محتاج اولمی والی ساعت حركت ايچون امهال ايدلش بولنمی اعتباريله بومدترك مجموعی يكرمی درت ساعته بالغ اوله جقني ملاحظه و تأملدن نشئت ايتلشدر . هر حالده يكرمی درت ساعتدن زياده حكومتك معاملاتاتی تأخير ايتيه جكدر عباره سی صراحت كافیه في حاوی اولدقدن بشقه پروتقول فرانسجه متنی دها وضوح ايله افاده اوله رق بالخاصه معاملات حكومتك بهمه حال يكرمی درت ساعتك حدودی داخلنده ايضا ايديله بيلمسی لزومی كوسترلمش اولديغندن بونده اصلا تردد محل يوقدر .

قونسولوسك اقامتگاهندن طقوز ساعت ويا دها زياده مسافه ده كائن اولان محالدره مأمورين ضابطه اجنبی

اقامتگاهنه اصولی دائره سنده (پروتقوله قری اختیار مجلسلرینك اوج نفر اعضايله ديلمشدر) كیره بيليرلر ايسهده بوضورت دخی مطلق وقطعی اولوب برطاقم قيود وشروطه ربط ايدلمشدر كه اوده احتياج مبهم خالده و قتل و قتلہ تصدی و حريق و برمسكون خانه سلاخ ايله ويا قيو وسائرہ ي قيردرق ويا كيجه لين سرقت ومسلاحاً عصيان وقلب مسكوكات اعمالی جنايتك تحری واثباتی ايجوندرد بونلردن ماعدا احوالده قونسولوس موجود اولقسزین اقامتگاه اجانبه دخول قضيه می دلالة منع ايدلمش ديمك اولور . حتی پروتقولاك فرانسجه متننده قتلہ تصدی تعبیری دخی موجود دكاسدهده بوكيفيت فرانسه قانوننده تشبث جنايتك عينيله جنايت عد ايدلمش اولسندن عثمانلی جزا قانوننده تشبث حقنده احكام مخصوصه بولمشمسندن نشأت ايتش و بناء عليه فرانسز جزا قانوننده قتلہ تصدی عينيله قتل حکمنده طوتولديغندن پروتقوله « قتل » گله سيله اکتفا اولوب تصديك آروجه ذکرينه حاجت كورلمشدر .

شوراسی ده محتاج ايضاحدر كه احوال مسرودهده اقامتگاه اجانبه دخول مسئله سی بجرائم مباحوث عنهانك يالكرز خانه ويا صاحب خانه طرفندن ايقاعنه متوقف اولوب جنسايات مذكوره نك مرتكبي كرك اجنبی تبعه سندن و كرك تبعه دولت عليه دن اولسون وجرم اجنبی خانه نك كرك دروننده و كرك خارجنده وقوع بولسون وسائر هر زرده اولورسه اولسون جانيك تحريسي و در دسني ويا جنايتك استحصال دلائل ثبوتيه می ايجون اقامتگاه اجانبه دخول اولنه بيایر . هر نه قدر پروتقولاك احكامی محتوی اولان شوراسی دولت مضبوطه سنده بوباده کی قابلیت دخول مسئله سی « كيرملری مجاز اوله بيلير » طرزنده برعبارة خائفانه ايله ذكر اولمش ايسهده اصل پروتقولاك فرانسزجه متننده « حكومت محليه نك طایي اوزرينه قری اختیار مجلسلرندن اوج كشيك رفاقيه قوه عمومیه مأمورلری اجنبی اقامتگاهنه كیره بيليرلر » ديه دها قطعی وصریح اوله رق افاده ايدلمشدر .

بوباده کی شرائطدن بریسی ده جریان حالی متضمن يابيله جق ضبط ورقه سی صورتنك حكومت محليه طرفندن در حال مسكننه كيريلان اجنبينك اك يقين محله بولنان قونسولوس مأمورينه ارسال ايدلمشدر . والحاصل شو پروتقولاك ايله اجانبك امور اداره حكومته وآسايش مملكتته قارشو ايقاع ايدميه جككری سوء استعمالنك بر درجه به قدر تحدیدينه موافقت دوليه استحصال ايديله بيلدی وقانونلریمزك حدود مملکيه من داخلنده جرياننه اساس قورولمش اولدی ايسهده انجق بوا - اساس نسبی ومقيد اولوب مطلقیتی تأمین ايدلمك شيمدی به قدر میسر اوله مدی ، تصرف املا كدن تولد ایدن اختلافادن ومسكن اجانبه قابلیت دخول حقنده کی صلاحیت مقیده ايله مسكن خارجنده امور ضابطه نك بلاقید جريانندن ماعدا احوالده اجانبك عهدودقديمه ايله حائز اولدقلى امتيازات كاكان مرعى ومحفوظ قالدی [۱] بناء عليه حكومت عدليه نك بو امتيازاتہ رعایت ايتمی مجبوریت عهديه تحتنددر .

[۱] معلوم اولدینی اوزره پروتقوله حقوق عادیه به متاقی بعض اوفق تفك تدلیلات دها وارايسهده صد دجهمزدن خارجدر .

شوحاله نظرأ مأمورین ضابطه عثمانیه برجرم وقوعنده در حال فاعل جرمی تدقیق تابعيته لزوم كورمكسزین دردست ايتمكه حائز اقتدار ايسه لرده فاعل جرم تابعیت اجنبیه ادعا ايتدیكى خالده بو ادعا نك نیت وعدم صحتك تدقیق وصحتی خالده یعنی اصولاً اثبات تابعیت ايتدیكى خالده عهود مذكوره دائره سنده حقوق امتیازیه رعایت اولمق صورتيله ايفای معامله اولمسی ضروریدر . انجق شوراده تدقیق تابعیت مسئله سی بر مسئله عدليه ويا اداریه اولوب اولدینی كیفیتی جای سؤال اولور .

تابعیت قانوننك احكام عمومیه سندن استدلال اولنديغنه كوره تابعیتك استحصال واكتسابی ويا اضاعه سی خصوصی بر مسئله عدليه اولوب بر مسئله اداریه وملکیه اولدینی باعث تردد اوله ماز وبخصوص تابعیت اجنبیه ادعای سفارتلر وقونسولوسخانه لرله بر چوق مخابرات وتعاطی افكار ومطالعاتی مؤدی اوله جق مسائل نازكینی دخی محتوی اوله بيلوب محكمه لر ايسه هر درلو تأثیرات سیاسیه دن آزاده بولمق لزومندن طولایي مأمورین دیپلو ماتیقیه ودوائر رسمیه اجنبیه ايله اجرای مخابرات ومناسباتدن ذاتاً ممنوعدرلر وشوحاله تدقیق تابعیت مسئله سی قوه عدليه نك صلاحیتدن خارج اوله جنی شبهه سزدر . بناء عليه دردست ايدیلان بر شخصك تابعیت اجنبیه ادعای خالده ضابطه عدليه نك ويا محاكمك يابه جنی وظیفه كیفيتك تدقیق حكومت محليه به تودیع ايتمكدن عبارت قالیر .

حكومت محليه نك بو تدقیقاده تابع اوله جنی اساسی تعیین وايضاح ايدميه جك الده بر اصول ونظام موجود دكاسهده اجنبيلكنی ادعا ایدن شخصك يندنه بولمسی لازم كان پساپورط ويا هویت ورقه لری مفادينه وقونسولوسخانه دن ونفوس اداره سندن آله جق معلوماته وصورسائر ايله استحصال ايديله جك ادله واماراته كوره صفت تابعیتك قبول ولدی الاقتضا رد ايدلمسی طبعیدر وآنجق حكومت ملكيه به صفت تابعیت تعیین ايتكدن صکره دركه حكومت عدليه نك ايفای وظیفه ده کی شكل وطرزی تعیین ايتش اولور .

بناء عليه ضابطه عدليه مأورلریله محكمه هیئتلرینك تدقیق تابعیت مسئله سینه مداخله لری ويا ادعای تابعیتی نظر دفته المقدن امتناعلری قطعاً جائز اولوب كیفيتك حكومت ملكيه به حواله وتودیعنه واداره ملكيه به تابعیت اجنبیه ادعای قبول اولنديغنی خالده آرتق صورت قطعیه ده عثمانی صفتيله وبالعکس تابعیتی تصدیق اولنديغنی تقدیرده احكام معاهداتہ توفیق حرکتله ايفای معامله به صرف دقت واهتمام الملری لزومی ظاهردر . قایتولاسیونلرك امور ملكيه من ايجون داعی اولدینی مشكلات اداره عدليه منرك تسکملانیله پیدرپی زائل اوله رق نهایت بونارك رفع والغاسنه دول متحابه نك سوق حسیات مخادنتكاربی وخیر خواهی ايله موافقت ايدميه جكکری درکار ايسهده هر شیدن اول امتیازات مذكوره یی عدم تحمل خصوصنده استعجال ايدرك احكام عهدیه نك اخلاصه بادی اوله جق حرکاتدن توقی لزومی اصلاً نظر دقتدن دور طوتلمايدر . لاقیدی ومساعیه ايله حدود امتیازیه نك توسیعندن نه مرتبه اجتناب ايدلمك اقتضا ایدرسه احكام عهدیه به دخی اونستنده رعایت ايدلمك لازمه حال ومصلحتدر . امتیازاتك رفع والغاسی بچشنده عزت نفس ملیمرك ايقاع ايدميه جکی تأثیراتدن

زیاده متین برووقوف ایله عهد و قانونه تمامی رعایتک وجدی بر حقایق پرور لیک ده مؤثر اوله جنی طبعیدر معاهداتک دخی بر قانون اولدینی عهد ایله اکتساب ایدلمش برحق غیر موجود بولندینی اصلاً اونوتلق اقتضا ایتمز .

عدلیه مفتشی

یوسف ضیا



قانون

کتابه مطبوع الادوار جهان ، نشر تألیف بدایع ایله متمادی جریان تدویر فنون و حوادث و اوراق حوادث دوران بسط حقایق الواقع ایله فصیح البیان تصویر افکار و مباحث استدکجه ناظم ترتیب فرمای مجموعه زمان ، صفحات جریده فریده عدلیه یی و رفکردان مأثر علم و عرفان بیورسون که دستکاه ظهوری حکمت المقاصد قوانین تفسیریه حیرتس انظار بر جولانکاه معانی نثار وجد اول سطوری سانحات علم حقوقه واسطه انتشار اولان (جریده عدلیه نک) رسمی و غیر رسمی اقسامی تشکیل ایدن ستونلری شاهد عیان بر برهان صورتنده تنظیم و تزین ایله اصدار احکام امرنده محاکم عمومییه رهنای اصول و امثال و تنویر افکار حکام ایچون بدیه طراز کمال اوله جق درجده محررات عمومییه ، اعلامات تمیزیه ، مقررات عدلیه و نفیس اثرلر ، سلیس فکرلر ایله مالامال مقالات قانونیه کبی مسائل غامضه و مطالعات صائبه نشر یاتنده رمز ازمایان حقوق ایچون توسیع معلوماته خدمت و معاونت ایتمکده و قانون شناسان اذکیای زمانه امور عدلیه نک بوصورته ده مقدرات ترقیات و تکملاتی کوسترمکده در .

معارف عدلیه نک بر عصر شان دورانه شایان اولان مناظر انتظام پرورانه و مأثر ترقی کسترانه سی که جدیر تقدیر و شکراندر . بونلرک مزیات ادبیه ایله امتزاج و اعتدالی علی التوالی نظرکاه استفاده یه ابذالی ایچون قانون منبعلندن آبیاری عدل و احسان ایله جریان ایدن ذلال الحال اقبال که نامی حیات ملک و ملتدر . ساحه مدنیته افاضه رشحات تشریحات و قانون موضعلندن دستیاری فضل و عرفان ایله وزان ایدن نسیم جانفزای فیوضات که بای سعادت مملکتدر . عالم انسانیه ایشار آثار کالات ایتمکده در .

بناء عایه قانون ، حقوق عمومییه نک تأمین محافظه سی ضمنده احکام موضوعه نک تمامی حسن جریانی تنسیق ایدن (انتظام عمومی) قاعده عدالت پیشه سنک تأسیسنه مبتیدر که دوام محفوظیتی تأیید ایدن انک نیاچ و وسائط اتباعیه سیدر .

قانون ، حقوق و وظائف بشریه یی تحدید و ترکیب ایدن (اجتماع مدنی) لوازم نک شرائط اساسیه سیدر . قانون ، طبایع بشردن مطابق حقیقت اوله رق انبعث ایدن رابطه ضرورییه یی تشکیل ایلان حقوقی

تأمیناً عدالتیه تطبیق حرکت ثمره سیله و هیئت اجتماعیه نک قوه صلاحیتی بهره سیله افراد جمعیتک حقنی حمایه ایدر . اساس مدنیته موافق اولان اصولی تعیین و توثیق ایلر .

بتون جمعیات بشریه نک مابه القوامی و لازمه یکنانه دوامی ، عالمک وسیله مستقره عمران و انتظامی قانون عدالتدر . صنوف تبعه وزیر دستان عرض و جان و ماللارندن اوسایده امین و بساط وسیع جهانده آسوده حال و کامیین اولورلر .

بر ملک قواعد متینه امنیت پرورانه ایله مدار اقبال و استعالی و شواهد رصینه صیانت کسترانه ایله ترقی رفتارشان و اجلاالی قانوندر . هر مملکتک فاتحه نجات میجمله سی و خاتمه ترقیات مکمله سی قانونه مستنددر . اصول و نظامات مدنییه اقتضاسه نجه انتظام عمومی یی اخلال ایدن احوال و افعالی منع ایله اخلاق ملیه یی تهذیب و متجاسر لرینی تأدیب و تهریب ایدن قانون ، حقوق جزائییه یی مؤیددر .

قانون ، کمال عدالتیه احقاق حق کیفیتک آثار فعلیه سی ابراز ایله انکشاف مسامحی و اعتماد عمومی یی مستلزم اولان موادک نکهبانیدر .

قانون ، امنیت عمومییه نک آهنگ دورانی تأمین و مصالح عامه نک سلامت جریانی احکام اساسیه نک ایجابانه توفیقاً تطمین ایدن اسبابک یکنانه ضمانیدر .

قانون ، اداره انتظام ممالک و بلدانک صباح الخیر صلاحی و شیرازه انسجام ترقی و عمرانک فجر الفلاحیدر . هر حال و کارده وسائل امن و استراحت تبعه یی استحصال و معارج سعادت حال عامه یی ترفیع ایله حیز اقباله ایصال ایدن قانوندر .

هر دولته ، هر مملکتیه تطبیقات اساسیه سنک دأره تکمله تمامیه انصالی مقاصد عالمه ممانه سیله شاهد شیرین لقای ترقی یی آغوش حصوله پرور شایب معرفت ایده جک و سائط اجرائیه نک اک برنجیلارندن اولان قوانین عدلیه ، محاکم صورت منتظمه ده حصول ترقی یاتنه مدار کلی اولان آثار عالیهدندر که انک جریان احکامیه انوار تربیت و مدنیته هر طرفه رونق پاش کال و مجاری ماء الحیات عدالت هر جهته فیضان بخش اقبال اولمقده در .

بناء علیه حقوق جزائییه ده احاطه کلیه سیله تفسیر و تشریح قوانینده بر زمین برجسته طرز ایله نورسسته افکار ترقی اولان تر زبان مؤلفین دیرلر که قانون ، حق جزا مقتضیاتک صورت مشروعه و مطرده ده ایفاسنی تبیین و قواعد اصولیه یه توفیقاً اطراد معاملات اساس اوله جق بر خط حرکت اتخاذ و اراده سی تعیین ایدر . هر مملته تشکیلات عدلیه و مملکیه نک مستمر اقوای انضباطیه سی و احکام مرعیه نک منتظماً آقود ارتباطیه سی قانوندر . تهذیب اخلاق ملیه نک رهنای بدارقه طرازی و تفسیر حکمینک اقصادی انجلا سازی قانوندر . آداب و ارکان محاکمی تنظیم و توثیق و اصول و قواعد عادله ایله انتظام عامه یی تنسیق ایدن قانوندر .

تطبيقات واجراآت فعلیه سنك تأثيرات عبرتنامه ایله ادبیات عدلیه یی لبریز نشاط وجدان وپرتوریز لمعان ایدن ینه قانوندر .

زمره قانون شناسانك قافله الاری اولان فضیلت نهادان حقوقك فاطمه پردازانندن صادر اولان اقوال حکیمانه دندرکه قانون ، مصلحت عامه ملاحظه عادلّه سیله متعالی فکرلرده تصویر حقیقت مزبیلّه جمیع الانار عرفاندر . منجلی نظرلرده تنویر عدالت شرفیه مطلع الانوار فیضاندر .

احساسات خطابوشانه ایله میزان عدالتی عمود صبح نورانی طرزنده برق جولان کبی جهان مدنیته نفوذ و سربان ایتدیرن قانون اشعلرندن بروز ایدن حکمتلر لمعلرندن فروز ایدن عبرتلر ایله هر پرده ضیائشار اقبال بربراعت استهلالدر . کویا که آفاق معالی معدلتده نورسحر کبی منتشر اولان بارقه سحر حلالدر .

ایشته قانون جمعیات مدنیّه بشریه یی ترکیب ایدن افرادك ادامه آسایش وامیت ووقایه حقوق ومنفعتی ضامن وکافل اولان بر میزان عدلیدرکه حقوق عمومیه وشخصیه نك تأمین وتدویری امرنده کی وجوبك ایفاسی آنك وجودیه حاصل اولور .

هر بدولت ، ملل واقوام ایچون مابه السعادة انسانیه اولان مقاصد تمدن وترقینك موقوف علیهی اولان قانون سایه سنده مرتبه بالاترین تکملاته صعود ایله اقصى الغایه آماله واصل اولور .

چونکه دول متمدنه نك خصائل مدوحه نقطه نظرندن احتیاجات ضروریه سنندن اولان تعاون عمومینك صورت منظمده افرادی یننده حصولیه منافع مشترکه عامه نك صیاتی قانون ایله قائمدر .

چونکه حب معالی وتجیل مکرم حسیاتیه تربیه مدنیّه ومحاسن اخلاق ملیه نك اک برنجیسی اولان قاعده عدل وحقانیتی وضع وتأسيس ایله استقراری واجب اولان موازنه ومعادله نك دائره مؤتمده اجرای احکام ایده بیلمسی قانون ایله دائمدر .

حکمت بالغه صمدانیّه مقتضاسنجه مادام که انسان طبعاً مدنیدر لابد ابنای نوعیه وقوعه کلان مناسبات مشترکه وروابط ومعاملات عمومیه سننده حسن انتظام ایستر .

قدرت فاطره ربانیه ایجابنجه مادام که انسان خلقة ترقیه مستمددر کرک لوازم مدنیّت وکرک مراسم سعادت وسلامتک تمادیمی ایچون اصولاً مقرر اولان احکام اساسیه نك تأمین امرنده قانون ونظام ایستر .

بونك ایچوندرکه شو مدنیته کاه حریر پروازه عطایای قدرتک ابدالیله سمای حکمتدن بونجه مآثر کلالانک شیرازه انتظامی هپ قانونه مربوطدر .

بونك ایچوندرکه قدرت فاطره نك لطف محضیه دریای حکمتدن صاحبدریلان -- نظربای وجدان -- بونجه ، آثار ترقیاتک سلسله نظامی هپ قانونك حسن تطبیقیله مشروطدر .

تاریخلره باقلسون ، بونجه مآثر ترقی و عمران حکم قانون سایه سننده محصول دوره شئون وشان دکیدر ؟

قانون ، برمنظومه مجلای حقانیتدرکه عالم وجدانه شمشعه پاش علویت اولان نور معرفتک مطلق فیضانیدر . قانون بر رابطه معالی عدالتدرکه فکر انتظامی تنویر ایدن خاصه دانش وفضیلتك منبع جولانیدر .

ایشته قانون ، فطین سیرتان ادب عنندنه بونقاط مهمه فلاطون پسندنانه یی هرخصوصده اس حرکت اتخاذ وهر ایشده مقدمه موفقیت اعتیاد ایتدیره جک خصائل عالیه نك جمله جلیله سنندن ، فضائل سامیه نك زبده جمیله سنندن انعکاس ایدن برمرآت حقیقتدرکه مزیات علمیه وصناعیه یی تصویر ایله مملکتک مابه الحیات عمرانی وقواعد عدالتک مجرای ربانیدر .

نظر حکمت بومعیارعدالتی معرض تدقیقه النجه هر برجعت انسانیه نك كافة احتیاجات مدنیّه وفیوضات مادیّه ومعنویه سی حقوق عمومیه یی محافظه ایچون یاپیش اولان قانونك حمایه سیله حصول بولورکه بونلرک بتون مآثر فعلیه سنی تنظیم وتأیید ایدن قانوندر .

چرخ اداره بشریه نك محوری وهیئات متمدنه نك روحی مثابه سننده اولان حقوق ووظائف انسانیه یی تبیین وتحید ایدن قانوندر .

بتون ملتلی اوج اعلائی ترقیه اصعاد ایله بادی فلاح ونجات وحامی حقرق مساوات اولان قانوندر . بتون دولتلی طبقات ترقیاته ارتقاییله پرامن آمان وآنارمدنیّت و عمران ایله خیر بخش جهان ایدن قانوندر . دول متمدنه نك مدار ترقیسی اولان معارف وصنایی نمونه نمای تربیه وصرقان ایدن قانوندر . ملکک احیاسنی استلزام ایدن معادن ثروت ، خزائن تجارت وزراعت ، دفاین ترقی وسعادت منبملری کشف واستخراج ایدن هپ رابطه قانوندر .

حاصلی جهان معرفت ومدنیّتک انتظام وتزینات اساسیه وانشآت عمومیه وکالات ملیه سنی کوسستن هپ نشانه قانوندر .

علمان عدل واحسان ایچنده تلاطم ایدن قانون موجهلرندن رمز آشای حقوق ایچون دراری حقیقت وجواهر معرفت دامن استفادیه ریزان اولور .

آسمان حکمت وعرقان ایچنده تابان اولان قانون بارقه لرندن افاق مدنیته منتشر اولان کواکب معارفدن لعانظر از بروز اولمده بولتان انوار بینات انظار استفاضیه فروزان اولور .

طاعت



استنطاقك صورت اجراسنه دائر بعض قواعد اساسیه ومعاملات عمومیه

اول وآخر تنسیقاتی اجرا واکال ایدلش اولان طشره ده کی مستنطقلرک برقمی مکتب حقوق عثمانی اذونی وبعضیسیده تجربه دیده ومسلیکدن یتشهرک فن مهم استنطاقك غوامضنه وقف اولملریله بوقیل محلی

مستطقاتيك تنظيم ايتدكلى اوراق استنطاقيه نك مكملتي جاي بحث دكلسده يقين و قنده تنسيقاتي اكل
ايدلمش و مستطقاتيكده مأموريتلى سبقت ايتامش ويا تنسيقات عدليه سي هنوز اجرا ايدلمش اولان بعض
محل درائر استنطاقيه سي استنطاقامه لرنده موجود نواقص اساسيه معاملات اتهاميه و محاکمات سرعت و حسن
صورته اجرا سنى اشكال و بونقصانلى احكام قانونيه دخی اخلال ايتكده و بعضاً حقوق عموميه و شخصيه
غير قابل تلافي بر صورتده ضياعه او غرامقه و مستطقاتلرجه وقت و زمانيله اضافى سهيل اولان بوقيل
نواقصك بالاخره هيئت اتهاميه ويا محكمه لرنده اكالى حالده آيلرجه مدت مرور ايدرك تادى موقوفه
و بلكده حقيقت حالك پرده خفاده قلمسه سببت و بلكده اولديغندن ايشته اوقيل مبتدى مستطقاتلرله سائر
ضابطه عدليه صفتى حائر اولان مأمورينه موجب تسهيلات اولق اوزره دست تدقيقن كوريلان اوراق
تحقيقه تصادف ايدلمكده لان نواقصه تجارب واقعه دن وارباب حقوقك مطالعيله احكام قانونيه ني مقصر
اوامر عليه دن بالاعتباس بعض قواعد اساسيه نك ذكر و ايضاحنه مجبوريت حاصل اولمش و زيرده مفصلاً
كوستيله جكي وجهله بر جوق احوالده يالكز شهودك اخباراتى ايله اكتفا جائز اولمايغندن اوكى جرائم
مشهودده نتائج كشفياتى محتوى اوله رق متعدد قروكى نمونه لرى تنظيم ايدلمش و استنطاق حقه كى اشبو
قواعد اساسيه نك اكلندن صكره محكمه تميزجه نقض حكمى مستلزم اولان اسبابك لك مهملى نك دخی
خلاصه درج و ايضاحى مقرر بولمشد.

۱ — مدعى عمومى نك طابناميه لره بر اوراقك دائره استنطاقه ورودى آنده مستطقات اولاستدعا يعنى
اساس معامله دفترينه معامله قيديه سنى اجرا و مدعى عمومى نك هانكى تاريخ و نومرولى طابناميه سنده مستنداً
نه كى بر جرمدن طولاني كيملر عليه اجرا ايديله جك استجوابنامه اولديغنى مختصر بر صورتده عدليه نظارت
جمله سندن قيباً تعميم اولنه جنى مستخبر اولان مطبوع استنطاقنامه نك ايلك صحيفه سي مقدمه سنده انباليتد كن
صكره اوكونكى تاريخ ايله مستطقات امضاسنى وضع ايتلى و صحيفه لره آرسيمده رسمى مهرله تمهيد ايدلملير .

۲ — بر اوراقك دائريه وروديله مامله ابتدائيه قلميه نك اكلانى متعاقب هر نوع مواده و تخصيص
جنايات افعاننده مظنون عليه استجوابنه مباشرت ايتزدن اول مستطقاتى اوراق موجوده ني كال بصيرت و اعتنايله
كافه اقسامنى مطالعه و مندرجاته و قوف نام حاصل ايدرك لازم الاستجواب نقطه لرى فهرست مثللو بر كاغده
اشارت ايتد كن صكره مظنون عليه استجوابنه كيريشملى در . ايجابنه كوره اسئله ني تزويد و توسيع ايتلى
و مظنونك اجوبه سندن استدلالاً و تحقيقانك روشنه نظراً اسئله مهمه ايراد و ايجاد و ادعوى ضمننده كيملرك
جلب و استجوابى مقتضى ايسه بونرك اساميه سنى محتوى اوله رق ديكر بر بوصله دخی تنظيميله استجواباتى
ختم بولدجه اسملى خذاسنه اشارت ايدلملير .

۳ — بر اوراقك دائريه ورودندن اكلانه قدر مستطقاتك فعاليت وظيفه پرورلى درجه سى و ايش
تاخراته دوچار اولمش ايسه اسباب موجب مبرميه سى اكلاشيله بيلمك اوزره طرفين و شهوده

هانكى كون ايچون جلب مذ كره لرى تسطير ايدلدىكى و ياز و منه مبنى مثلاً مظنون عليه سى و محكوميت سابقه سى
كى تحقيقاته متفرع بر جهت حقه دن بردائره دن استعلام ايدلمش ايسه بونقطه و دائره استنطاقيه ده جريان ايدن كافه
معاملات منتظم بر صورتده و مطبوع استنطاقامه ظرفلى ظهرنده كى خانه مخصوصه لرنده مختصراً اشارت و تاريخ
وضع ايدلمى . معين اولان كونده جلب مذ كره سنده مطاوعته كالان اشخاصك در حال افاده لرى اصول استنطاق
وجهله ضبط و اوكونه مدعو اشخاصك كافه سى ويا بر قسمى كله مش اولديغنى صورتده معامله سنى بشقه كونه
قطعيماً تاخير ايتكسزين همان بالتدقيق جلب مذ كره لرى نك نسخه ثابته مبلغه لرى ورود ايتمش و امر تبليغات
تريفات قانونيه دائره سنده اجرا اولمش ايسه احضار مذ كره سى تسطيرى و شاهد ايسه جزاى نقدى تقدير
و حكمى كى معاملات قانونيه نك بالا كمال برائى تنفيذ مدعى عمومى لكه توديبى و جلب مذ كره لرى نك نسخه ثابته لرى
اعاده قلمامش ويا تبليغات واقعه قانونه مخالف بر صورتده اجرا اولمش ايسه بر طرفدن بونك عدم تكررى اسبابك
استكمالى ايچون مرجعه مراجعت و ديكر طرفدن عين كونده يكيدن جلب مذ كره لرى تسطيريله تاخراتك
دائره استنطاقده وقوع بولمديغنى اثبات و شوسيله ايله امر استنطاقده مطلوب وجهله بر سرعت تامه اراده سنده
جهد و غيرت ايدلمى و كوردىكى وجهله محضا بر كره جلب مذ كره سى چيقارلدقن صكره يوم معين مرور
ايتشكن و رودينه انتظاراً كونلره معامله سى براغلمسى ويا احضار مذ كره سى تا كيدسز براقيه رق احضارى
طلب اولان اشخاصك آيلرجه بكتلمسى كى يواسزلقلره ميدان براغلاملير .

۴ — مظنون عليه لرك جلب ويا احضار مذ كره سيله كتورلدكلى نك وزرلى اولدقلى نك و يالكز
كندولريله بابالرى اسملى و اوصاف و اشكال مخصوصه لرى ضبطنامه شكلنده يازلدقن و تاريخ و كون وضع
اولدقن صكره زيرنده و سوال خانه سنده (اسمك نه در ...) زمينده بر مقدمه استيضاحدن صكره جواب
خانه سنده اسم و شهرت و سن و صنعتى و [حكملى نك ائامى تنفيذنده تصادف ايدلان مشكلاتى بر طرف ايتك
و هويتلى تماميله اوراق تحقيقه ده مضبوطى تايمين ايدلمش اولق اوزره] محل اقامت و ولادتلى ملتي
و [ايستاستيق دفترلى ايله اصول جزائيه نك فصل مخصوصى موجبجه عليه جزا حكم اولان اشخاصه
مندار دفترلك حين تنظيمنده كى لزومه مبنى ده] او قور يازار و متاهل و صاحب اولادو محكوميت سابقه سى
اولوب اولمايغنى و محكوميتى اولديغنى سويلدىكى حالده نه كى جرمدن طولاني و نه قدر جزايله محكوم اولديغنى
بالسوال استنطاقنامه ده درج و تكرر جرمدن عين فعلى كسب قطعيت ايتمش محكوميت سابقه سنى رسماً تحقيقى
شرط اولسند كوره ائامى محكمه ده ايتضاح و استعلاماته محل قلامق اوزره محكوميت سابقه نقطه سى مظنونك
اقرارينه انحصار ايتد رلملرك هر حالده محاكم و دوائر متعلقه سندن استعلام كيفيته معامله سى مذ كره نك اوراقى
ميانه وضع اولملى و مظنون عايه فرارده اولسه بيله اسم و شهرت و اوصاف و اشكالك تحقيقدن و بر جوق
مستطقاتك معاملاتده كوردىكى وجهله بر مظنون اهليت جزائيه سنى حائر اولوب اولمايغنى اكلاشلمسند
مانع اولان سن مسئله نك استيضاحدن هيچ بر صورت و سبيله ذهول اولمايلير .

۵۔ جرم مشہود اوزرینہ اوراقلہ برلکندہ پولیس ویاژاندارمہ دواژندن سوق ایدلسی مأمول اولان بوکی مظلونلرک دخی مقداری نظر دقتہ انہرق محکمہ لک طومقدمہ اولدقلری جلب دفتیرینہ قیاساً هر کون ایچون دائرہ استنطاقہ مدعو اولان اشخاصک اسملریلہ ایضاحات سائرہ درج ایدلمیرک نمونہ وجهلہ ارزو ایدلیدی حالہ مخطرہ قیلندن خصوصی بر دفتر استعمال ایله برکوندہ قاج شـخصک افادہ سنک النبی ممکن ایسه اکا کوره اشارت واشخاص مجلوبہ نک ساعتلرجه بکللمسنہ وبعضآدہ یتیشیلہ مامسی چہتلہ فردایہ تعلیق استجوابہ محل قلمامق اوزرہ جلب مذکرہ لرنده اولدینی کی بود دفترده ساعت قاجده مدعو اولدقلری جهتی قید ایدلیدی صورتده هم دواژ استنطاقیہ نک انتظام معاملاتی ایله الاقدم فالاقدم قاعدہ سنہ توفیقاً مقدم ساعتده دعوت اولانلرک استجواباتہ ابتدار وافراد اہالیکن اوزون برمدت بکللمامسی تأمین ایدلمش ہمده جرم مشہودہ عزیمتلہ برمدت دائرہ دن غیبوتی طبعی اولان مستطقتک بومدت اثناسندہ ناملرینہ کوندریلان جلب مذکرہ لری اوزرینہ ورود ایدہ جک اشخاصہ متعلق اوراقلک دیگر مستنطقہ ویا رئیس محکمہ دن تعیین اولنہ جق اعضایہ تودیع امرندہ تسبیلاتی موجب اولمش اولور .

۲۲ مارت سنہ ۳۲۵ یوم جمعہ ایرتسی

اوراق نومروسی	نوع جرم	مشکیلرک عددی	مظلونک عددی	شہودک عددی	ساعت	ملاحظات
۵	سرقت	۱	۲	۵	۴	اکال ایدلدی
۷	جرح	۲	۳	۲	۴	برقسنہ یکیدن جلب واحضار مذکرہ لری ایچون ۲۵ مارت سنہ ۳۲۵ تاریخہ براندلی
۱۲	نشرہیر سلاح	۱	۴	۳	۵	اکال ایدلدی
۱۸	قتل	۱	۱	۰	۶	مظلونہ احضار ایچون ۲۵ مارت سنہ ۳۲۵ تاریخہ براغلمشدر
۲۵	جرح	۰	۲	۰	۸	اکال ایدلدی

۲۱ مارت سنہ ۳۲۵ یوم بازار

اوراق نومروسی	نوع جرم	مشکیلرک عددی	مظلونلرک عددی	شہودک عددی	ساعت	ملاحظات
۸	اولانندی تعلیق	۲	۳	۵	۴	ایکی شاہد ایچون ۲۵ مارتہ معیندر
۱۱	جرم	۱	۱	۳	۴	راپور قطعی ایچون ۲۹ مارتہ معیندر
۱۶	تعطیل عضو	۱	۲	۶	۵	مطالعہ یہ ویرلمشدر
۱۸	سرقت	۱	۳	۴	۸	محل وقعہ نک کشفی اجرا اولنہ جقدیر

۶۔ مظلون سؤالک ماہیتی اکلہ یارق جوابی تأمل ایتمکہ وقلاچامق یولنی بولمغہ میدان بولماق ایچون مستنطق کاتبہ بروجه پشین ایراد ایدہ جکی سؤالری یازدیر ماملی در .

۷۔ صورت استنطاق ، مظلونک حال وصفتنہ ، اخلاقہ واستعداد ذاتیسنہ کورہ تبدل ایتلمیر . بعض مظلونلر اقرار جرم ایدر بعضیسی انکارده اصرار ایدر . بعضلری انکار ایتمکہ برابر تحقیقاتدن متحصل دلائل انک مجرمیتی درجہ بداهتہ ایصال ایتش اولور . منکر اولان بعض مظلونلر حقلمندہ مظلونیتی مجرمیتی موجب دلیل بولماز بونلردن هر برینک صورت استنطاقی تحول ایتک ضروریدر وھلہ اولادہ مجرمیتی محقق کوریلان بر شخص ایله مظلومیتی حقندہ احتمالات قطعہ بولنان بر شخص سیاق واحد اوزرہ استنطاق اولنہ من . مستنطق تحقیقاتی عدالت ومشروطیت دائرہ سندہ جریان ایتدیرمکی التزام ایدرک مقتریات واغراض شخصیہ یہ آلت اولماملی در .

۸۔ مظلون علیمہ قارشو مستجوب ومستنطق دائما طائلی لسان قوللانمی رفق وملایمتی نظردن دور طوتاملی در . سرت وتهدید آمیز لسان استعمال ایتاملی ، صاحب تمکین ومثانت ، حقانیت پرور اولمی ، بعض اوراقلہ کورلدیکی وجهلہ « بونی فلان یاماز ، سنک کی عادی آدملر یاپہ بیلیر » کی صفت حاکمیت ورسمیتہ وقاعدہ بیطرفیہ منافی سؤالر ترتیب ایدلماملی ، هر مظلونہ متهم نظریلہ باقماملی حقیقت حالی استعداد واهلیت ایله ظاہرہ اخراج ایتملی ، مظلون عامک ذهنی تغلیط ایچون حیلہ وخدعہ یہ آلت اتخاژ ایتاملی در .

۹ - مضمون عليه خطاباً ایراد ایديله چك مسئله قطعياً مصطلح اولماملی . معناسی واضح ، آچیق صریح عادی و مختصر اولملی و بر قاج ماده بردن سوال ایدل ماملی آلنه حق جوابلرده او نسبتده صریح ، واضح و تخصص سواله جواب اولمسنه اعتنا اولمیلیر .

۱۰ — حین استنطاقده حاضر بولنان کاتبک وظیفه سی ایراد اولنان اسئلہ فی مظنون طرفدن ویریلہ چک جوابلری قید ایتمکدن عبارت اولوب مظنولہ مستنطق آرسنده امر استجوابده هیچ کیمسہ واسطہ اولہ میہ جق مستنطق بالذات استنطاق ایتلی یوقسہ کاتبہ تودیع امورلہ بالاخرہ کندوسی بولنمشج مسنہ زیرینہ وضع امضاکی یولسنز معاملا تندن توقی اولنلی در .

۱۱ — مظلوم نوردن اعتراف جرم ایدن يك نادر بولمسنه نظراً بومثلاً احوالده مستنطق همان كندوسنه اسناد اولان فعلی ونیت ومقصودی بر دن بره اظهار ایتیموب اكا تعلق اولیان بعض سؤاللر ایراديله استنطاقه بتدار ایتلی در . بر فمك بر جهتی حقنده بر سؤال ایراد ایتدكن صكره دیگر جهتی استیضاح ومقدما ایراد ایتدیكى بر سؤالی شكلی تبدیل ایدرك ایكنجی واوچنجی دفعه تكرار ایراد ایده بیلور. انجق بویولده سؤال ایراد ایلدكن صكره صدد وسؤال خارچنده اولمادقچه مظلون طرفندن كمال سربستی ايله جواب اعطاسنه مساعدده اولملى وجوابلر كمال اعتنا ايله دبكنملى در مستنطق طرفندن ایشك ایجابنه وروشنه كوره فطانت ودرایتله متناسب بر صورتده استنطاقه ترتیب اولملى . برنجی سؤالده بر جوق استنطاق نامهلرده تصادف اولندیغی وجهله « فلان ایشی سن یاپك دیسورلر » سؤالنه قارشو مظلونك انكار جرم ایتسنی متعاقب « یاپدیغك ثابت اولورسه نه دیه جكسك وجزا كه راضی اولورمیسك » كبی روحسز سؤال ترتیندن واز كچملى . اولادولاییسيله باشلاوبوب آهسته آهسته وتدریجاً وقعه یه نقل مقال ایتلی . مثلاً مستنطق ابتدای امرده مظلونه نیچون دردست اولندیغی بیلوب بیلمدیكنی ویا بویولده بر جنحه ویا جنایت وقوعندن خبردار اولوب اولمادیغی وخبردار ایسه بو جنایت ویا جنحه نك وجودینه نه صورتله مطلع اولدیغی وقعه دن كیمك معلوماتی اولمق لازم كله جكی او كبی اشخاص تعین ایدرسه بونرله كوریشوب كوروشمیدیكى وقعه هنكامنده اوجوارلرده بولنوب بولمندیغی وحين ایقاع جرمده كندوسنك نمرلرده كیملرله بولندیغی ، جرمده اشتراك ایدوب ایتدیكى سؤال ایدملى . بالطبع بوسؤاللره ویريله جك جوابك صحتی حقنده درحال وزیرده ایضاح اولنه جغی وجهله ایجاب ایدن وسائطه مزاجتله استحصال معلومات ایتك كر كدر والحاصل سؤاللرك ترتیب وایراندنه مستنطق اهلیت واقتمدارینی بحق كوسترمیلیدر .

۱۲ — مظلون جرمدن خبردار اولمادیغنی و فاعلاک کیم اولدیغنی بیلمدیکنی بیان ایدر و بوضورتله انکارده بولورسه علیهنده کی شهودک اسامیسی و صورت افاده لری کندوسنه تفهیم و تبلیغ اولمقسزین فقط صورت عمومده اوله رق مظلونیتنه دایر اولان جهتلر یکان یکان افهام و جوابی ضبط واکرچه ینه انکارده دوام

ايدرسه سؤالدر ده تفصيلي درميان اولملي ويته انكارده ثبات واصرار ايلرسه بيان ايتديكي جوابك ضبطندن صكره مستنطق طرفندن تنظيم اوله جق احتياطي و تمكينلي سؤاللر واسطه سيلاه جوابنده كي حقيقت حاله مغاير و مخالف اولان جهتلر كندوسنه اخطار و شهودك شهادتي تعريف و عندالايجاب مواجهه ايداسي صورتيله احوال موجوديه قارشو مظنون تخليص كريبان يواني بوله ميّه جغه يقين حاصل ايدرك اقرار جرمه بوتداير قانونيه ايله اجبار ايدلمليدر .

[مابعدى وار]

باش مدعی عمومی باش معاونی

مظفر



